


Уильям  
ФОЛКНЕР

Кисса һа  
жикоялар

Айиқ  
Эмили үчүн аттаргуулар  
Піңгінші септемвр  
Оюн  
Көрә мусиқа



УИЛЬЯМ ФОЛКНЕР

ҚИССА ВА  
ҲИКОЯЛАР

ТҮПЛОВЧИ ВА СҮЗ БОШИ МУАЛЛИФИ  
ПРОФЕССОР А.Х.САИДОВ

Тошкент  
«Янги аср авлоди»  
2013

**УЎК: 821.512.133-3**

**КБК: 84(7)**

**Ф-В1 752**

**Фолкнер, Уильям.** Қисса ва ҳикоялар/тўпловчи ва сўз боши муаллифи А.Х.Саидов. — Тошкент: «Янги аср авлоди», 2013. — 180 бет.

ISBN 978-9943-08-974-7

**Уильям Фолкнер** — XX аср Америка адабиётининг йирик на-  
мояндаларидан бири. Илк шеърлар китоби 1924 йилда нашр этил-  
ган. Биринчи романни «Аскар мукофоти» 1926 йилда нашр этилган.  
«Сарторис», «Шовқин ва қаҳр», «Ўлим тўшагида», «Ибодатгоҳ»,  
«Август ёғудси», «Авессалом, Авессалом!», «Қишлоқ», «Шаҳар»,  
«Қўргон», «Мусо, кел», «Нақл» сингари йирик романлар, ҳикоялар  
ҳамда қиссалар муаллифи Фолкнер Нобель мукофоти совриндо-  
ридир.

ИброҳимFaфуров XX асрнинг саксонинчи йилларида Фолк-  
нернинг «Эмили учун атиргуллар», «Тўзонли сентябрь», «Уош»,  
«Қора мусиқа» сингари ҳикояларини ўзбек тилига таржима қил-  
ган эди.

Ушбу китоб У.Фолкнернинг ўзбек тилида чоп этилаётган илк  
тўпламидир.

Асар кенг китобхонлар оммасига мўлжалланган.

**УЎК: 821.512.133-3**

**КБК: 84(7)**

ISBN 978-9943-08-974-7

© Уильям Фолкнер, «Қисса ва ҳикоялар» (тўпловчи ва сўз бўини  
муаллифи А.Х.Саидов). «Янги аср авлоди», 2013 йил.

## УИЛЬЯМ ФОЛКНЕР – ИНСОНПАРВАР ЁЗУВЧИ

«Ёзувчининг масъулият и –  
ҳақиқат ни ҳикоя қилишдир,  
ҳақиқат ни шундай ҳикоя қилиш  
керакки, у унут илмайдиган образ-  
га айлансин. Бирор нарсани од-  
дийгина хабар қилиш, адолат сиз-  
лик т ўғрисида ёзишининг ўзи баъ-  
зан ет арли змас. Бу одамларга  
т аъсир қилмайди. Ёзувчи бунга  
ўзининг ист еъодидини қўшиши ке-  
рак, у ана шу ҳақиқат ни олиб,  
одамлар буни ёдда сақлаб қолиш-  
лари учун тагидан гулхан ёқиши  
керак. Ёзувчининг масъулият и  
худди шундадир».

У.Фолкнер

Буюк американлик ёзувчи У.Фолкнер ўз қабртоши-  
даги ёзувни шундай тасаввур қилган: **Уильям Катберт  
Фолкнер (1897–1952)** – американлик ёзувчи, шоир, дра-  
матург, публицист, эссечи, киносценариячи, адабиёт  
соҳасида 1949 йилги Нобель мукофотининг лауреати,  
XX асрнинг энг йирик адаби, эҳтимол, аввалги юз йил-  
лик адабиётининг энг машҳур сиймосидир. Франция-  
лик ёзувчи Ж.П.Сартр американлик танқидчи М.Кау-  
лига йўллаган мактубида эса «Фолкнер – бу Тангри!»  
деган. Айни пайтда, кейинчалик М.Каули «Фолкнер-  
нинг асаларини ватанида кам ўқишар ва унга етарли-  
ча баҳо беришмасди», – деб кўрсатган ва унинг роман-  
ларини «эришиб бўлмайдиган бадиий жасорат» деб  
эътироф этган.

Инсон тақдири учун, одамлар бошидан бурадастан, укубатлар, улар дучор бўладиган зеркарсизлаби ва

шафқатсизлик учун қайтуриш – У.Фолкнер бутун ижодидан қизил ип бўлиб ўтган. Шунинг учун ҳам ёзувчи Япониядаги Нагано университети студентларининг ўзини қайси адабий мактабга мансуб деб ҳисоблаши тўғрисидаги саволига жавоб берар экан, шундай деган: «Мен мансуб бўлган, мансуб бўлишни хоҳлаган ягона мактаб – бу инсонпарварлик мактабидир».

Уильям Катберт Фолкнер 1897 йилнинг 25 сентябррида Миссисипи штатининг Нью-Олбани шаҳарчасида университетнинг ишлар бошқарувчиси Марри Чарльз Фолкнер ва Мод (Батлер) Фолкнер оиласида туғилган. Кейинчалик оиласи ушбу штат шимолига, Оксфорд шаҳрига кўчиб ўтган. Бўлажак ёзувчи бир неча сафарлари ҳисобга олинмаса, ҳаётининг асосий қисмини шу ерда ўтказган.

Бўлажак ёзувчининг оиласида бобосининг отаси – полковник Уильям Кларк Фолкнер тўғрисидаги ёрқин хотиралар сақланиб қолган. Бу машҳур шахс хотираси сифатида унга Уильям, қисқартириб айтилганда Билл номини беришган. Нобель мукофоти лауреатининг романларида Уильям Кларк Фолкнер полковник Сарториснинг тимсоли бўлган.

Адиб учун бобосининг отаси тақдири мисолида Сарторисдек қаҳрамон характерини очиб бериш нақадар бекиёс бадиий маҳорат талаб қилинганигини тасаввур этиш мумкин. Уильям Кларк Фолкнер ўсмирилик пайтида уйидан чиқиб кетган ва 14 ёшидаёқ шаҳар турмасида ишлаган. У Мексикадаги урушда иштирок этган, юрист бўлиб ишлаган, қишлоқ хўжалиги билан шуғулланган, Фуқаролар уруши вақтида суворий аскарлар полкига кўмондонлик қилган. Бу инсон урушдан сўнг ўз штатида биринчи темир йўлни қурган.

Уильям Кларк Фолкнер шеърлар битган, кейинчалик насрда ҳам ижод қилган. Унинг «Мемфиснинг оқ атиргули» романи қайта-қайта нашр этилган. «Мемфиснинг оқ атиргули» романлизм анъаналари руҳида битилган бўлиб, Америка Жанубидаги рицарликка ўзига

хос мадҳидир. Шунинг учун ҳам бу роман жанубда жуда машҳур бўлган. Буни ушбу асар **Маргерет Митчеллнинг** оламшумул «**Еллар олиб кетган**» китобининг бадиий манбаси бўлганлиги ҳам исботлайди.

Полковникнинг жўшқин ҳаёти фожиона тутаган: уни бизнес рақобатчиси ўлдирган.

Уильям Катберт Фолкнернинг болалиги **Марк Твеннинг** китобларидаи Том Сойер ва Гек Финн тўғрисида ёдда қолган воқеаларга ўхшаб кетган. Бу қаҳрамонлар каби Уильямнинг болалик таассуротлари ҳам ўз ёшига хос бўлмаган. У икки бор қора танлилар қатл этиладиган Линч судини кузатган. У. Фолкнер 11 ёшга тўлганда Оксфордда шаҳарнинг икки минг аҳолиси иштирок этган Линч суди бўлиб ўтган. Суд хукмига кўра калласи олинган кимсанинг жасади майдонга осиб қўйилган. Бундан-да даҳшатли суд олти йил ўтгач рўй берган. У. Фолкнерга бундай қонли ирқий фожиа қаттиқ таъсир қилган. Шунинг учун унинг деярли ҳар бир асарида Америкадаги ирқий муаммо кўтарилади.

У.Фолкнер Марк Твен каби тизимли таълим олмаган. У ўрта мактабни тугаллай олмаган, университетда ҳам атиги бир ярим йил ўқиган. Унинг маълумоти жуда кўп китобларни тартибсиз равишда ўқишдан иборат бўлган, холос. У 17 ёшида мактабни ташлаб кетган. У ўз бобосининг банкида ишлаган. Ўша пайтдаёқ Уильям факат расм солишга қизиқиб қолмасдан, 13 ёшидан шеърлар ҳам ёза бошлаган.

Биринчи жаҳон уруши бошланиши билан у армия сафига киришга ариза берган, бироқ бўйи атиги 167 см бўлганлиги учун хоҳиши қондирилмаган. Шунга қарамасдан, 1918 йилда ўз орзусига эришган – ҳарбий учувчи бўлган. У.Фолкнер ўзининг учувчилик маҳоратини Канаданинг Торонто шаҳридаги Қироллик ҳарбий-ҳаво кучларида оширган, лекин ҳарбий ҳаракатларда иштирок этмаган. Чунки машқларнинг бирида у авиация фалокатига учраган.

Бўлажак ёзувчи армиядаги хизмати тутагач, қадрдон шаҳрига қайтган. У бемор отасининг хоҳишига кўра Оксфорд университетига кирган, бу ерда испан ва француз тилларини муваффақиятли эгаллаган. Бундан ташқари, шу университетда почта хизматчиси бўлиб ҳам ишлаган. Уни иш вақтида китоб ўқиш билан машғул бўлганлиги учун ишдан бўшатишган. У.Фолкнер ишдан бўшаш тўғрисидаги аризасини жуда антиқа битган: «Капиталистик тизимда яшар эканман, ўз ҳаётими ни пулдор одамлар талаблари таъсирига дучор қилишга тайёрман. Лекин почта маркаси учун икки цент сарф қила оладиган ҳар бир дарбадар ярамаснинг хизматини қиласам, менга лаънатлар бўлсин».

1927 йилда У.Фолкнер ўз орзусига эришган — мактабда ўқиётган пайтида севиб қолган Эстелл Одхэм Франклиnga уйланган. Эстел бундан аввал биринчи эридан ажralган. Уларнинг икки фарзанди — Алабама (1931 йилда вафот этган) ва Жил бўлган.

У.Фолкнернинг «Нью Рипаблик» («New Republic») журналида 1919 йилда чоп этилган «Фавннинг кундузти туши» («L'Apres-midi dun faune») шеърининг эълон қилиниши унинг адабий ижоди муқаддимаси бўлган.

Ижодининг илк даврида У.Фолкнер Франция символистларининг таъсири остида бўлган, уларга очиқчасига тақлид қилган. Кейин эса тажрибавий, модерн деб аталадиган адабиёт — Ж.Жойс, Т.С.Элиот ижодига мояйлилк сезган. У.Фолкнернинг ўзи Ж.Жойснинг «Улисс» романи (1922) билан танишлигини инкор этган. Бироқ кейинчалик унинг XX аср энг янги адабиётини бошлаб берган деб ҳисобланган ушбу асарни анча эрта ўқиганлиги маълум бўлган.

1920 йилда У.Фолкнер университетдаги ўқишини ташлаб, Нью-Йорк шаҳрига келган ва китоб магазинида сотувчи бўлиб ишлаган. У чаққон сотувчи сифатида оғизга тушмаган бўлса ҳам, жуда китобсеварлиги билан ажralиб турган. Бевосита худди шу Нью-Йорк шаҳрида у илк бор Сервантес ва Достоевский, Толстой,

**Бальзак ва Диккенс, Флобер ва Мелвиллнинг асарларини қунт билан мутолаа қилган.**

1924 йилда «**Мармар фавн**» («The Marble Faun») шеърлар тўпламини (у ўқувчиларнинг эътиборига тушмадиган) чиқарган, кейин Янги Орлеангага кўчиб ўтиб, бу ерда ёзувчи Шервуд Андерсон билан танишган. Ш.Андерсон унга шундай маслаҳат берган: «Сиз, Фолкнер, қишлоқлик йигитсиз. Сиз билган ҳамма нарса — Миссисипидаги бир қарич ердир. Аммо шунинг ўзи етарли. Бу ҳам Америка».

У.Фолкнер асарларининг ихлосмандлари учун мана шу бир қарич ер — ёзувчи томонидан ўйлаб топилган Миссисипидаги Йокнапатофа округи ўша даврдаги Америка жануби ва бутун мамлакат тимсолига айланган. Ушбу округ аҳолиси дехқончилик билан шугулланган, фарзандларини тарбия қилган, уч авлод алмашиши даврида ҳар кун қайта ва қайта Фуқаролар урушида шимолликларга қарши жангларни ёдга олиб, ўшанда улар ҳақ бўлганликларига қатъий ишонч билан яшашган.

«Йокнапатофа» Чикесо хиндуларининг тилида «водийда тинч оқадиган дарё» маъносини англатади. У.Фолкнер Йокнапатофани Шимолий Миссисипининг қадимий хариталаридан қидириб топган. Бу жойлардан оқиб ўтадиган дарё шундай номланган.

Адиб ҳатто бу округ аҳолиси 6298 оқ танли ва 9113 қора танлидан иборат деб кўрсатган. У.Фолкнер Йокнапатофанинг харитасини ҳам чизган ҳамда унинг остига ғуур билинг «Уильям Фолкнер — ягона соҳиб ва хўжайин» деб ёзиб қўйган.

Йокнапатофа номининг рамзий маъноси эса «ҳамма нарсани қамраб оладиган, бошликанадиган ва оқиб тушадиган жойи бўлмаган дарё — ҳаётдир». Бу ҳаёт дарёси У.Фолкнер насирида гоҳ кенг оқим, гоҳ эгри-бугри ирмоқларга бўлинган ҳолда оқишида давом этаверади. Ёзувчи эса ушбу ҳаёт дарёси сарчашмаларидан олган янги янги рояларни китобхонга тақдим этган.

Умуман олганда, адаб учун она юртининг ҳар бир қарич ери, оиласи тарихи, ўз округининг тарихи бутун Америка тарихи манзарасида ижодининг битмас-туғанмас манбаига айланган. «Сарторис»дан бошлаб, — деган эди У.Фолкнер, — мўъжазгина почта маркасиdek келадиган ўз қадрдан юртимнинг бу жойи ёзишга жуда арзигулик эканлигини тушундим, ушбу мавзуни тўла - тўкис ёритиш учун эса бутун ҳаётим ҳам етмайди».

У.Фолкнерда ҳаёт дарёсининг муттасил оқими тўғрисидаги фикр фожиона тус олган: бу ҳаёт даҳшатли ва шафқатсиз, дарёning сокинлиги эса алдоқчидир. Йокнапатофа дунёси улкан бўлишига қарамасдан, қишлоқона ва тор: бу ерда барча одамлар бир-бирларини яхши билишади. Масалан, Йокнапатофанинг ўн беш мингдан кўпроқ аҳолисининг У.Фолкнер асарларида тасвирланган 600 киши номма-ном атаб чиқилган. Бунда ёзувчи Бальзак томонидан кашф этилган адабий усулдан фойдаланган: унинг қаҳрамонлари бир романдан иккинчисига ўтар экан, яхлит дунё тасаввурини туғдиради. Яна бир тасаввур — вақт оқимиdir.

Адаб асарларида тилга олинган воқеаларни саналар бўйича тартиблаштирилса, тахминан бир юз эллик йиллик давр — Миссисипида дастлабки оқ танли кўчманчилар пайдо бўлган вақтдан бошланадиган улкан кўп жилдли эпопея гавдаланади. Уларда инсоннинг ёввойи табиат билан кураши, табиатнинг чекиниши ва ҳалок бўлиши, Фуқаролар уруши ва қулчиликнинг барҳам топиши, қашшоқ ижарачиларнинг тақдири, «янги кишилар»нинг Американинг ичкарисига ҳужуми, шафқатсиз ирқий муносабатлар акс эттирилган. Шунинг учун У.Фолкнернинг ўзи моҳият жиҳатидан бутун умри давомида «битта тарихни — ўзи ва дунё тўғрисидаги таърифни» ёзганлигини уқтирган.

Ёзувчи шундай деганди: «Менда кенг кўламли тарихий манзараларни яратиш нияти бўлмаган, шунчаки кўл остимда бўлган мақбул асбоблардан фойдаландим. Ўзим яхши билган нарсадан, яъни туғилган ва ҳаётим-

шинг катта қисми ўтган жойдан фойдаландим. Бу худи дурадгор иш туттанидек – у панжара ясайдиган бўлса, ёнида ётган болғачадан фойдаланади».

Уильям Фолкнер Ш.Андерсоннинг маслаҳатига қулоқ тутиб, насрда ижод қила бошлиған ва «Аскар мукофоти» («Soldier's Pay», 1925) романини ёзишга киришган. Мазкур асар империалистик урушга очиқ-равшан қарши қаратилган. Романинг қаҳрамони – учувчи яраланганидан кейин кўлгина инсоний хусусиятларини йўқотади, унинг вафоти эса инсон шахси сўниши жараёнининг ниҳояси бўлган, холос. Ушбу романда адаб уруш қиёфасидаги қаҳрамонлик ниқобини йиртиб ташлаб, бунинг одамлар учун келтирган мислсиз кулфатларини очиб берган. Бу асарни мутолаа қиласр экансан, «ватанпарварлик», «муқаддас қурбонлар», «қаҳрамонлик», «жанговар шуҳрат» каби баландпарвоз сўзлар ятироқ ўрама бўлиб, унинг ичидаги эса одатий ўлим яширганлиги уқилади.

Америкалиқ ёзувчининг реалистик ижоди жаҳон реалистик адабиёти улкан намояндаларининг кучли таъсири остида шаклланган. У ижодига таъсир кўрсатган ёзувчилар тўғрисидаги саволга жавоб берар экан, шахсан ҳақиқий биринчи америкалиқ ёзувчи деб эътироф этадиган Марк Твен номини тилга олган. Бошқа америкалиқ ёзувчилар орасида у Уитмен, К.Сэндберг, Т.Драйзер, Ш.Андерсон, яъни Америка адабиётининг реалистик, миллий, демократик вакилларини ажратиб кўрсатган. У ўз устозлари орасида Сервантес, Шекспир, Диккенс, Бальзак, Флобер номларини тилга олган. Бу рўйхатда рус ёзувчилари – Толстой, Достоевский, Гоголь алоҳида ўрин тутади. У.Фолкнерга Ф.Достоевский энг кучли таъсир кўрсаттан. «У ўз маҳорати бўйича, – деган эди ёзувчи, – инсоннинг ички дунёсига кириш кучи бўйича, қайтуришнинг чуқурлиги бўйича ҳар бир ёзувчи тенглашишни хоҳлаганларидан бири бўлган».

1927 йилда адабнинг Нью-Орлеандаги зодагонлар фарзандларининг «шоҳона турмушки» танқид остига

олинган «Чивинлар» («Mosquitoes») романи нашр этилган. Бу асар қаҳрамонларидан бирининг прототипи Ш.Андерсон бўлганлиги билан қизиқарлидир. Бу ўринда ёзувчи ўша пайтда у билан барча алоқаларини узганигини ҳам айтиб ўтиш керак.

У.Фолкнеринг Йокнапатофа ва Жефферсон тарихи билан боғлиқ 15 туркум романининг биринчиси – «Сарторис» («Sartoris», 1929) дан бошланган. Ушбу асарда ёзувчи бутун ижодини баришлаган ижтимоий ва ахлоқий муаммолар у ёки бу даражада ўз ифодасини топган. Уни ижодкор сифатида, энг аввало, инсоннинг жамият билан ўзаро муносабатлари қизиқтирган. Бу У.Фолкнер таърифида: «... инсон ўзи билан ҳам, ўз биродари билан ҳам, ўз вақти билан, ўзи яшайдиган жой билан ҳам низода». Уни инсоннинг руҳий ҳолатлари, қаҳрамон эга бўлган ёки эга бўлиши керак бўлган ахлоқий қадриятлар қизиқтирган.

Адиб ижодий меросида энг новаторча ҳисобланган «Шовқин ва қаҳр» («The Sound and the Fury», 1929) тажриба романи ёзувчини машҳур қилган. Танқидчилар яқдиллик билан бу асарни фожиали мавзу – «Европидни ёдга олишга мажбур қиладиган» «буюк китоб» деб баҳолашган.

«Шовқин ва қаҳр» романи номини ёзувчи Шекспирнинг «Макбет» асари қаҳрамонининг борлиқнинг маънисизлиги тўғрисидаги қуйидаги машҳур монологидан олган: «Ҳаёт – бу телба томонидан ҳикоя қилинган, шовқин ва қаҳрга тўла, ҳеч ким томонидан пайкалмаган тарихдир» («Макбет», V кўриниш, 5-саҳна).

Ушбу романда Америка Жанубининг «оиласвий драма» насли учун анъанавий бўлган реализмини У.Фолкнернинг беҳисоб новаторча услубий топилмалари беzagан. Улардан энг муҳими – инглиз тилида битилган адабиётда амалда Шекспирнинг «Қирол Лир»идан кейин биринчи марта «онг оқими» усулини ишлатишидир. Моҳият жиҳатидан «Шовқин ва қаҳр» асосини ташкил этган жиноят ва жазо, эҳтирослар У.Фолкнер да-

хоси билан адабиётда йўл қўйиш мумкин бўлган чегаралар кенгайтирилиб, роман ноёб асар даражасига кўтарилиган.

Ушбу романида У.Фолкнер ҳаётга тўрт хусусий субъектив нуқтаи назарни баён этган ва асарнинг якунловчи қисмида ака-ука Комисонлар ички монологларини ҳаётдаги реал воқелик билан таққослаб якун чиқарган. Моҳият жиҳатидан ёзувчи бир воқеани тўрт марта ҳикоя қилган, лекин уларни охиригача етказмagan. Бу билан у ушбу воқеани ҳақиқий воқеликнинг, асар қаҳрамони онги оқимининг бир қисми қилмоқчи бўлган. Китобхон бу дунёни ичидан ҳис қилиши учун ана шу воқеликка, онг оқимига шўнриши лозим бўлган. Бу романга ўзига хос ноёб хусусият бахш этган.

**Жан-Поль Сартр** мазкур романга қизиқ баҳо берган. У асар муаллифи вакт кечишида тўхтатилган ҳаракатга ўхаш нарса яратмоқчи эканлигини кўрсатган: «**У.Фолкнерда тараққиёт, келажакдан келиши мумкин бўлган бирон нарса ҳеч қачон бўлмайди. Ҳозир содир бўлаётган нарсалар биз кутаётган келажакдаги воқеаларни қамраб олмайди... ҳеч нарса рўй бермайди, ҳамма нарса бўлиб ўтган. Бу бизга асар қаҳрамонларидан бирининг «Мен йўқман. Мен бўлганман» – галати формуласини тушуниш имкониятини беради.**»

Ж.П.Сартр У.Фолкнер қаҳрамонини самолётнинг ҳаво бўшлиғига қулашига ўхшатади: «**Ҳар бир нуқтада қаҳрамон онги ўтмишга қулайди ва яна йиқилиш учун тагин ўрнидан туради. Ҳозирги вакт мавжуд эмас, у бўлмоқда. Ҳамма нарса бўлган...**»

Адид бу услубдан кейинги – «**Мен ўлаётган вакт**» (*«As I Lay Dying»*, 1930) романида ҳам фойдаланган. Ушбу асар ҳам ноёбdir. 59 та ички монологдан таркиб топган китобда Америка Жанубидаги камбағал Бандрен оиласининг Жефферсондаги қабристонга Бандрен хоним жасадини олиб бориш билан боғлиқ саргузаштлар ҳақида ҳикоя қилинган. Романда муаллиф сўзи умуман учрамайди, асарнинг 14 қаҳрамони, асосан Банд-

реиларнинг, уларнинг ўзларидек камбарад қўшниларининг баъзан узундан-узоқ, айрим ҳолларда лўнда, атиги бир-икки жумлага жо бўлган монологларидан иборат. Асарда вақт ўзининг табиий ҳаракатдалигига, ҳатто воқеалар маркази — марҳуманинг монологи мавжудлигига қарамасдан, матндаги аралаш-қуралашлик яққол кўзга ташланган. Бироқ У.Фолкнерни инсон нутқини табиийлигича ифода қилишдек жўн вазифа қизиқтирмайди. Бундай хусусий, тасодифий тасаввурлар, ўткинчи нигоҳлар ва жўнгина жумлалардан мураккаб яхлитлик гавдалантирилган.

«Зиёратгоҳ» («Sanctuary», 1931) романида шафқатсиз ва қалбсиз одам — Катта кўзли гангстер тасвиранган. «Лекин, — деганди У.Фолкнер бу ҳақда, — у мен учун яна бир йўқотилган инсоний мавжудотdir. У ҳозирги давр жамиятида тасодифан ёвузлик рамзига айланган, лекин мен ғоялар, рамзлар тўрисида эмас, балки одамлар ҳақида ёзаман».

«Зиёратгоҳ» — американлик савдо корчалонининг нақадар тубанликка юз туттаплигини ўз кўзи билан кўрган инсон қайғусининг ўзига хос иидосидир. Шу билан бирга, ёзувчи «ҳаётдаги салбий ҳодисаларни фақат уларга барҳам бериш учунгина тасвираш керак», деб таъкидлаганини ёддан чиқармаслик лозим. Шу маънода ушбу роман американча миллий турмуш тарзига хос бўлган белгиларни мужассамлаштирган ўзига хос американча «Жиноят ва жазо»дир. Шунинг учун Андрей Мальро «Зиёратгоҳ» — бу «саргузашт сюжетига эга бўлган юонон фожиаси» деган.

У.Фолкнернинг бадий жиҳатдан энг мукаммал асаларидан бири — «Август ёғдуси» («Light in August», 1932) романи ҳисобланади. Ушбу асарда хавфли, ҳамма нарсани вайронага айлантирадиган эҳтирослар жўш уради, ирқчилик ва шафқатсизлик ҳукм суради, муҳаббат ва ғазаб антик давр кўламлари даражасига етади. Бом қаҳрамон Жо Кристмасга улоширилган ваҳшийларча «ов»га ашаддий ирқчи Перси Грим раҳбарлик қилади.

Муаллифнинг изоҳига кўра, у — фашист: «у оқ танлиларни қутқарап экан, Кристмасни ўлдиради. Мен уни 1931 йилда ўйлаб топганман. Гитлер газеталарда пайдо бўлгунга қадар нацистларни ундан ҳам илгарироқ яратганимни англамасдим».

Ёзувчи «**Авессалом, Авессалом!**» («Absalom, Absalom», 1932) романида Америка Жанубининг «шонли» ўтмиши ҳақидаги афсоналарни жуда чукур, шафқатсиз ва бадиий жиҳатдан ниҳоятда ишонарли тадқиқ этган.

У.Фолкнернинг шундан кейинги — «**Енгилмаганлар**» («The Unvanquished», 1938) романи фуқаролар уруши воқеаларига бағишлиланган бўлиб, унда бош қаҳрамон сифатида яна полковник Жон Сарторис тасвириланган.

Адибнинг ушбу самарали ижод даврида «**Ёввойи пальмалар**» («It I Forget Three Jerusalem», «The Wild Palms/Old man», 1939) дилогияси ҳамда олти қиссадан иборат «**Туш, Моисей**» (Go Down, Moses, 1942) романи ҳам битилган. Агар «Ёввойи пальмалар» романида муҳаббат тарихи тилга олинган бўлса, «Туш, Моисей» — етти ўзаро боғлиқ ҳикоядан иборат тўпламдир. Уни кўпинча роман деб аташади. У.Фолкнер ўзининг «Ёввойи пальмалар» романидаги кўп такрорлайдиган «Мен қайгу билан ҳеч нарса ўртасида танлов қилар эканман, қайғуни танлайман» жумласида Америка энг йирик ёзувчиси ҳаётининг формуласи мужассамлашган, деб айтиш мумкин.

Ушбу йилларда ёзувчи вақтининг асосий қисмини Голливудда ўтказган. Тириклий учун пул топиш мақсадида у «Метро — Голдинг — Мейер» компанияси учун сценарийлар ёзган. У.Фолкнер «**Шуҳрат сари йўл**» («The Road to Glory», 1936), «**Гунга Дин**» («Gunga Din», 1939), «**Эга бўлмоқ ва эга бўлмаслик**» («The Have and Have not», 1945), «**Мангу уйқу**» («The Big Sleep», 1946) каби машҳур фильмларнинг сценарийларини битган.

АҚШда Тинч океани соҳилининг Лос-Анжелес яқинида қад ростлаган Голливуд нима эканлигини ҳамма билади. Бу харитадаги кичик шаҳарчагина эмас,

балки миллий ривоятнинг таркибий қисмидир. Голливуд чексиз имкониятлар, мислсиз муваффақиятлар, яшин тезлигидаги шұхрат рамзидир. Аммо У.Фолкнер Голливуд учун «бегона» зди. Бу ердаги мұхитдан, уйини соғиниішдан азоб чеккан У.Фолкнер сценарийлар ёзишдан бүшінде күпинчә майхоналарда үтказған, шу сабабли алкоголизмдан даволанишига ҳам түгри келған.

1942 йилда У.Фолкнер зәңг машхур, жағон адабиёти хазинасини бойитған «Айик» («The Beat») қиссанын ёзған.

...Хар йилнинг ноябрь ойида бир гурұқ әркаклар ўрмон хұжайини ҳисобланған афсонавий қари айик овига йўл олади. Рўй бераётган воқеалар ўспирин нигоҳи билан тасвирланади, унинг табиат билан тил топишига ҳаракат қилиши, ўрмон билан яккана-якка учрашишига тайёргарлик кўришининг бетакрор лавҳали гавдаланади. Бундай учрашууда Ўрмон элчиси – ўша қари айик бўлади.

Ушбу қисса У.Фолкнернинг услуби ва фалсафий таомилларини яққол ифода этган. Асарда асосий ўринни одамлар, ёввойи ҳайвонлар эмас, балки Ўрмон эгаллади. У – Баш қаҳрамон, барча ҳақиқат ва абадийликнинг Одам Атосидир.

У.Фолкнер бизни гўё ўрмон ичкарисига чорлаётгандек туюлади. Китобхон овчилар одимларини, изқувар итларнинг ҳуришини, туёқлар овозини эшитади, улар босған издан отилаётган тупроқни кўради. Қари Бен эса ўлгандан сўнг ҳам тирик афсонадир. Бу буюк айикнинг ўлиши ҳам кутилған, ҳам тасодифийдир. Лекин бу жуда сокин, тинч, ўз соати ва ўз муддатида рўй берди. Афсона эса ўлмаган, балки худди поезд тонгнинг оқиш булути орасида узоқлашаётгандек шунчаки нарироққа сурилған.

Асардан табиат билан баҳслашма, уни бўйсундиришига уринма деган нақл англағанади. Овчилар бунга ҳаракат қилишмаган. Ўрмон ва унинг фарзандлари қисса қаҳра-

мони Айкни инсон сифатида вояга етказди. Ҳолбуки, китобхон бу қаҳрамон тўғрисида кўп нарса билмайди: унинг алоҳида қизиқишлиари, ўйлари, мойилликларидан хабардор эмас. Аслида бунинг кераги ҳам йўқ. Айзек қалбининг асосий қисмини Ўрмон эгаллаганининг ўзи кифоя. Асардаги Сэм Фазерс, Йўлбарс ёки Қари Бен – буларнинг ҳаммаси ўз ўйинини олиб бораётган Ўрмоннинг бир қисмиdir. Кимлардир ов қиласи – сен қочасан. Буларнинг ҳаммаси рисоладагидек, шу ўйин доирасида, ҳаёт доирасида ҳаётдир. Тасвиrlанган милтиқ, итлар, хачир, отлар ўз ҳолича, ҳеч ким ҳеч кимга ўз-ўзидан тегмайди, улар ҳатто қадрдонлардек бирга яшайди.

«Айик»да инсоннинг табиат билан ўзаро муносабатларидағи руҳий ҳолати очиб берилган, она табиатнинг замонавий механизациялашган цивилизация босими остида қандай ҳалок бўлаётганлиги чуқур изтироб билан тасвиrlанган.

«**Бу асар рамзийдир, – деган эди У.Фолкнер.** – **Бу фақат бола тўғрисидагина эмас, балки замин, дунё билан баҳслашиш учун вояга етадиган ҳар бир инсон мавжудоти ҳақидаги воқеадир. Айик ваҳшийлик тимсоли эмас, балки қариш жараёнидир...** Бола бу айикдан айиклар тўғрисида эмас, балки дунё, инсон, матонат, раҳмдиллик, масъулият ҳақидаги нарсаларни билиб олади».

Адид «Майитни булгаш» («Intender in the Dust», 1948) романида ирқий муносабатлар муаммоси тўғрисида ўзининг аниқ ва етук фикрини билдирган.

У.Фолкнерга «Хозирги давр Америка романини ривожлантиришга салмоқли ва бадиий жиҳатдан ноёб ҳисса қўшганлиги учун» 1949 йилда Нобель мукофоти берилган.

Ёзувчи ўзига бу юксак мукофот берилиши маросимида сўзлаган нутқида инсоният муаммолари ҳамда ижодкорнинг бурчи ва масъулияти тўғрисида шундай деган: «**Ядровий йўқ қилиш хавфи оддида бугун асар-**

лар битаётган ёзувчилар ёш эркак ёки ёш аёл мұхаббати муаммоларини, изтиробли қалбларни ёддан чиқарди. Мен инсоннинг ҳалокатга учраши түгрисидаги фикрни рад этаман. Инсон фақат матонатли бўлғанлиги учун мангу барҳаёт бўлишини айтиш осон; энг сўнгти қизриш ва ўлаётган оқшом шуълаларида ёлғиз қад ростлаб турған, энди керак бўлмаган охирги баландликда ҳам яна бир лаънат эшитилади — ҳатто яна бир тебраниш — унинг ожиз ўзгармас овози тебраниши қолади. Мен инсон йўқ бўлиб кетишига ишонишдан воз кечаман... Мен одам фақат ҳамма уқубатларга чидабгина қолмасдан, балки ғалаба қозонишига ишонаман... Бу ҳақда ёзиш ёзувчининг, шоирнинг бурчидир. Инсоннинг руҳини кўтариб, унинг ёдига матонат, шон-шараф, гуур, ачиниш, раҳмдиллик, қурбонлар — ўтмишда унинг шуҳрати бўлган ҳамма нарсаларни ёдига солиб, рутҳини кўтариш — ёзувчининг фахрий вазифасидир. Шоирнинг сўзи инсон ишларининг шунчаки қоғозга туширилган ёзувлари бўлмаслиги керак — у инсонга курашиш ва ғалаба қозониш учун ёрдам берадиган мустаҳкам таянч бўлиши зарур... Инсон фақат инсоният овози ҳеч қачон ўчмаслиги учун эмас, балки инсон ўз характеристери, қалби бўйича қайруриш, қурбонликка тайёрлиги ва матонатлиги учун мангу барҳаётдир».

У. Фолкнерга Нобель мукофотининг берилиши хусусида зиддиятли фикрлар билдирилган. «Уни реакционер деб аташади, — деди ўз нутқида Швеция академиясининг аъзоси Густаф Хельстрём У.Фолкнернинг Америка Жаңубидаги нафрат ва зўравонлик мавзуларига ҳаддан ташқари қизиқишини назарда туттан ҳолда. — Агар шундай бўлган ҳолда ҳам У.Фолкнернинг нафрати айборлик ҳисси билан мутаносиблашади. Унингдек адолат ва инсонпарварлик ҳиссига эга бўлган ёзувчи учун нафрат ётдир. Шунинг учун ҳам унинг Йокнапатофаси универсалдир».

У.Фолкнер узоқ вақт давомида адабиётда «Америка орзуси»ни тасвиirlар экан, рух оқсуякларининг қатор авлодлари – Сарторислар, Компсонлар, Маккалемлари гавдалантириди. Кейинчалик ёзувчи бундай зодагон уруулар ва оиласарни тушкунлигини кўрсатган. Улар ўрини принципсиз Флем Сноупс эгаллаган. Сноупслар оиласи тўғрисидаги трилогиянинг биринчиси – «Қишлоқча» 1940 йилда пайдо бўлган, кейин «Шаҳар» («The Town», 1957), «Иморат» («The Mansion», 1959) ёзилган.

Фурурсиз ва виждонсиз, принципсиз ва эътиқодсиз, инсоний ҳиссиётларсиз ва ожизликни билмайдиган, айёр, удабурон, ўзини ўраб турган дунёда пулдан бошқа ҳеч нарса қадрланмаслигини аниқ тушунадиган Флем Сноупс У.Фолкнернинг бошқа қаҳрамонларидан фарқли равишда, инсоний қадриятлар ўринини чайқовчилик ва совуқ ҳисоб-китоб алмаштирган замонавий Америка жамияти учун энг мослашган шахс бўлиб чиқади. Шунга қарамасдан, Ф.Сноупснинг жамиятда мавқеи ортиб боришига анъанавий қадриятларни ҳимоя қилалиган маҳаллий кексаларнинг авлодлари бўлган ўртаҳол буржуйлар ғалабаси чек қўяди.

У.Фолкнер Пулитцер мукофотига сазовор бўлган сўнгги «Ўгрилар» («The Reivers», 1962) романи нашр этилгандан бироз кейин отда сайр қилиб юрганда йиқилиб тушади. Шундан уч ҳафта ўттач, 1962 йил 6 июлда у Миссисипи штатининг Байхелиадаги санаторијасида вафот қилган.

У.Фолкнер сал бўлмаса, модерни адабиётчилар қаторидан ўрин оларди, лекин унинг ижодида анъанавийлик устун турган.

Бу ёзувчига Америка адабий заминига Европанинг Ўрта асрлар сагасини олиб кирган ижодкор сифатида баҳо беришади. Унинг ижодига буюк американликлар – Эдгар По ўзининг даҳшатли манзараларини моҳирона тасвиirlashi va Mark Twen ~~юмери билан катта тарьсир~~ кўрсатган.

	SAMARCAND HOTEL	
	VA SDEVIS, PRO TUR.	
	17 AUVOKOYE RUE DE KUIN.	
	16119	

У.Фолкнер ижодининг энг ўзига хос ва буюк белгилари сифатида инсоний эҳтирослар, турмушнинг «шовқини ва қаҳри»ни кўрсатишади. У тарихни, энг аввало, Америка Жануби тарихини ёритишга жуда ўзига хос тарзда ёндошган. Шу билан бирга, ёзувчи одатий воқелиқдан ҳаммабоп умуминсоний ҳаёт моделларини яратиш юксак маҳоратига зга бўлган.

Биринчи жаҳон уруши У.Фолкнерни сал бўлмаса «йўқотилган авлод» вакили қилиб қўйган. Унинг илжасарларида бевосита уруш қаҳрамонлар эҳтиросларини уйғотган.

Зодагон Сарторислар уругининг икки вакили — акаука Жон ва Баярд урушга кўнгиллилар сифатида йўл олишади, учувчи бўлишади. Жон ҳаво жангидаги ҳалок бўлади. Тирик қолган Баярд акасининг ҳалок бўлишида ўзини айборд ҳис этади ва қадрдан шаҳрига қайтиб келгач, фақат ўзининг ўлимини тезлаштириш билан шуғуланаётганга ўхшайди. Унинг автомобилни учирив ҳайдиши щаҳарликларни ваҳимага соглан. Фақат бобоси, қария Баярд гўё неварасининг бундай жинниликларини рагбатлантираётгандек бўлади, ўзи ҳам бундай автомобиль пойгаларида иштирок этади. Авваллари кекса Баярд автомобильни тан олмаган ва банқдаги ишига отда борган. Энди эса худди автомобиль жонига текканидек, неварасининг машинасида вафот этади.

КенжА Баярд уйидан қочиб кетади, яна самолётларни синаш билан шуғулланади, осмонга бузук самолётда кўтарилиб, ҳалокатга учрайди.

Сарторисларнинг бундай телбаликларидан, айниқса, аёллар жафо чеккан. Аммо улардан бири — Женини хола ўтган даврлар, Сарторисларнинг фуқаролар уруши йилларидаги жасоратларини эъзоз билан ёдга олади. Баярдининг беваси ўғил кўрганда эса унга ҳам Баярд деб ном беришади.

У.Фолкнер адабиётда «Америка орзуси»ни тасвирлашда Жануб тарихи ва анъаналарига, руҳ зодагонлари — Сарторис, Компсон, Маккалемлар авлодлари етишиб

чиққан алоҳида патриархал мұхитта таянади. Кейинчалик ёзувчи «Қишлоқча» ва бошқа романларида Америка Жануби инқирозини сноупсизм — очқұзлик, эътиқодғызлик, ўч олишта интилиш билан бөлгаган.

Ёзувчи худди фуқаролар уруши ҳамда Шимол ва Жапуб ўргасида ажралиш юз берган тарих билан бөлгік Америка тарихига ўз дағыларини билдиради. Бирок үнинг адіб сифатидаги қарашлари тарихий ва ижтимаий чизмаларга қараганда анчагина кенгроқдир. Унинг ижоди ўзининг серқирралиги билан ҳайратта солади.

У.Фолкнернинг эңг оддий, «шаффофф» ва, эхтимол, бидий жиҳатдан мукаммал асари — «Август ёғдуси» романы ҳисобланади. Бу ҳомиладор етим қызы Лининг уни қармогига илинтирган эркакни қидириб, бу кимсаны Жефферсонда топғанилиги түғрисида эхтиросли на шафқатсиз ҳикоядир.

У.Фолкнернинг бошқа романлари шу қадар мураккабки, уларда ҳикоя қилинган воқеаларнинг туб моҳижтига етиш учун маҳсус иловалар — саналар жадваллари, сулолалар ва ҳоказолар талаб этилади. Унинг «Шовқиң ва қаҳр» романы худди шундайдир. Унда ёзувчи асардаги түрт қаҳрамонга мансуб түрт «онг оқими»ни көйт новаторлық билан ифода этган. Айниқса, ўттис уч Ыни, лекин уч яшар боладек фикр юритадиган телбасимон Бенжининг ички монологи китобхонларда катта таассурот қолдиради.

Ёзувчининг насрға эңг машхур «и洛ва»си — Йокнапатофа округининг харитасидир. АҚШнинг жүтрофий харитасида бундай худуд мавжуд эмес. У.Фолкнер уни ўзи ўйлаб топған, «почта маркаси катталиги»даги бу маконга ақолини жойлаштирган. Яъни бу Миссисипи штатидаги Йокнапатофа округи бўлиб, пойтахти — Жефферсон. Округнинг майдони, Фолкнер харитада ўз қўли билан ёзиб қўйганидек, 2400 квадрат милни ташкил этади. Аҳолиси — 15611 киши, асосан савдоғарлар, ҳунармандалар, адвокатлар, фермерлар, ўрмон кесувчилар, қора танлилардан иборат. Ёзувчи Йокнапа-

тофада яшайдиган ҳар бир кишини шахсан танийди, уларнинг ҳар бири тўғрисида қисқа ёки узоқ ҳикоя қилиб бериши мумкин. Шунинг учун унинг тасаввуррида яратилган Йокнапатофа асосий асарларида воқеалар рўй берадиган жойдир.

У.Фолкнернинг ижодий даҳолиги фақат тасаввурининг кучи, эҳтиросларни баён этишдаги маҳоратидагина эмас, балки унинг асарлари фолкнерча инсонпарварлик ғояси билан суторилганидир. Бу — айрим одамлар, умуман бутун цивилизация даврида йўл қўйилган хатолар ва гуноҳларга қарамасдан, инсонларга муҳаббат, инсониятга ишончdir. У.Фолкнер ўзига Нобель мукофоти топширилишининг тантанали маросимида сўзлаган нутқида худди шу ҳақда гапирган.

Шуниси ажабланарлики, бу адабнинг ватани — АҚШда У.Фолкнернинг машҳурлиги, асарларига бўлган қизиқиши Европадаги каби эмас эди. Унга тақлид қилувчилар эса Америкада ҳам, Европада ҳам у қадар кўп бўлмаган. Эҳтимол, бу айрим йўналишларда У.Фолкнердан устун бўлиш — тасаввур қилиб бўлмайдиган иш эканлиги билан изоҳланади.

У Фолкнернинг адабий шуҳрати вафотидан сўнг ҳам муттасил ортиб бормоқда. Майкл Миллгиттнинг таърифича «унинг китобларидағи антиқа композициялар ва образлар моделларини таҳдил қилган танқидчилар услубнинг пухта ўйланганлиги роман материаллари билан, уларнинг маънавий ва ҳиссий сабаблари билан узвий боғлиқ деган холосага келадилар».

«У.Фолкнер Миссисипининг сарҳадсиз маданий саҳросида ёлғизлиқда ишлаб, — деб ёзган америкалик ёзувчи ва танқидчи **Жон Олдриж**, — ўз ақли учун воҳа ва ўз ижоди учун бор ярата олди. Ёзувчи бу боғни шу қадар меҳр билан парвариш қилдики, у бугунги кунда ҳам бутун инсоният дунёсидаги мамнун одамлар тасаввурини озиқлантиришни давом эттирмоқда».

У.Фолкнернинг бутун ижоди, энг яхши романлари ва ҳикоялари китобхонни ҳаётий ҳақиқат кўзига тик

қараңға ўргатади, энг юксак инсонпарварлик, маънавий тамойилларга жавоб беради. Адіб ёзувчининг бурчани «инсон қалбини мустаҳкамлаб, унинг ёдига инсоннинг адабий шұхратини ташкил этадиган мардлик, умид, ғуур, раҳмдиллик, фидойиликни солиб, инсонлигини сақлаб қолишига ёрдам бериш»да деб билган.

*А.Х.САЙДОВ,  
профессор*

## АЙИҚ

Ўзбекистон Республикасида хизмат кўрсатган журналист Эркин Эрназаров таржимаси

### I

Энди ит ҳам, одам ҳам айиқдек эди. Йиртқичлар — Қари Бенни ҳам қўшиб ҳисоблаганда, иккита, одамлар ҳам — томирларида индеецлар, бироқ Сэмдагидек қабила бошлиқлариники каби бўлмаган қони оқаётган Бун Хотгенибекни қўшиб ҳисоблаганда, иккита эди, фақат Сэм Фазерс, Қари Бен ва Шер лақабли насли чатишган ит бенуқсон ва беиллат эди.

Бола ўн олти ёшда эди. Етти йилки у катталар билан овга борарди. Етти йилки ғоят мароқли сұхбатта қулоқ тутарди. Гурунг сокин, савдогарлар қалъаларидан ҳам кўҳнароқ туулар ва аҳамиятли кечарди. Даврада ўрмоннинг бир қисмига эгалик қиласман деган ожиз фикрда (майор де Спейн Сатпендан сотиб олган бир парча жой неча асрли ўрмонларга тентглаша олармиди, қария Томас Сатпен ёки ҳатто унга бу бир парча жойни сотган Чикесо қабиласи йўлбошчиси Иккемотубба қадимий ўрмонлар билан баҳслаша олармиди, ҳолбуки буларнинг учаласи ҳам ўрмон олди-сотди моли бўла олмаслигини билишарди) битимга имзо чеккан оқ танли плантация соҳиби, ундан бу сохта згалик қилиш хуқуқини сотиб олган, бешафқат, нияти бузук ҳинду бўлса ҳам гап ўрмонга бориб тақаларди. Сұхбат одамлар: оқ, қора ёки қизил танлилар ҳақида эмас, балки матонатли ва сабрли, бардошли ва иродали, ўрмон чорлаган, ўз бағридан жой топиб берган аъло, тенги топилмайдиган, қадимий ва қатъий қоидалари раҳм-шофқатни тан олмайдиган овчилар, олишишлар, муроса-сиз ўтадиган ўйинлар, итлар, айиқлар, бурулар хусусида бўларди. Гурунгни бирон нарса билан таққослаб

бўлмасди: у овдан эсдалик сифатида терилар ва шохлар, филофланган милтиқлар осиқлиқ шаҳар уйларидағи хоналарда ёки плантация идораларида эмас, балки ҳали гўшти совумаган ўлжа илиб қўйилган уйчада, ўтин спаёттан ўчоқ атрофида кечарди. Овчилар уйча ва ўчоқ бўлмаса, брезент чодирлар ёнида, бурқсираб ёнаётган гулхан атрофида чордана қуриб, бамайлихотир овга якун ясашарди. Даврада, албатта, май бўларди, болага шишадаги қўнғиртус ичкилик барча матонат, ақл, чапдастлик ва уқувнинг энг тотли ва ёрқин лаҳзаларини қориширгандек туюларди, у овчилар оқизган қонни эмас, балки бу шаробдан тотиб кўришга чорлаётгандек бўларди. Бу ичкилик гўё жиловсиз ва боқий руҳ шарбати эди, овчилар уни мажусийларнинг пасткаш ва беҳуда умидларидан фарқли ўлароқ абжирлик, кучлилик ва чақёнлик фазилатлари шарафига қултумлаб, штоаткорона ичишарди. Ҳамма нарса ўша ичкилик — вискидан бошланди, табиийки, бошқача бўлиши мумкин эмасди — декабрнинг ўша тонгида болага щундай туюлганди.

Кейинчалик бола бу анча олдинроқ бошланганлигини уқди. Ҳа, бу ёши илк бор иккита рақамда ёзиладиган бўлган ва амакиваччаси Маккаслин унинг сабри ва чидами етса, ўрмондан овчи мансаби ва унвонини хизмат кўрсатиб қўлга киритиш навбати келганлигини айтган, уни ўзи билан биринчи марта лагерга, ўрмон хилватига олиб келган кунда бошланганди. У ҳали ўз кўзи билан кўрмаган, товони қопқон билан мажакланган, одам сингари ўз номига эга қари айиқни гўё меросдек қабул қилиб олди. Қари айиқнинг шухрати атрофдаги ўнлаб миля<sup>1</sup> га ёйилган, вайрон ва шип-ший-дон қилинган омборлар, ўрмонга судраб кетилиб, паққос туширилган чўчқа болалари, чўчқалар, бузоқлар, ҳар томонга қўйилган тузоқлар ва қопқонлар, тилка-

---

<sup>1</sup> Миля — масофа бирлиги, 1,852 километрга teng (таржимон изоҳлари).

пора қилинган итлар, деярли рўбарўдан узилган, унга эса атиги болакайниг найчасидан пуфлаб отилган нўхотдек таъсир қилган питра ва ҳатто ўқлар хусусида оғиздан-оғизга ўтиб келаётган қисса узундан-узоқ эди; паҳмоқ паҳлавон бу мажақлаш ва босқинчилик йўлидан бола дунёга келишидан анча илгари ҳамма нарсани янчидан бораётганди, аниқроғи шафқатсиз муқаррарлик билан локомотивдек бостириб кетаётганди. Айиқ кўпдан бери боланинг хаёлини эгаллаганди. Бола ҳали болта тегмаган, айиқ икки бармоқли изи муҳрини қоддира-диган хилватда бирор марта бўлмаганди; аммо паҳмоқ, баҳайбат, йиртқичсифат эмас, балки кўзлари улкан, қон-талаш айиқ тущларида гавдалана, гўё тепасида турарди: у ўзи гиж-гижлатадиган итлар, уни қувиб етиш учун елдириладиган отлар, овчилар ва ўзига қарата оти-ладиган ўқлар учун баҳайбат, уни бағрига олган хилват учун ҳам улкан кўринарди. Бола ҳали туйғуси ақли бо-вар қилишга ожиз нарсани тасаввур қилаётгандек бўлар-ди: йўқ қилинишга ҳукм қилинган хилват — унинг хилват эканлигининг ўзидан даҳшатга тушадиган одамлар омоч-лари ва болталари билан бетўхтов чеккаларини қир-тишлардилар; ўрмонда тасодифан пайдо бўлган ваҳ-шийдек изғиб юрган эмас, бас келиб, хонакилаштириб бўлмайдиган, ўтмиш ва ўлик вақт алмисоқидек, кўхна ибтидоий ҳаётнинг рамзи, қотишмаси, энг юксак чўққисидек ўз номига сазовор қари айиқ атрофида эса мудраётган фил панжаси ёнидаги миттилар — сон-са-ноқсиз одамлар қутурган ҳолда жирканч ва қўрқувда болталарини силкитардилар; қари айиқ тизгинлаб бўлмайдиган ва сўққабошдек, бева, фарзандсиз ва ўлим ҳукми ўтмайдигандек, маликасини йўқотган ва ўз бо-лаларидан узоқроқ яшаётган қария Приам<sup>2</sup>дек кўринарди.

---

<sup>2</sup>Приам — кўхна юони ривоятларининг қаҳрамони, Троянинг олтинчи, сўнгги подшоси, беҳисоб фарзандларга эгалиги билан машҳур.

Ўшанда бода ов учун ёшлиқ қиласы, уч йил, кейин иккى, сүнг бир йил кутиш қолғанды, у ҳар ноябрда Катта Настикка, катта ўрмона итлар, тұшаклар, милтиқлар, амакиваччаси Маккаслинни ва Теннин Жимни (Теннин Жим — собиқ қул, негр Тенниннинг ўғли; күпинча қул номига фамилияси ўрнига «Теннин» ва шу каби зарни қўшиб қўйиншарди), ва Сэм лагерга умрбод кўчиб утмагунча Сэм Фазерсни олиб кетаётган извошни нигоҳи билан кузатиб қоларди. Болага улар бугуларни ва айнқларни ўлжа олиш, ов қилиш учун эмас, балки ўлдиришини мўлжаллашмаган қари айиқ билан ҳар йилги учрашувга кетаётганлариdek туюларди. Икки ҳафтадан кейин улар ўлжаларсиз, териларсиз қайтиб келарди. У ўлжаларга умидвор эмасди ҳам. Лекин бу сафар извошда бошқа каллалар ва терилар орасида қари айиқ ҳам бўлишидан хавфсиради. У ҳатто ўзига «мана, уч йил, иккى йил ўтади, ўзи ҳам овга йўл олади, ва, эҳтимол, унинг милтиги бошқаларга қараганда мўлжални аникроқ олади», деб ҳам айтмасди. У ўрмонда овчи бўлишга муносиблигини тасдиқлагач, панжасиз изортидан боришга изн олиши ва ҳатто ўшанда ҳам ноябрнинг икки ҳафтаси давомида у амакиваччаси, майор де Спейн, генерал Компсон, Уолтер Юэлл, Бун каби, айиқка бас келишга дов бермайдиган итлар каби, ҳатто унинг қонини оқизишига ярамайдиган питра ва милтиқлар каби — атиги боқий ва қаҳрли қари айиқ шарафиға ҳар йилги анъанавий байрамнинг оддий иштирокчиси бўлишини орзулади.

Нихоят унинг куни келди. У майор де Спейн, генерал Компсон ва амакиваччаси билан бирга жой олган извошда ноябрнинг шивалаб ёғаётган музли ёмғирининг пардасидан ўрмона кўрди; кейинчалик ўрмон ҳамиша ноябрдагидек хотирланар, ўлакса палланинг хира томчилари узра баланд ҳадсиз девордек саф тортган, қовоғини уйган хилват дараҳтлар тасвири гавдаланар ва извошда ўтирган жойида қаерда, қайси жойда ичкарига кириш мумкинлигини фарқлай олмасди, ҳолбуки,

уларни Сэм Фазерс извоши билан кутаётганилигини биларди — улар эса ҳамон ўрмонга туташ, унинг мудроқ биқинидан узиб олинган сўнгги ямоқ далалардаги ялангоч, ғужмайган гўза ва макка поялари ёқалаб боришарди, бепоён кенгликлар манзарасида қулгили дарражадаги мўъжаз извош гўё умуман силжимаётгандек туюларди — у худди океанинг соҳилсиз яйдоқ қўйнидаги қайиқчанинг бир жойда паст-баландга чайқалиб туришига ўхшаб кетарди (бу ўхшатиш анча кейин, кўп ийллар ўтгач, у катта ёшдалигида денгизга борганида пайдо бўлганди).

Сузиб келишди. Сабр билан кутаётган хачирлардан буғ ўрмаларди, извошкаш ўринидигида жулни ёмғирпўш қилган Сэм ўтирарди. Боланинг шогирдлиги қўёнлар ва бошиқа чурвақа жонзотлардан бошланганида ёнида Сэм бўлганди; уни бағрига олган ва шу заҳотиёқ яна сафларини жуфтлаштирган ҳақиқий ўрмонга итоаткор бўлиб қадам қўяётган ҳозирги вактда ҳам ёнидаги нам, иссиқ, негр иси келиб турган қавилган жул остида эди. Ўрмонзор чекинарди ва сафларини жуфтларди, бу йўл ҳам, сўқмоқ ҳам эмасди, балки извошдан ўн қадам олдинда очилаётган, орқаларида ўн қадамдан кейин ёпилаётган сирпанчиқ ёруғлик эди, шунинг учун улар хачирлар қўшилган извошда кетаётгандек эмасди, балки уйқудаги, хилват, қоронгу, сидирға, оқар муҳит ўзларини тисартирилаётган, итқитаётгандек эди.

У тасаввурнида ўн ёшида қайтадан туғилаётгандек эди, аммо ажабланмаётганди. Буларнинг ҳаммаси фақат тушидагина эмас, ўнгида ҳам гавдаланганди. Лагерга келишди, у бўялмаган, олти хонали, кузги селлар хавфи сабаб қозиқ оёқларга кўтарилган бир қаватли уйни таниди. Шошилиб жойлашишга тушишди ва у хоналарни саранжомлашга ёрдамлашарди, ҳозир қўллари қандай ҳаракат қилаётган бўлса, олдиндан шундай тасаввур этарди. Кейин ярим ой давомида ов қилишни ошпазлиқдан муҳимроқ ҳисоблаганлар томонидан апил-тапил тайёрланган жўнгина эркаклар емаклари — бўлак-

лангаш нордон нон ва бугу, айиқ, курка, ёнот түштини

бундай түшти у умрида татимаганди — тановул қыларди; у ҳам овчилардек чойшабсиз, дағал түшакда ухларди. Ҳар бир кулранг тонг уни Сэм Фазерс билан биргә үрада қаршиларди. Унга энг ночор, бошқаларниң кига қараганда энг үнгайсиз жой ажратиши. У бунга тайёр эди ва ўзининг биринчи овида из қуваёттан итмир овозини эшитишга умид ҳам қилмасди. Аммо эшитди. Бу учинчи тонгда рўй берди — қаерданdir илғаб бўлмас сас келди, у аввал ҳеч қачон итлар галаси йиртқични қувишини кўрмаган бўлса ҳам буни англай олди. Шовқин кучайди, сасларга бўлинди ва у гала увиллашида Маккаслиннинг беш ити овозини ажрата олди.

— Энди, — деди Сэм, — милтиқни хиёл тепага кўтар, тепкини тўғрила ва қимир этмай тур.

Лекин бу сафар ҳали унга изн берилмаганди. У итоаткор бўлишга ўрганиб қолганди. Сабр қилишга ҳам одатланди. Ахир бу биринчи ҳафта-ку, ёши ҳам энди ўнда. Лаҳза учди-кетди. Унга чакалакзорда ғойиб бўлаётган шоҳдор кўрингандек бўлди, тутун орасидан бир зумгина чўзиқ ҳуриш ҳам тинди, ложувард сукут эса ҳали жарангларди: олисдаги тунд ўрмонда, кулранг ёмрирга чўмилган тонгда икки ўқ овози эшитилди.

— Энди тепкини қўйиб юбор, — деди Сэм.

У бўйсунди.

— Сен қувиш шу ердан ўтишини билармидинг?

— Ҳа, — жавоб берди Сэм. — Мен сени ўқ уза олмай қолган бўлсанг, қандай иш тутиш қераклигига ўргатяпман. Йиртқич ўтиб кетди, тепки эса туширилмаган, мана шундай вақтларда одамлар ва итлар ҳалок бўлади.

— Барибир бу у эмасди, — деди бола. — Ҳатто бошқа айиқ ҳам эмас. Атиги буғу холос.

— Ҳа, — деди Сэм, — атиги буғу холос.

Иккинчи ҳафта тонгларидан бирида қулоғига яна гала шовқини эшитилди. Бу гал ўлжа ортидан қувиш аввалингисидан йироқроқда бўлса ҳам у дарҳол, эслатишмасидан, ўзининг катталарга мўлжалланган, бесўнақай узун

ва зил-замбил милтирини шай қилди. Итларнинг ҳуриши зўр-базўр ва бошқача эшитиларди. «Тепкини тўғрила, атроф яхши кўринадиган жойни эгалла ва тек тур» — Сэм шундай ўргатганди, у эса бирдан жойидан силжиди.

— Эшитяпсанми? — сўради Сэм.

Боланинг вужуди қулоққа айланди: бу янги из олган галанинг шиддатли қувиши жарангি эмасди, балки одатийдан бир парда юқори қий-чувли акиллаш бўлиб, унда қатъиятсизлик ёки ҳатто назарга иммасликка қараганда ҳам қандайдир аччиқ, ҳозирча унинг учун тушунарли бўлмаган бир нарса бор эди; ҳуриш овозлари оҳиста узоклашарди; узоқ вақт ҳавода ингичка, деярли одамлардек ҳўнграш, таҳқири, қайгули оҳанг муаллақ қолганди, из қувиш шиддати англанмасди, елиб бораётган, буғ кўтарилаётган тана тасаввур этилмасди.

Сэм ёнида тез ва бир меъёрда нафас оларди. Бола қария ҳавони ичга ютаётганда бурни букчайиб, кенгаяётганини илғади.

— Бу Қария Бен! — шивирлаганча ҳайқирди бола.

Сэм қимирамасди, фақат бошини из қувиш овози келаётган томон буран, бурни эса ожиз титрарди.

— Қара-я! — деди Сэм. — Ҳатто қочмаяпти. Шунчаки узоклашмоқда.

— Аммо нимага келган?! — хитоб қилди бола. — Бу ерда унга нима керак?

— У ҳар йили пайдо бўлади, — деди Сэм. — Бир маротаба, кўп эмас. Эш билан Бун «у айиқчаларга пўписа қилгани келади», деб ўйлашади. Яъни, бу ердан туёғингизни шиқиллатинг, овчилар кетсин — кейин қайтасиз. Эҳтимол, шундайдир.

Энди боланинг қулогига ҳеч нарса кирмаётганди, Сэм эса юзини аста-секин ундан буриб, овоз келаётган томонга қаратганди. Лекин, мана бу қадрдон, савлатли, кулмаган пайтларда тунд кўринадиган башара яна ўзи томон ўтирилди ва нигоҳи ўша таниш қўзлар билан тўқнашди, лекин улар ҳозир тобора сўниб бораёт-

тап бўлса ҳам аввалгидек даҳшат уйғотадиган, мағур, оловдек алангаланган қора кўзлар эди.

Фақат энди унинг бошқа нарсалар: одамлар, иtlар, айнқлар билан ҳам иши йўқ. У ҳозир лагерда ким борлиги, янги келганлар отишни билишармикин, уларнинг сабри қанчага етаркин — шуни билмоқ учун келган. Ундан ҳуркиб кетмайдиган ва овчилар етиб келгунинг қодар ўлжани қочирмай тура оладиган ит топилармикин? Бу ерда у бош. Йўлбошчи.

Чақнаёттан ўт сўнди, кўзлар одатий, ҳамма вақтдагидек бўлиб қолди.

— У иtlар дарёгача изидан боришлирага сабр қилали. Ўша ердан уйларига қайтариб юборади. Юр, биз ҳам борайлик, иtlар қай ҳолда қайтишганини кўрасан.

Иtlар лагерга келишган ва ошхона ҳужраси қозиқлари атрофида бекинишган, ўнолов бўлиб тўпланишганди. Бола Сэм ёнида чўккалаб, иtlарнинг кўз қорачиелари ялтираётган ва сассиз айланаётган зимистонликка боқди. Яна ўзига номаълум руҳни, итдан анчанин йирик ва кучлироқ бирор нарса борлигини, шунчаки йиртқичники бўлмаган ҳидни туйди. Чунки илгариги шармандали, изтиробли акиллашда йиртқич ҳис этилмас, фақат хилват ўрмон сезиларди. Ўн биринчи изқувар ит, моча кечга яқин қайтди, бола Тенин Жим билан бирга итоаткор, ҳали ҳам титраётган итни ушлаб туришар, Сэм мочанинг йиртилган қулоғи ва тирналган ортига скипидар ва қатрон сурарди, болага эса итни тирик мавжудот яраламаган, балки ўрмоннинг ўзи бирсония эгилиб, журъати учун хиёл шапатилагандек туюларди.

— Худди одамдек, — деди Сэм. — Одамлардагидек эканликлари аниқ, чўзаверди, чўзаверди, ҳолбуки бундан кейин ҳам изқувар деб аталиши учун эртами-кеч, бирор марта жасурлик кўрсатиши кераклигини, оддиндан бу жасурлигининг оқибати нима бўлишини биларди.

Бола Сэм лагерда йўқлигини дарҳол пайқамади. Шундан кейин уч кун давомида уйронар, ионушта қилар,

аммо ҳеч ким уни кутиб турмасди. У Сэмсиз ўрмондаги ўз жойига йўл олар, бир ўзи ўша ериб борар ва Сэм ўргаттандек ўрнашарди. Учинчи тонгда у яна из олган итларнинг дадил ва жарангдор овозларини эшигди, рисоладагидек шайланди, аммо ўлжа изидан қувиш олисдан ўтди — ҳали унга эрта эди, аввал бошдан сабот ва итоаткорлик билан ўрмонга бахшида қилган узоқ ҳаёти билан таққослаганда жуда қисқа — ўзининг дастлабки икки ҳафтали муддатида ҳали бундан арзигулик нарсага даъво қилолмасди; у ўқ овозини эшигди, бу гал биргина ўқ узилди — Уолтер Юэллининг бешотари гумбуллади. Эндиликда у фақат ҳамроҳсиз пистирма жойига бориб, лагерга қайтиб келишгагина қодир эмасди; амакиваччаси совға қилган компасдан фойдаланиб, Уолтернинг олдига, буғу думалатилган ва ичак-чавоқлар атрофида итлар уймалашаётган жойга отларини чоптириб келган майор де Спейн ва Теннин Жим ҳисобга олинмаса ҳаммадан аввал, қон ҳиди ва, айтишларича, айиқ руҳини ҳам писанд қилмайдиган, извошга қўшиладиган бир кўзли хачирни минганди Эш тоғадан ҳам илгари келди.

Бир кўзли хачирдаги Эш тора эмас экан. Етиб келган Сэм экан. Тушдан кейин бола бир кўзли хачирга минди, уни кутиб турган Сэм эса извошга қўшиладиган иккинчи хачирга ўтириб ва улар булутли, қош тез қораядиган паллада йўл у ёқда турсин, кўз илғайдиган сўқмоқ ҳам топилмайдиган ўрмондан уч соатдан кўпроқ вақт йўл босдилар ва бола ҳали бирор марта бўлмаган манзилга етиб келдилар. Шу жойда бола нима учун Сэм уни қон ҳиди ва айиқ руҳидан қўрқмайдиган бир кўзли хачирга миндирганини тушунди. Иккинчи хачир бирдан ҳуркиб, шаталоқ отмоқчи бўлди, лекин Сэм бу вақтда ерга сакраб тушганди; хачир оёқ тираб олган, жиловни тортар, узмоқчи бўларди, Сэм эса уни тинчлантирас, олдинга тортар, судрарди — қантариш хавфли эди — бола ҳам ўзининг ювош хачиридан тушди. У сўниб бораётган қиши кунида, улкан хилват ўрмоннинг

қуюқ гира-ширасида Сэм ёнида туриб, панжаларда тирнелиб, буткул титкилаб юборилган чирик түнка, унинг иттихифидаги нам тупроқда икки бармоқли баҳайбат тоюндеш қолган қинғир изга индамай боқарди. Энди ўша тоңда изқувар итларнинг ҳуриши нимани англатиши ша улар ошхона атрофига тўдалашиб олганларида қандай ше тараалгани маълум бўлди. Бола асрий ўрмон олдида учининг мўртлиги, ожизлигидан (лекин қўрқоқлиги, иккапланшидан эмас) инсоний бўлса ҳам бироз бошқача-роқ, қўймасаш, мутелик, камситишли ҳисни сезди; оғзи қўққисдан болтаъм сўлакка тўлди, қаердалигини — миядими, тепки остидами — аниқлаб бўлмайдиган бирор нарса кескин сикди ва бу асосийси эмасди; асосийси — у буни илк бор туйганди; ўзига ақли ҳали пешланмасдан эшитган ҳикоялари, кўрган тушлари тинчлик бермай келаётган, демак амакиваччасига ҳам, майор де Спейнга ҳам ва ҳатто қария Компсонга ҳам бутун умрлари давомида тинчлик бермаётган йиртқич — бу тирик айиқ ва агар, улар ҳар ноябрда лагерга йўл олар эканлар, уни қувиб, қопқонга туширишга, айиқ умри боқий ҳисобланганлиги учун эмас, балки уни қувиш ҳозирча беҳуда эканлиги сабабли умид қиласдилар.

— Демак, эртага, — деди бола.

— Яъни эртага уриниб кўрамиз, — деди Сэм. — Бизда ҳали ит йўқ.

— Бизда улар ўн битта, — деди у. — Улар айиқни душанбада қувишиди.

— Сен қувишини эшитдинг, — деди Сэм. — Кейин итларни кўрдинг. Бизда ҳозирча ит йўқ. Биттаси ҳам етарди. Аммо бизда унақаси йўқ. Эҳтимол, бунақаси умуман йўқдир. Фақат битта илинж бор: унинг ўзи янглишиб, мўлжали хато кетишини ёқтирмайдиганга рўпара келиб қолса.

— Менга рўпара бўлмас, — деди бола. — Уолтерга ёки майорга ё ...

— Сенга ҳам тўғри келиши мумкин, — деди Сэм. — Сен эртага кўз-қулоқ бўлиб тур. Ахир у ақлли. Акс

холда шунча яшамасди. Агар уни қуршовга олишса ва унга қуршовни ёриб ўтиш керак бўлса, сени танлайди.

— Қандай қилиб? — деди бола. — У қаёқдан билади...  
— У сўзини туталламади. — Сенингча, у ҳозирданоқ мен бу жойда биринчи марта эканлигимни ва ҳали ўзимни синааб кўрмаганлигимни биладими...

У Сэмга бақрайиб қарап экан, бу сафар ҳам сўзини туталламади ва энди тобелик билан, ҳайратланмасдан деди:

— Демак, у мени кўриш учун келган. Афтидан, унга бир қиё боқиши кифоя қилса керак.

— Эртага тайёр тур, — деди Сэм. — Энди лагерга қайтиши вақти келди. Шундай ҳам тунда етиб борамиз.

Эрталаб овчилар ўрмонга одатдагидан уч соат илгари йўл олдилар. Уларга ҳатто Эш тоға, ўзини фақат лагерь ошпази деб ҳисобладиган ва ўрмонга ов қилишга эмас, балки емак тайёрлашга борадиган майор де Спейннинг ошпази ҳам қўшилди; аммо ўрмонда шунчаки бўлишнинг ўзи кифоя қиласди; болага ҳам бунинг нуқси юққанди ва ҳозир итнинг йиртилган қулоги, елкаси, балчиқдаги панжасиз из барчада, шу жумладан атиги яrim ой олдин ўрмонга қадам босган болада ҳам ажиг туйғу уйғотаётганди. Яёв бориш учун манзил олис эди — шу сабабли бола ва Сэм билан Эш извошда, итлар билан ёнма-ён, Маккаслин, майор де Спейн, генерал Компсон, Бун, Уолтер ва Жим бир отга иккитадан мингашиб боришарди; болани яна яrim ой илгариги, биринчи кундаги каби ёриша бошлаган ложувард тонг ўрада қарши олди. Сэм уни жойлаштириб кетди, бола майор де Спейннинг мулки бўлган, ниҳоятда бесўнажай, биринчи кундаёқ қўндоқ тепишини синаш ва қайта ўқлашни ўрганиб олиш учун бир маротабагина тўнкага ўқ узган милицини оғишига шайлаган холда тик туради. У торгина дарё ҳалқаси ёнидаги катта дараҳтга орқа қилиб туради; қорамтир кўлмак сув қўгалар орасидан сокин сизиб чиқар ва яна қамишзорга қайтиб киради, бу ерда кўринмаётган, негрлар Тангри Ногорачиси деб

шомлашадиган улкан қизилиштон қуриган дарахтни тақиллатарди. Бу ер у ҳар тонг эгаллайдиган ўрнидан деярли фарқ қымасди, атрофдаги манзара икки ҳафта давомида бироз күннекани учун одатий кўринарди – аввалдагидек яйдоқ, ожиз ва юраксиз одам ўтган, лекин ҳеч нарсага тегинмаган, из ҳам, бирор белги ҳам қолдирмаган мудроқ хилват эди; у худди Сэм Фазерснинг қадими, индеецлардан ҳам аввалги аждоди биринчи бор бу жойга яшириниб келган ва йўсинни ёки тош болтани тушириб қолиш, ё суюк учли ёй ўқини отишга тайёр ҳолда аланглаб турган пайтдагидек кўринарди; фарқи шунда эдик, энди бола жасурлик кўрсатган ва Сэм айтганидек, бундан буён ҳам изқувар деб атала олинадиган итлар пусиб ётган ошхона ҳидини туйган, итнинг тимдалангани орти ва қулоғини, кеча эса чангллар билан титилган тўнка ёнида тирик айиқнинг икки бармоқли товон изини кўрганди. Қувиш шовқини, ҳуриш ҳам, бошқа нарса ҳам эшитилмасди. Аммо қизилиштон бирдан тинчидек қолди ва бола айиқ шу ердалиги ва унга қараб турганини англай олди. У қаердадир атрофда, қўга ёки ўзининг орқасида, дарахтлар панасида. У қўлидаги қурол ҳозирги йиртқич учун ҳам, кейин бошқа овларда ҳам асқотмаслигини тушунган ҳолда бефойда милтиқни қўлида қисганича қотиб қолди ва оғзида ўшаңда ошхона остидан тарқалган, бадбўй, мис таъмни туйди.

Айиқ кетди. Қизилиштоннинг тақиллатиши қандай тўхтаган бўлса, шундай дафъатан бошланди, бироз ўтгач, итлар акиллаши ҳам қулоққа чалингандай бўлди, базур, тушунарсиз, дархол эмас, бир ёки икки дақиқадан сўнг англашган, афтидан аранг эшитилган ва дархол ўчган сурон қулоққа чалинди. Товуш олисдан келди, ўзи бу итларнинг ҳурищимиidi? Агар итлар айиқни қувган бўлсалар ҳам бунисини эмас – бошқасини бўлса керак. Қамишзордан сув кечиб Сэм чиқди, унинг ортидан исковиҷдек изқувар ит эргашганди. Ит бола олдига келиб, титраган ҳолда оёғига суйкалди.

— Мен уни кўрмадим, Сэм, — деди бола. — Ҳа, кўролмадим.

— Биламан, — деди Сэм. — аммо у сени кўрди. Демак, шитирламадими?

— Йўқ, — деди у. — Мен...

— У ақлли, — деди Сэм. — Ўта ақлли...

Сэмнинг кўзлари яна қора ва таҳдидли ўт олди: у бола оёғига суйкалаётган ва аста, бетиним титраётган итга қараб туради. Янги қон томчилари ит елкасида қизил маржонлардек осилиб туради.

— ... ва жуда катта. Ҳозирча бизда итлар йўқ. Балким, топилиб қолар.

Ҳали олдинда овлар кўп бўлади. У атиги ўн бир ёшда. Бола вақт дунёга келадиган ва қиёфага кирадиган келажак зимистонида икковлон: ўлим ўз ҳукмини ўtkаза олмайдиган қари айиқни ва ўзини — оддийгина, бу манзара иштирокчиси сифатида тасаввур қиларди. Зеро, у ҳозир бекинишиб олган итлардан қандай ис анқиёттанини ва сўйлакка нима мис таъмини беришини биларди, ўзида кўпларни севган ва кўплар томонидан суйилган аёл қиёфасини кўрганда ёки ҳатто бу аёлнинг ётоқхонасини кўрганда ўсмир йигитда муҳаббат ва эҳтирос, ҳали эгаллашга улгурмаган азалий тажриба ва илмга рўбарў келингандаги қўрқинч пайдо бўлганди. «Уни кўришимга тўғри келадиганга ўхшайди, — ҳаяжонламасдан, айни пайтда ноумидлик билан ўйларди у. — Унга бир бор тик қарашга тўғри келадиганга ўхшайди». Ёз — итонь келди. Улар майор де Спейн ва генерал Компсоннинг туғилган куиларини нишонлаш учун яна лагерга келдилар. Ҳолбуки, уларнинг бири сентябрда, иккинчиси қиши чилласида, майордан ўттиз йил аввал туғилганди, лекин ҳар июнда улар Маккаслин, Бун ва Уолтер Юэлл билан (эндиликда бола ҳам улар билан) яrim ой давомида балиқ тутиш, олмахон ва куркани, тунда — итлар билан ёнугт ва ёввойи мушукларни ов қилишга боришарди. Аникрофи, Бун ва негрлар, энди эса бола ҳам балиқ овлашар, олмахонларни отишар, ёнотларга

шларни гижгижлатишарди, овчиликлари тан олинган майор де Спейн ва қария Комисон (у бу икки ҳафтани чийқаладиган креслода дарранда димланган қозон олдидо тунука чўмичдаги вискини аралаштириб, тотиб ва ҳўплаб ўтиради, хафақон, нўноқ ошпазлиқда айланган Эш тоға ва ичкилик шишисини тайёр қилиб турган Теннин Жим ҳам шу ерда ҳозиру нозир эдилар) ҳомда ҳали кексаймаган Маккаслин ва Уолтер Юэлл гаровга ёки мерганлиқда машқ қилиш учун пистолетлари билан ёввойи куркаларни отардилар, бошқа овни жа ўзларига эп кўрмасдилар.

Маккаслин ва бошқалар бола ўрмонда олмахонларни излаб юрибди деб ўйлашарди. Аммо Сэм Фазерс бошқа фикрда эди, бунга у учинчи оқшомда ишонч ҳосил қиласанди. Бола ҳар тонг нонуштадан кейин дарҳол ўрмонга кетарди. Энди унинг амакивачаси рождество<sup>3</sup>да совра қиласан янги қўшотари бор эди; кейин у салкам етмиш йил шу милтиқ билан ов қиласди, икки марта стволи ва затворини, бир марта қўндорини алмаштиради, шунинг учун охир-оқибат бу милтиқдан унинг ва Маккаслиннинг номлари, кун, ой ва йил — 1878 ўйиб ёзилган, кумуш билан сайқалланган ҳалқа қолади, холос. У ўша тонгда ўзи бўлган дарё ҳалқасини ва дарахтни қидириб топди. Компасга қараб, бу ердан ичкарироқса йўл олди, ўзи пайқамаган ҳолда ҳақиқий ўрмончига айлана бошлади. Учинчи кун биринчи марта ёнида икки панжали изни кўрган жойдаги титкиланган тўнкани ҳам топди. Тўнка азбаройи тилка-пора қилинганидан тобора нураб-сочилиб борар, ўзлигидан воз кечган ҳолда дарахт бўлиб бўй чўзган она-заминига қайтаётганди. У ёзги ўрмоннинг ҳатто ноябрининг кулранг музли ёмрири шивалайдиган пайтдагидан ҳам қорони проқ яшил зулматида дайдирди, қуёш пешинда

<sup>3</sup>Рождество — Исо Масих таваллуд толиши шарафига ўрнатилган, христианларнинг 25 декабрда нишонланадиган асосий байрамларидан бури.

ҳам ҳамиша нам ва ана шу зулматдек дөгсімой, шуннинг учун дарров пайқаб бўлмайдиган, яшириниб олган, илонлар уймалашиб ётган тупроқда ола-була шульланарди; ҳар кун у лагерга тобора кечроқ қайтарди. Учинчи кун кечқурун бола Сэм ҳозиргина отини тунда қантарим учун жойлаштираётган, панжара билан ўралган хари синчли сарой ёнидан ўтиб кетаётгандада таниш овоз тўхтатди.

— Ҳали ҳам сенга кўринмадими? — сўради Сэм.

Бола бир лаҳза сукут сақлади. Кейин сув ирмоқдаги ўйинчоқ дамбани бузиб, вазмин отилгандек бамайли хотирилик билан деди:

— Ҳозирча йўқ. Лекин қаердан қидириш керак? Мен дарё қўлтирида бўлдим. Тўнкани ҳам топдим. Мен...

— Ҳаммаси шундай. У сени кўрган бўлиши керак. Унинг панжаларини эсла-чи.

— Мен... — деди бола. — Менинг ёдимдан кўтарилибди... Ўйламабман...

— Ҳамма гап милтиқда, — деди Сэм.

У — қул негр аёли ва чикесо йўлбошчисининг ўғли — қария панжара олдида униқан комбинезонда ва қул негрларнинг бош кийими — эскирган беш центли сомон шляпада эди. У ҳозир бу шляпани фақат озодликка чиққанининг белгиси сифатида кийиб юрарди. Лагерь — дарахтлар кесилган жой, уй, сарой ва қўра гиравширада ғойиб бўларди; майор де Спейн ўрмонда очган яйдоқлик парча ер устида дарахтзорларнинг тунолди зимиstonи бирлашарди. «Милтиқ, — ўйлади бола. — Милтиқ».

— Сенга танлашга тўғри келади, — деди Сэм.

Эртаси куни тонгда бола кун ёришгунча, нонушта қилмасдан, Эш тоға ошхонада полга тўшалган қавилган кўрпа ичидан чиқиб, ўчоқда олов ёқадиган вақтдан анча эртароқ йўлга тушди. Деярли бир миляни қоронрилиқда хотирасида қолганича босиб ўтди. Кейин қўлида ҳозир стрелкасини илғаб бўлмайдиган компасини ушлаганича тўсии устига ўтирди. Одимлаётганида тин ол-

ған товушлар жонланишди, югураклаб қолиши, кейин үнил-кесил тинчиб қолиши, бойүгилар ҳам уйғонастган кундузги құшларга жой бўшатиб, сукутга кетиши, кулранг ва нам ўрмонда қуёш шуълалари нур соча бошлиди ва найза белгиси кўзга ташланди. У тез, лекин ҳозирча бехавотир йўлга тушди, бораркан ўрмон илмини, ҳали ўзи ҳис этмаётган бўлса ҳам такомиллаштириб борди: кийикни боласи билан бирга ҳуркитиб юборди, уларга шунчалар яқин келдики, кийик шитирлаган буталар ичидаги бўлар экан, оқ кўзгусини ялатиратди, кийикнинг орқасидан эса у ўйлаганидан чаққонроқ чиққан боласи шаталоқ отди. Бола ҳозир бунинг нафи бўлмаса ҳам овчилардек, Сэм ўргатганидек шамолга қарши борарди. Милтиқ лагерда қолдирилганди, ундан ўз ихтиёри билан воз кечди. Бу билан овчиликнинг жуда жўн ибтидосини эмас, шу пайтгача айиқقا рўбарў бўла олмаганигини эмас, балки бир йўла боқий ов ўйини барча қоидалари ҳам ўз кучини йўқотадиган алоҳида шартларни зиммасига олди. У қўрқинч бутун вужудини эгалласа: териси, қони, ичи, суякларини тешиб ўтса, ўтмиш хотиралари билан мијасига зарба берса ҳам, бу ерда ўзини ўша айиқдан, кейин етмиш йил мобайнида ўзи дуч келадиган барча бошқа айиқлар ва бугулардан ягона фарқи бўлган тор, аниқ, йўқ қилиб бўлмайдиган соғлом ақл тасмасини бой берса ҳам бўш келмайди, қўрқоқлик қиласмайди. Сэм сабоги бежиз эмасди: «Қўрқ. Бусиз иложи йўқ. Лекин номардлик қиласа. Ўрмон йиртқичи чекинадиган жойи бўлса ёки юраксизлик қилаётганингни сезмагунича сенга тегмайди. Айиқлар ва бугулар ҳам қўрқоқдан ҳудди довюрак одам номардан хавфсираши керак бўлгандек огоҳ бўлади».

У алмакачон дарё ҳалқасидан ўтиб кетган ва пешинга бориб аввалдагилардагидан анча ичкарироқقا — нотаниш жойга бориб қолганди; энди у йўлини комлас ва отасидан қолган оғир кумуш юмалоқ соат билан чамалаб одимларди. У лагердан тўққиз соат олдин йўлга чиқ-

қанди, қоронғи тушишига саккиз, бундан бир соат кам қолаётганди. Компас стрелкасини илғаш мүмкін бўлғанида тўшакдан турганидан ҳозиргача дам олмасдан йўл босарди, лекин шу ерда тўхтади ва енги билан юзидаги терни артар экан, атрофга назар ташлади. Ўзи миљтиқни олмади, ўзи ундан итоаткорлик билан нолимасдан, афсусланмасдан воз кечди; аммо, афтидан, бу ҳаммаси эмас, ҳали озлик қиласади. У — бу ерда бегона, белгисиз чангалзорда муаллақ яшил фира-ширада адашган бола бир дақиқа турди. Кейин охиригача тобе бўлди. Улар — соат ва компас халақит беряпти. Батамом соғ бўлиши зарур. У комбинезонидаги қайишчасини ечди, занжирчани бўшатди, компас ва соатини бутага илиб қўйди, ёнига таёрини қўйди ва чангалзорга кирди.

У адашиб қолганини тушунгандан кейин Сэм сабоқ бергаидек иш тутди: ўзининг аввалги изини топиш учун доира бўйлаб айлана бошлади. Охирги икки соатда, айниқса компассиз қолганидан кейин жуда илдамламади. Ҳозир эса умуман шошилмай одимларди, чунки остида ўша бута ўсиб турган дарахт олисда эмасди; ҳақиқатан ҳам дарахтни кутганидан ҳам эртароқ илғади ва у томон йўл солди. Бироқ у жойда на бута, на соат, на компас бор эди, шунда у Сэм ўргатгандек, доирани янги, бироқ аввалгиларига қарши томонга анча кенгроқ олди; бу ҳолда доираларнинг умумий чизиги изи билан кесишиши керак эди, лекин ҳеч ерда изларидан дарак йўқ эди ва у олдингига қараганда илдамроқ, юрагининг уриши бир меъёрда ва кучли бўлсада, тезлашган, ўзи аввалгидек ваҳимага тушмасдан одимларди ва яна дарахтга, аммо бошқасига дуч келди; бунинг ёнида қулаган йўсин ётарди, унинг атрофида қуруқлик ҳам, сув ҳам эмас — нам сизаёттан балчиқча бор эди ва у Сэмнинг сўнгги, учинчи ўтитига қулоқ тутиб, ўша йўсинга чўкди ва зах жойда сув тўлиб, шаклини йўқотаётган икки бармоқли эгри изни кўрди. Бола бошини кўтариб, яна бир неча ҳадам ташлаб бошқасини кўрди, ҳовлиқиб югуришга тушмади, балки

уларни батамом йўқотмаганига қадар худди осмондан оғилаётган излар кетидан изчиллик билан ҳаяжонланмасдан, иккиланмасдан, бироз нафаси қисилиб, юраги дукиллаб, унга болғачада зарб билан тез-тез урилаётгандек борарди, кейин ўзи ҳам бир умрга йўқолгандек бўлди ва кутилмаганда ялангликка чиқиб қолди. Хилват сассиз қаршисига отилди ва қуёш шульалари остида дарахтлар, бута, соат ва компас шаклида қуюқлашди. Ва у айиқни кўрди. Айик келмаганди, йўқдан бор бўлмаганди — яшил жазирама чошгоҳда тушларидағи каби баҳайбатлигича эмас, ўнгида тасаввур қилганидек ёки бироз йирикроқ — гавдасини дорли-хира манзарада чамалаш қийин эди — ҳолда намоғи бўлди ва боқиб турарди. Қимиrlади. Шошилмасдан яйдоқ жой орқали йўлга тушди, бир лаҳза қуёш уни ёритиб юборди, яна тўхтади, елкаси орқали қаради. Кетди. Яъни кетмади — бир сафар бола кўз ўнгида балиқ — улкан ёши ўтган олабуга камарнинг қорамтири тувида сузгичларини ҳам қимирлатмасдан яширингандек қуюқ ўрмонга чўқди, йўқ бўлди.

## II

Шер унда нафрат ва қўрқинч уйғотишини кутиш мумкин эди. Бу вақтда у ўн тўртинчи баҳорини қаршилаганди. Бола ўзининг биринчи кийигини ўлжа қилишга улгурганди ва Сэм унга қайноқ кийик қони оқишини кўрсатганди, бир йилдан сўнг ноябрда эса у айиқни ўлдирди. Бу тантанали бағишловга қадар у ўрмонни ўзи каби тажрибага эга кўпгина катта ёшдаги овчилардан яхшироқ биларди. Энди эса фахрий ўрмончиларнинг ҳаммаси ҳам у билан баслаша олмасди. У лагернинг йигирма беш миля атрофидаги жойларни — ҳар бир дарё қўлтиғи ва тепаликни, ҳар бир кўзга ташланадиган дарахт ва ҳар бир сўқмоқни беш қўлидек билар, истаган одамни адашмасдан хоҳлаган жойига олиб борар ва лагерга қайтариб олиб кела олар-

ди. У ҳатто Сэм Фазерс билмайдиган йиртқичлар раҳналаридан хабардор эди ва учинчи кузида бирор кимсанинг ёрдамисиз кийик тунайдиган жойни топди ҳамда амакиввачасига лом-мим демасдан Юэллининг бешотарини олиб, Сэмдан эшитгани бўйича қадимда индеелар иш тутишганидек, тонг саҳарда ётогига қайтаётган шоҳдорни қулатди.

Қари айиқнинг изи энди ўзиникидек таниш эди ва бунга фақат панжা жароҳатлангани сабаб эмасди. Атрофда бошқа айиқлар сангиб юришлари, улар панжаларининг деярли шундай катталиқдаги излари қолиши ва бу изларни фарқлаш учун бирини иккинчисига солиштириш талаб қилинишига қарамасдан, у бошқа уч панжা қолдирган изларни ҳам шу ондаёқ ажрата оларди. Аммо гап панжаларнинг катта-кичиклигига эмасди. Агар Сэм Фазерс илк йиллардан бошлиб унинг устози, тайёрлов синфлари — ўрмон четидаги қуён ва олмажонлар бўлса, қари айиқ қишлийдиган хилват — дорилфунуни, гўё ўзини ўзи дунёга келтирган, азалдан танҳо, бефарзанд айиқ — *alma mater*<sup>4</sup>ига айланди.

Энди икки панжали изни лагердан ўн, беш миля узоқликда, ундан ҳам яқинроқда излаб топиши мушкул эмасди. Ўтган уч йил мобайнида у икки бор ўз жойидан итлар айиқнинг изига тушганини эшитган, бир сафар эса йиртқичга дуч келганини билди, итлар овозлари чийиллаб чиқарди, аянчли, деярли одамларникига ўхшаб тутқаноқли эди. Кунлардан бирида у раҳнада Уолтер Юэллининг бешотари билан пистирмада турганида Қари Бен бўронда қулатилган дараҳтлар узун кесмасидан думбалоқ ошишини кўрди. Айиқ остин-устун дараҳтлар тури ва бутоқлари устидан, аниқроғи улар узра локомотивдек шиддат билан бола учун кутилмаган буғу тезлигида елиб ўтди, ҳолбуки буғу бу жойдан сак-

---

<sup>4</sup>Альма матер (лотинча «*alma mater*» — «эмизувчи она» сўзидан) — маънавий (диний, фалсафий) таълим берадиган университетларнинг қадимий норасмий номланиши.

риң үтгән бўларди; бола ўшанда айиқнинг йўлини тўсиш учун фақат бекиёс жасургина эмас, шунингдек ноёб катталиқдаги ва тезчопар ит кераклигини тушунди. Уйиди негрлар лайча деб аташадиган дурагай зотли, каламушдан хиёлгина катта, ақлидан озадиган даражада, телитларча жасур кучукча — каламушлар кушандаси боради. Бола кучукчани июнь ойидаги овлардан бирiga ўзи билан бирга олиб келди ва вакти келганда каламушлар кушандасининг бошини қоп билан бекитиб худди аввалдан келишиб қўйилган амалий учрашувга отлангандек йўлга тушди, Сэм эса галадан бир жуфт изқувар итни бошлаб келди, улар шамол эсаётган томондан изга тушдилар ва айиқ сал бўлмаса чинакам чистирмага дуч келиб қолаёзди. Итлар йиртқичга шу қадар яқинлашиб келдиларки, кейин боланинг ўйига келганича, афтидан, каламушлар кушандасининг қутурған акиллашидан саросимага тушган айиқни ҳатто тўхтата олдилар. Йўғон сарв дараҳтининг танасига қисилган айиқ орқа оёқларида кўтариilar экан, каламушлар кушандасининг чексиз жасурлиги юқсан изқувар итлар қаршисида тобора юксалиб, баҳайбатлашиб борарди. Шу лаҳзада бола лайча айиқ билан чинакамига олишишга тайёрлигини англаб етди. У милтигини ерга ташлаб, олдинга интилди. Йиқила туриб, айиқ оёқлари олдида қулоқни тешадиган даражада ҳураётган, разабга минган кучукчани ушлаб олди. Бурнига айиқнинг кучли, иссиқ қўланса иси урилди. Шундоқ устида момақалдироқ булутидек кўланка солаётган айиқни кўрди. «Бу илгари қаердадир бўлганди», — хаёлидан яшин тезлигида ўтди ва қаердалиги ёдига келди: тушида кўрганди.

Айиқ кетди. У йиртқич қандай узоқлашганини кўрмади ҳам. Тиззаларида туриб, икки қўли билан қутурган кучукчани ушлаган ҳолда изқувар итларнинг йиғлоқи акиллаши узоқлашаётганлиги қулоғига чалинарди. Сэм келди, милтигини ёнига оҳиста қўйди, болага қарап экан, қаддини ростлади.

— Мана, уни мильтик билан ҳам икки марта кўрдинг,  
— деди Сэм. — Бугун уни ҳойнаҳой қулатган бўлардинг.

Бола ўрнидан турди. Ҳали ҳам қаламушлар кушандасини ушлаб туради. Кучукча ҳамон ақиллар, гўё уни электр токи билан куйдираётганлардек ғазаб билан тўлғанар, қўлдан отилиб чиқишига ҳаракат қиласади.

— Ўзинг-чи? — деди бола хиёл титраган овозда. — Милтиқ сенда қолди. Нега отмадинг?

Сэм эшитмаётгандек эди. Қўлини чўзиб, итлар овози эшитилмай қолган бўлса ҳам ҳураётган ва талпинаётган кучукчага тегинди.

— У кетиб бўлди, — деди Сэм. — Ўзингни бос, энди келгуси галгача дам ол.

Кучукча силаётган қўллар остида тинчлана бошлади.

— Сен деярли биз бопсан, — дерди Сэм. — Фақат жуссанг кичикроқ. Бизда ҳозирча ит йўқ. У зотли бўлиши, яна бўйдор бўлиши, бундан ташқари жасур бўлиши ҳам керак.

У кучукча бошидан қўлини олиб, айик ва итлар яширган ўрмонга нигоҳини қадади.

— Қачонлардир кимдир қулатиши керак.

— Биламан, — деди бола. — Бу бизларникидан кимнингдир чекига тушади. Энг сўнгида. Унинг ўзи хотима қўйиш керак деб хоҳлаганда.

Шунинг учун у Шердан нафратланиши ва қўрқиши керак эди. Бу тўртинчи ёзда, у майор де Спейн ва генерал Компсон туғилган кунини овчиларга хос нишонлаш учун тўртинчи марта келганида содир бўлганди. Майор де Спейннинг байтали эрта баҳорда туққанди. Сэм ёз оқшомларининг бирида отлар ва ҳачирларни тушашга ҳайдаб келиб, янги туғилган тойчоқни топмади. қутурган она эса ўтанга кирмасдан, оёғини тираб олди. Сэм байталнинг ўзи тойчогини қолдирган жойга бошлайди деб ўйлаганди, бироқ бундай бўлмади. Байталнинг ўзини ҳар томонга уришидан тойчоқ адашган жойни ҳам, томонни ҳам англаб бўлмасди. У даҳшатга тушган ҳолда ҳеч нарсани кўрмайтгандай сапчишдан

тұхтамасди. Бир сафар у үз одами эканлигини ҳам унұтиб, ғазаб билан Сәмга ташланиб қолди. Сәм ниҳоят үни үтан ичига киритишга мұваффақ бўлди. Бу вақтда қош қорайиб, тойчоқнинг адашган изларини топиш амри маҳол эди.

Сәм уйчага йўл олиб, бўлган воқеадан майор де Спейнни хабардор қилди. Бу йирик йиртқичнинг иши эканлиги, тойчоқни қидир-қидирма бефойдалиги, унинг ҳалок бўлганлиги равshan эди. Кечки овқат қилаётгандар буни тушунишарди.

— Бу — қоплон, — дарҳол қарорга келди генерал Компсон. — Ўша, мартда кийик боласи билан бузоқни тилка-пора қилган.

Бун Хоггенбек<sup>5</sup> баҳорда одатдагидек қишлоғни қанлый үтказғанликларидан бир хабар олгани келганида Сәм у орқали майор де Спейнга бу воқеани — кийик бўғизланганлиги, кейин унинг боласига ҳам қувиб етилиб, ўлдирилганлигини етказганди.

— Сәм бу қайси сўйлоқнинг иши эканлигига аниқлик киритмаганди, — деди майор де Спейн. Сәм қачон гапиришни тұхтатишлиари ва у үз ётогига кетиши мумкинлигини кутаётгандек тик турар ва оғиз очмасди. Нигоҳи бўшлиқни ифода этарди.

— Қоплон буғуни қулатишига, кейин эса боласини осонгина қўлга туширишига қодир. Бироқ она байтал ёнида бўлганида бирорта қоплоннинг тойчоққа ташлашига юраги дов бермайди. Бу — Қари Бен, — давом этди де Спейн. — Унинг тўгрисида фикрим тузукроқ эди. Ундан буни кутмаётгандим. Менинг ва Маккаслиннинг итларини ҳолдан тойдириш — бир масала. Итларни унга қарши тикканимиздан ҳар икки томон огохлантирилган. Аммо ерларимга бостириб кириш, тағин молимни ёзда бўғизлаш — бу қоидаларга хилоф, Сәм, бу — Қари Бенning иши.

---

<sup>5</sup>Бун Хоггенбек — У. Фолкнернинг «Йокнапатофа сагаси» романлар туркумнинг саргузаштларга ўч қаҳрамонлари.

Сэм аввалгидек жим турар, де Спейн гапини тугатишни кутарди.

— Эртага изидан тушиб, ўзимиз ишонч ҳосил қиласиз.

Сэм кетди. У лагернинг ўзида жойлашишни истамаганди, бу ердан чорак миля нарида, дарё қўлтиғи ёнида Жо Бейкернинг кулбасидек, аммо ёғоч тўсинлардан бақувватроқ ва зичроқ қилиб саройча қуриб олган, бу ерда чўчқа болаларига бериш учун маккажўхори захирасини сақларди. Сэм эрталаб ҳамма ухлаб ётганида келди. У тойчоқни топганди. Нонуштани кутмасдан ўша жойга йўл олишди. Бу яқин орада, отхонадан олти юз қадам чамаси нарида экан, уч ойлик тойчоқ биқинида ётар, бўғизланган, ичак-чавоги ва биқинининг бир қисми еб тутатилган эди. Мурдага қаралса, йиртқич унга тепадан ташланмаганилиги, биқинидан уриб, думалатгани сезиларди, агар бу қоллон бўлганида тойчоқни бўғизлагунча унинг танасида қолиши керак бўлган чангл излари кўринмасди. Излардан байтал онгсиз равища йиртқич атрофида айланиб юрганилиги, кейин кеча Сэмга ташланганидек, йиртқичга қутурганча ҳужум қилганлиги уқиларди. Узун излар йиртқич байталга ташланмаганилиги, фақат у томон уч-тўрт қадам қўйгани, от эса қўрқувдан шаталоқ отиб, қочиб қолганлигидан далолат берарди. Генерал Комиссон сукут сақлай олмади:

— Худо кўрсатмасин, бўри!

Сэм сукут сақларди. Бошқалар чўкка тушиб, изларни ўлчар эканлар бола ундан кўзини олмасди. Энди Сэм юзидан қандайдир янгилик балқирди. Тантана ҳам, қувонч ҳам, умид ҳам эмас. Бола улрайгач, бу ифода маъносини уқди: Сэм бошиданоқ бу кимнинг излари ва баҳорда кийик билан унинг боласини ким бўғизлаганини биларди. Ниҳоянинг башорати — ўша тонгда Сэмнинг юзида шу ёзилганди. «У хурсанд эди, — дерди бола кейин ўзига. — Ахир у чол. Энди болаларни ҳам, ўз халқини ҳам, қондошлиаридан ҳеч кимни ҳам учратмасди, ҳаммаси ерда ётарди. Бундай учрашув яқинлик

ұм, акс-садо ҳам бермасди, чунки мана етмиш йилдан оғынг танаси бошқа, қора эди. Энди ниҳоя яқин-ланшаётганди ва у бунга хурсанд бўлаётганди».

Улар лагерга йўл оддилар, овқатланиб милтиқлар ва изқувар итлар билан қайтиб келдилар. Шу пайтда улар ҳам Сэмдек тойчоқни қайси йиртқич қулаттанини анг-лашлари керак эди, деб хаёлидан ўтказганди бола ке-йинроқ. Бироқ бу одамлар янгилиш хulosага келиб, кейин унинг асосида иш тутганларининг гувоҳи бўлган бун-дай ҳолатлар ҳаётида биринчиси ва охиргиси ҳам эмас-ди. Бун тойчоқ нимтаси ҳар икки томонидаги товон-ларни аниқлаб, белбоги билан итларни ҳайдади ва ит-лар изларни исказай бошладилар. Ҳали ёш изқувар ит бир гал акиллаб, йиртқич изига тушгандек, бироз югу-ра кетди. Аммо бошқа итлар тўхтаб қолишиди ва одам-ларга нима қилишни билмагандек эмас, балки саволо-муз тикилишиди: «Хўш, буёғи нима бўлади?» Кейин яна орқага, тойчоқ нимгаси ёнига қайтишиди, бу ерда эса Бен уларни савалаб кутиб одди.

— Из иси бу қадар тез йўқолмайди, — деди генерал Компсон.

— Бу бўри ҳамма нарсага — тойчоқни онасидан аж-ратишга ҳам, ис қолдирмасликка ҳам қодирга ўхшайди, — деди майор де Спейн.

— Эҳтимол, у ўта маккордир, — деди Уолтер Юэлл ва Теннин Жимга қаради. — Жим, қандай фикрдасан?

Итлар из ололмагач, майор де Спейн Сэмга изни юз қадамча нарироқдан излаш ва итларни яна из кетига тушишга чорлашни буюрди. Тажрибасиз ёш ит худди лайча нотанишга вовуллайдигандек яна акиллади, бироқ йиртқич изига тушганда бундай ҳурилмасди. Генерал Компсон олмахонни ов қиласиганлар — бола, Бун ва Жимга деди:

— Сизлар итлар билан тушгача атрофни айланиб чи-қинг. Афтидан у шу яқин орада, тойчоқнинг нимтаси олдидан кетишимизни пойлаётганга ўхшайди. Балки унга тўқнаш келиб қоларсизлар.

Лекин тонг бесамар ўтди. Боланинг ёдида: улар итларни тасмаларга боғлаб, ўрмон ичкарисига йўл олишиди, Сэм эса улар орқасидан қараб қолди — унинг инде-ең юзидан кулмагунича ҳеч нарса англай олмайсан, фақатгина ўша, қари айиқ кетига тушган биринчи тонгдагидек бурнининг катаклари титраб туради. Улар итларни янги изларга солиб юбориш учун эртасига ҳам келдилар, аммо тойчоқ нимтаси жойидан ғойиб бўлибди. Учинчи кун эрталаб яна Сэм пайдо бўлди, бу сафар улар нонушта қилиб бўлишларини пойлаб турди. Кейин: «Кетдик» деди. Уларни ўз кулбаси, саройчасига бошлаб келди. Кеча у бу ердаги маккажўхорини олиб чиқиб, тойчоқ нимтасидан хўрак тайёрлаганди; улар тўсинлар орасидаги тирқишдан деярли милтиқ ёки пистолет тусига ўхшаш қандайдир йиртқични пайқашди. Йиртқич кўзга ташланмасликка ҳаракат қиласди. У ётмаганди ҳам, турмасди ҳам. Аммо ҳаракатда эди, худди ҳаводан қарама-қарши келаётганди, оғир гавдаси билан эшикка шу қадар даҳшатли кучда урилди-ки, эшик ошиқ-мошиғидан отилиб чиқди, номаълум йиртқич янги сакраш учун полга оёғи тегмаёқ яна эшикка зарб билан урилди.

— Юринглар, — деди Сэм, — бўйинни синдириб олмагунча борайлик.

Улар одим отар эканлар, аввалгидек қаттиқ зарблар эшитилар ва ҳар гал икки дюйм<sup>6</sup> ли эшик ларзага келар, йиртқичнинг ҳириллаши ҳам, тиш қайраши ҳам қулоққа чалинмасди — у товуш чиқазмасди.

— У қайси иблисдан туғилган? — сўради майор де Спейн.

— Бу ит, — жавоб берди Сэм. Унинг бурнининг катаклари айиқ изидан тушишган ўша биринчи тонгдагидек бироз шишган, кўзларида у қадар равшан бўлмаган, яшинли оқимтири шуъла пайқаларди.

---

<sup>6</sup> Дюйм — 2.54 сантиметр.

— Қайси ит? — сўради майор де Спейн.  
— Қари Бен йўлини тўсадиган.  
— Итмиш, — деди майор де Спейн. — Бу йиртқични галамга қўшгандан кўра Қари Бенни олганим маъкулроқ. Уни отиб ташла.  
— Йўқ, — деди Сэм.  
— Уни бир умр ўргата олмайсан. Қандай қилиб сендан қўрқадиган бўлади?  
— Менга ўргатилган ит керакмас, — деди Сэм. Бола яна унинг бурни катаклари ҳаракатини ва кўзларидаги ишинли оқимтири шуълани сезди. — Қўрқитилган бўлса, умуман керакмас. Фақат бу дунёда ҳеч ким ва ҳеч нарса уни қўрқита олмайди.

— У билан нима қилмоқчисан?

— Ўзингиз кўрасиз, — жавоб берди Сэм.

Овнинг бутун иккинчи ҳафтаси давомида улар эрталаб саройчага бориб туришди. Сэм томдан саройча ичига арқон тушириб, унга боғланган тойчоқ нимтасидан хўрак тайёрлаган, ит бу ҳийлага учгач, нимтани тортиб олган экан. Ҳар тонг улар Сэм саройча ичига арқонга боғланган чељакда сув туширишини, ит сабот билан эшикка ташланиши ва йиқилишини, яна ўрнидан туриб ташланишини кўришарди. У бирон товуш чиқармас, сакрашларида ашаддийлик эмас, балки совуқ ва тунд қатъият сезиларди. Ҳафта охирида эшикка сакрашлар тўхтади. Бунга ит ҳолдан тойгандан эмас, балки эшикка кучи етмаслигини англагани сабаб бўлганга ўхшарди. У шунчаки бундан буёқдаги уринишларидан нафратланганди. Лекин ётиб олмади. Улар ҳали уни ётган ҳолда учратмади. У тик турагди ва итни дурусткроқ кўриш мумкин эди — ўзида мастиф, эрдел<sup>7</sup>дан баъзи нарса-

---

<sup>7</sup> Мастиф, инглиз мастифи — инглиз итларининг энг қадимий зотларидан, айиқ овида кўп фойдаланилади; эрдель, эрдэльтеръер — Англиядаги Йоркшир графлигининг фарбидағи Эрдель воҳасида кўпайтирилган, теръер зотига мансуб ит, овда ҳайвонлар, йиртқичлар инларини қидириб топишга ўргатилган.

ларни, эҳтимол, бошқа ўнтача зот белгиларини мужас-  
самлаштирганди, бўйи ўттиз дюймдан баландроқ, оғир-  
лиги тўқсон фунт<sup>8</sup>га бориб қоларди, кўзлари совуқ сариқ  
тусда, яғрини ниҳоятда бақувват, жуни ғалати сидирға,  
милтиқ стволиникидек кўкимтири тусда эди.

Ярим ой тугади. Овчилар кетиш тараддуудига тушди-  
лар. Лекин бола шу ерда қолишга изн сўради ва амаки-  
ваччаси бунга рухсат берди. Бола Сэм Фазерснинг кул-  
басига кўчиб ўтди. Эрталаблари у саройча ичига че-  
лақда сув туширилишига қарабди. Ҳафта охирида ит  
ётиб олди. У ўрнидан турар, тентираб сув олдига борар  
ва йиқиларди. Тонглардан бирида у сув олдига эмаклаб  
боришига ҳам, бошини ердан кўтаришига ҳам мадори қол-  
мади. Сэм калтароқ таёқни олиб, саройчага йўл олди.

— Тўхтаб тур, — деди бола. — Милтиқни олиб келай...

— Ҳожати йўқ, — деди Сэм. — Унинг қимирашга  
ҳам ҳоли йўқ.

Шундай экан. Сэм таёқчасини итнинг боши, озиб  
кетган гавдасига теккизисиб кўрди, аммо у қимирамай  
ёнбошлаб ётар, сариқ кўзлари эса очиқ эди. Уларда нафр-  
рат пайқалмасди, балки деярли бўрон ва қаҳратон қиши  
шиддатидек бефарқ совуқ шиддати акс этарди. Бу кўзлар  
тўсинлар орасидаги тирқишлиардан қараётган Сэм ва  
болага қадалганди.

Сэм итга овқат берди. Гўштли шўрвани ичиб бўлгу-  
нича бошини ушлаб туришга тўғри келди. Сэм тунда  
саройчада итга товоқчада гўшт бўлаклари тўғралган  
шўрвани қолдирди. Эрталаб бу ерга кирганида товоқча  
бўш, ит эса ағдарилиб, бошини кўтарган ҳолда қорнида  
ётар, совуқ сариқ кўзларини эшикка тикканди ва у бу  
совуқ кўзлар қарашини ўзгартирмасдан, ҳатто ирилла-  
масдан ташланиб қолди, аммо мўлжали хато кетди —  
ожизлашиб кетган мушаклари панд берди, шу сабаб  
Сэм таёқчаси билан бу ҳужумни даф қилиш, ташқари-

---

<sup>8</sup> Фунт — оғирлик ўлчови, 2,2 фунт — 1 килограмм.

га отилиб чиқиши ва эшикни бекитишга улгурди. Шу мәхотиёқ ит гүё икки ҳафталик очликни бошидан кеңирмагандек, янги сакраш учун қаердан куч топгани шомаълум ҳолда эшикка ташланди.

Чошгоҳда улар ўрмондан лагерлари томон келаётган кимнингдир овчилардек овоз берганини эшитдилар. Бу Бун экан. У саройчага яқинлашиб, тирқиши орқали бошини баланд тутган, мудраб, сариқ кўзларини пирпиратаётган баҳайбат – букилмаган, бўйсундирилмаган руҳнинг тимсоли бўлган итни кузатиб турди.

– Биз учун уни қўйиб юбориб, – деди Бун, – ўрнинг Қари Бенни ушлаш ва айиқни шу қаттолга гижгижлатиш осонроқ эди.

У ўтирилиб, шамол қизартириб юборган юзи билан болага қадалар экан:

– Ашқол-дашқолингни йириштириб. Кас уйга қайтишингни буюорди. Бу тойхўрга шунча суқланганинг етар, – деди.

Бун извошни пастқамликка кираверишда қолдирғани; унга бу ердагиларда бўлмаган хачир қўшилганди. Тунда бола уйида эди. У амакиваччасига шундай ҳикоя қиласади:

– Сэм биз унинг оддига кириб, қўл теккизиб кўрмаганимизча қантараради. Кейин овқат бера бошлиди. Сўнг, агар талаб қилинса, яна оч қолдиради.

– Нега? – сўради Маккаслин. – Бунинг қандай нафи бор? Ҳатто Сэм ҳам ҳеч қачон уни ўзига бўйсундира олмайди.

– У бўйсундирилган ҳолида бизга керакмас. У бизга ҳозир қандай бўлса, шундайлигича керак. Фақат у охир оқибат Сэмга, бизга итоат қилмагунча саройчадан чиқа олмаслигини тушуниши керак. Ундан бошқа ҳеч ким Қари Бенни тўхтата олмайди. Ҳозир унинг лақаби ҳам бор. Биз уни Шер деб чақиряпмиз.

Ниҳоят ноябрь эшик қоқди. Улар лагерга қайтиб келдилар. У ҳовлида генерал Компсон, майор де Спейн, амакиваччиаси Уолтер ва Бун билан милтиқлар, тўшак-

лар, озиқ-овқат солинган қутилар орасида туриб, Сэм Фазерс ва Шерни кўрди — қари индеец отхона ёнидаги йўлакчадан увадаси чиқкан комбинезон устига қўй терисидан тикилган униқсан куртка кийиб олган, резина этиқда, бощида аввал боланинг отаси кийиб юрадиган шляпа қўндирилган ҳолда одимларди, ёнида эса баҳайбат ит мағрур борарди. Изқувар итлар қаршиисига ташланмоқчи бўлишди, бироқ ҳали ҳаёт тажрибасига эга бўлмаган лайчадан бошқа ҳаммалари тисарилиб қолишди. Лайча думини ликиллатганча Шер ёнига борди. Шер ҳатто тишлари оқини ҳам кўрсатмади. Йўл-йўлакай айиқча қилиб шундай туширдики, лайча уч қадам нарига дўмбалоқ отиб тушди, Шер эса ҳовлига кириб, ҳеч кимга боқмасдан, бефарқ ва мудраган ҳолда тик қотди.

— Буни қаранг-а, — деди Бун. — Унга қўл теккизиб бўладими?

— Мумкин, — деди Сэм. — Унга барибир. Унинг учун одамлар ҳам, йиртқичлар ҳам йўқдек ҳисоб.

Бола кузатиб борарди. Бун чўкка тушиб, Шернинг бошини силаб, суюклари ва мушакларини ушлаб, кучини чамалаб кўрган пайтдан кейин икки йил давомида бу жуфтликни кузатиб борди. Гўё Шер аёлдек эди ёки, афтидан, бу жуфтлиқдаги аёл Бун эди. Агар — Сэм таърифига кўра — одамлар ва йиртқичлар йўқдек ҳисоб, баҳайбат, мағрур, мудроқ ит ҳамда жўшқин, қўпол, томирларига индеецлар қони аралашган, онги боланикдек, буришган юзли одам ўзаро таққосланса, иккинчиси тўғрироқ эди. Бун Сэмни ҳам, Эш тоғани ҳам четлатиб, Шерни ўзи боқувига одди. Бола Бун ошхона олдида совуқ ёмғир остида Шерни овқатлантираётганини неча бор кўрганди. Шер бошқа итлардан алоҳида овқатлантирилар, алоҳида сақланарди, аммо фақат келгуси ноябрдагина уларга Шер бевосита қаерда тунавши аниқ бўлди; шунгача ҳамма у Сэм кулбаси ёнидаги ўз уясида туради деб ўйларди, бироқ бир сафар Маккаслин тасодифан Сэмдан бу ҳақда сўраганида, у бор гапни ошкор қилди. Кечқурун майор де Спейн, Маккаслин

лин ва бола қўлда чироқ билан Бун ухлаётган тор, унинг ювинмаган танасидан ва нам овчи кийимидан келаётган қўланса исга тўла хонага киришганида чалқанча ўтган Бун ҳурраги бўғзига тиқилиб уйғонди, унинг ёнидаги Шер келганиларга совуқ мудроқ сариқ кўзларини қаратди.

— Бун, бу ишинг ярамайди, — деди Маккаслин. — Бу ср ит турадиган жой эмас. Ахир у эрталаб Қари Бенни қувиши керак. Тун бўйи у сенинг исингдан нафас олса, изни қандай топади.

— Ҳозирча ҳидим ўзимга халақит берадигани йўқ, — деди Бун.

— Халақит берганида ҳам сендан ислаб из топиш талаб қилинмайди, — деди майор де Спейн. — Итни олиб чиқ. Уй тагидаги бошқа итларга қўшиб қўй.

Бун ўрнидан тураг экан:

— Ахир у ўзига қараб чучкирган ёки эснаган, тасодифан унга тегиб кетган биринчи итниёқ ғажиб ташлайди-ку, — деди.

— Ҳавотир олма, — деди де Спейн. — Итлардан бирортаси тушидаям тушкуришга ҳам, уни туртиб юборишига ҳам юраги дов бермайди. Уни ҳовлига олиб чиқ. У менга эртага исни дарров топа оладиган ҳолда керак. Қари Бен ўтган йил уни доғда қолдирди. Бу сафар унинг уддасидан чиқолмаса керак.

Ифлос иштондаги Бун туриб, оёрини пойабзалига тиқди, унинг ипларини бойламасдан, ухлаётганида тўзғиб кетган сочларини тўғриламасдан — қандоқ бўлса шундайлигича Шерни хонадан олиб чиқди. Бошқалар яна ўз хоналарига қайтишди — Маккаслин билан де Спейн яна қарта ўйнашга киришдилар. Бироздан кейин Маккаслин:

— Истасангиз, бориб текшираб кўраман, — деб таклиф қилди.

— Ҳожати йўқ, — жавоб берди де Спейн. Сўнг: — Гикканингни қабул қиласман, — деб Уолтер Юэллга муарожаат қилди. Ва яна Маккаслинга қараб, — агар у ёқса

бормоқчи бўлсанг, менга индама. Қариётганлигининг биринчи белгиси: агар бераётган буйруғим деворга айтилаётганлигини оддиндан билсам ҳам унинг бажарилмаслиги ғазабимни қўзғатади, — деди.

Тўшак остида кўзини уйқу босишини пойлаб ётаркан, бола ҳам Шер яна Бун қўйнидан жой олганлигини, бугун ҳам, эртага ҳам, ноябрдаги овнинг бошқа тунларини ҳам, бошқа ов мавсумларини ҳам шу жойда ўтказишини биларди. Унинг хаёлидан: «Қизиқ, Сэм нега рози бўлганикин? Бун оқ танли бўлса ҳам Сэм Шерни унга бермаслиги мумкин эди. Майор ҳам, амакивачча-си ҳам бунга эътиroz билдиришмасди. Энг асосийси, Шерга биринчи бўлиб Сэмнинг қўли теккан ва Шер хўжайини ким эканлигини биларди», деган фикр ўтди. Улрайгач, бунинг тагига етди. Шундай бўлиши керак эканлигини тушуниди. Ўзи тартиб шунаقا. Сэм — қабиля бошлиғи, даҳо; Бун — паст табақали, унинг овчиси. Ит кетидан Бун юриши керак.

Шер биринчи бор изқувар итлар галасини Қари Бен томон бошлаган тонгда лагерда қаердандир: балчиқда истиқомат қилиб, ёнотни қопқонда овлаш ёки пасттекслик четларида пахта ва маккажўхори етиштириш билан шугулланадиган, Сэм Фазерсга қараганда бироз пўримроқ, аммо Теннин Жимдан анча хароб кийинган етти нафар серсуяк, безгакдан силласи қуриган кимса пайдо бўлди; улар тун бўйи питра миљиқлари ва бешотарлари билан ҳовлида тизза чўккан ҳолда сабр билан ёмғир остида бўкишди. Улардан энг сўзамоли (Сэм Фазерс кейин майор де Спейнга гапириб беришича, улар ёз бўйи лагерга ёлғиз, икковлон, учовлон бўлиб келиб туришар, Шерни томоша қилиб, яна қайтиб кетишарди) шундай деди:

— Хайрли тонг, майор. Эшитишимизча, бугун қўш панжали айиқни кўктус итингиз билан қувламоқчи экансиз. Қарши бўлмасангиз, буни биз ҳам кўрмоқчи эдик. Айиққа, агар устимизга ташланиб қолмасагина, ўқ узмаймиз.

— Қадамларингизга ҳасанот, — деди майор де Спейн.  
— Марҳамат, отаверинглар. Айиқ биздан-да ҳам кўпроқ сизларники.

— Гапингизда жон бор. У мендан қарздор: бир қанча сигирим емиши бўлди. Уч йил аввал чўчқам ҳам.

— Мен ҳам даъвогорман, — деди яна бири. — Фақат айиққа эмас.

Де Спейн унга тикилди. Бу кимса тамакини чайнаб бўлиб, туфлаб ташлади.

— Бузорим йўқолиб қолди. Бултур. Яхши бузоқ эди. Кейин июнда тахминан сизнинг тойчоғингиздек тилка-пора қилинган ҳолда топдим.

— Шундай дент, — деди майор де Спейн. — Начора, ииртқичга итларим остидан бемалол отаверинг.

Ўша куни Қари Бенга битта ҳам ўқ узилмади. Овчилар уни кўришмади. У болага уч йил аввал ёзда рўпара келган ялангликдан юз қадам чамаси нарида оёққа турғизилди. Бола бу ердан чорак миля ҳам келмайдиган нарида эди. У итлар айиққа ташланганларидағи товушларни эшилди, бироқ Шерга тегишли бўлган нотаниш овоз сезилмади ва бундан у Шер ўша ерда бўлмаса керак деган хулоса чиқарди. Қари Бенни қувиш илгаридагиларга қараганда жадалроқ кечарди, юқори, жазавали ҳуриш қулоққа чалинмаганлиги ҳам ҳақиқий аҳволга ойдинлик киритмади. Фақат оқшомда Сэм унга Шер сас чиқармасдан из қувишини тушунтириди.

— Қари Беннинг бўғзига ёпишгандагина ириллайди, — деди Сэм. — У бошқа пайт саройчада эшикка ташла-наётган вақтдагидек бирор сас чиқармайди. Кўктус зоти ўзи шунақа. Нима дегандинг?

— Эрдель, — деди бола.

Шер из қувишни бошқаарди: итлар айиқни дарё томон жуда сиқиб боришибди. Бун Шер билан тунда соат ўн бирга яқин қайтиб келгач, Шер Қари Бенни қисувга олиши мумкинлиги, бироқ изқувар итлар унга яқинлашишга журъят қила олмаганликлари, шу сабабли Қари Бен улардан қутулиб, сувга ташланганлиги ва оқим

бүйича сузив кетганилиги, у эса Шер билан айиқ сувдан чиқкан жойни топиш учун соҳил бўйлаб ўн миляча борганликлари, кечувдан нариги қирғоққа ўтиб, орқага қайтганилари, лекин қоронфида айиқ изига туша олмаганилари, балки Қари Бен кечувдан нарига сузив кетгани бўлиши мумкинлигига онт ичарди. Бун изқувар итларни бўралаб сўкаркан, Эш тоға кечки овқатдан ўзига қолдирилган улушни тамадди қилиб, ухлагани йўл олди, бироздан кейин бола ҳуррак авжига чиқкан хона эшигини очганда йирик ит бошини улуғворлик билан кўтарди, унга мудроқ нигоҳи билан бокди, сўнг яна калласини Бун ёстиғига қўйди.

Яна ноябрь эшик қоқиб, сўнгги кунни Қари Бен учун қолдириш одат тусига кирганда лагерда ўн беш нафарга яқин одам тўпланди. Улар фақат овчиларгина эмасди. Бу ерга тўпланганлар орасида Шер ва Қари Бен ҳақида эшитган ҳамда кўктус баҳайбат итнинг қари панжасиз айиқ билан ҳар йилги тўқнашувидаги ҳозир бўлиш истагидаги Жефферсон сингари қўшни округ марказидек шаҳарлардан келганлар ҳам бор эди. Айримлар ҳатто милтиқсиз, куни кеча дўкондан харид қилинган овчи курткалари ва этикларда эдилар.

Шер Қари Бенга дарёдан беш милядан кўпроқ масофада етиб олди, уни тўхтатди, изидан тушди ва шиддати сусайган изқувар итларни ортидан эргаштириди. Бола из кетидан қувиш бошланганини эшитди: ўша жойдан у қадар узокда эмасди. Бола Буннинг итларни жўштираётганларини эшитди; икки бор узилган ўқ овози янгради – бу генерал Компсон масофадан туриб (ҳуркиган отни тинчлантириб бўлмаётганди) айиққа қўш отаридан беш питра ва ўқлардан оттанди. Изқувар итлар қочаётган йиртқич кетидан ҳуришарди. Бола бу овозларни югуриб кетаётганида эшитди; ҳавони симириб, қоқилиб, ўпкаси шишиб, генерал Компсон ўқ узган ва Қари Бен томонидан ўлдирилган икки ит ётган жойга етиб келди. Айиқ изларида Компсон ўқлари оқизган қонни кўрди, аммо у ёғига югурга олмади. Нафасини ростлаш,

корак уришини тинглантириш учун дарахтга суюнди ва из қувиш саси сўниб бораётганини туйди.

Сэм Фазерс ёрдамга етиб келмагунча кун бўйи янги овчи курткалари ва этикларида ўрмонда адашиб юрган, ҳали ўзларига келолмаган беш нафар шаҳарлик кечқурун лагерда тунашга қолганларида бола из қувиш тафсилотларини эшилди: Шер иккинчи бор айиқни қувиб стиб, унга йўл бермаган, лекин йиртқич қони ҳидидан қўрқмайдиган фақат бир эгри хачиргина уларга яқинлашган, бу хачир устида эса отишни эплолмайдиган Бун ўтирган. Бун айиққа ўз питра милтиғидаги беш ўқнинг ҳаммасини узган, лекин ҳаммаси зое кетган, Қари Бен эса яна бир итни қулатиб, қуршовдан чиқсан, дарёгача етиб борган ва ғойиб бўлган. Бун яна Шер билан бирга қирғоқ бўйлаб унинг изидан тушганлар. Узокқа, жуда узоққача боришган: дарёдан ўтишаётганда қоронғилик туша бошлаган ва нариги соҳидан бир миля ҳам юрмасларидан атроф зимистонга айланган. Бу сафар Шер гира-ширада ҳам сув ёқасида Қари Бен изини топа олган — эҳтимол, қон ҳидини туйган, яхшиямки Шер тизгинда бўлган. Бун хачирдан сакраб тушиб, ит билан яккама-якка олишишга тушган ва уни айиқ изидан олиб кетишига муваффақ бўлган. Бун бу сафар сўқинмаётганди. Ҳаммаёғига лой чапилган, ўта ҳориган ҳолда, баркашдек бадбашара юзида ҳамон фожиа, ҳайрат акс эттанигача оstonада турарди.

— Хато қилдим, — деди у. — Ўн қадам жойдан беш марта мўлжалга теккиза олмадим.

— Аммо биз унинг қонини оқиздик, — деди майор Спейн. — Генерал Компсоннинг ўқи унга тегди. Илгарилари бунинг уддасидан чиқолмагандик.

— Мен эса мўлжални ололмадим. Беш марта хато қилдим. Шернинг кўзи олдида.

— Ўксинма, — юпатди уни майор де Спейн. — Из қувиш аъло ўтди. Қонини ҳам оқиздик. Келгуси сафар Котига генерал Компсон ёки Уолтерни миндирамиз ва у биздан қочиб қутула олмайди.

Шу онда Маккаслин сўраб қолди:

— Ҳой Бун, Шер қаерда?

— Сэмнинг олдида қолдирдим, — жавоб берди Бун. У кетиш тараддуғига тушганди. — Үнга шерик бўлишга ярамай қолдим.

Йўқ, болада Шерга нисбатан нафрат ҳам, қўрқув ҳам йўқ эди. Рўй бераётган воқеаларда у қандайдир муқаррарликни ҳис этарди. Унингча бирор нарса бошланаётган, бошлангандек туюларди. Худди тайёр саҳнадаги сўнгги кўриниш.

Интиҳонинг ибтидоси, аммо бу қандай ниҳоя эканлигидан бехабар эди, бироқ қайгу бўлмайди. Итоат ва гурур бўлади, үнга фақат томошабин роли насиб этган бўлса ҳам майли, ўзига шундай роль насиб этганидан фахр бўлади.

### III

Декабрь эди. Хотирасида қолган энг аёзли ой. Улар ҳаво бироз илишини ва ўшанда Шер Қари Бен билан ҳар йилги из қувишларини ўтказишларини кутиб, лагерда мўлжалдаги икки ҳафтадан кейин ҳам тўрт кун туришарди. Из қувиш ўтса бу ерни тарқ этиб, уйларига равона бўлишлари мумкин. Покер<sup>9</sup> ўйнаб кўзда тутилмаган кутиш кунларини кеч қилиш виски захирасини тутатди ва шу сабаб Қари Бен билан болани Мемфисга жамадон ҳамда майор де Спейннинг мусалласчи мистер Семсга бир парча хати билан йўлга отлантиришди. Яъни майор де Спейн ва Маккаслин Бунни виски олиб келишга, болани эса Бун бу вискиларни ёки уларнинг кўпроғини, ҳеч бўлмаса бирор шишаларини етказиб келишини назорат қилиш учун жўнатишаётганди.

Тун соат учда Тенин Жим уни уйғотди. Бола соувукдан эмас — ўчоқда олов гурилларди — бу узоқ қиши

<sup>9</sup> Покер — қарта ўйининг бир тури.

көчасида юрак қонни эриниб ҳайдаши ва уйқуга тўйилмагандан жунжикиб тез кийинди. У уйдан фақат яна уч соатдан сўнг ўрнини кунга бўшатиб берадиган донг қотиб ялтираётган тун остида темиртус ер тасмасидан, музли зулматдан тили, танглайи, ўпкасининг чеккалагача куйдирив ошхонага ўтди, бу ерда чироқ нур сочиб турар, чўғга айланган плита деразаларни хира тортирган, тўртдан бири индеец, чикесо қабиласидан бўлган сквонинг невараси, баъзан томирларида бир томчи бўлса ҳам оқ қони йўқлигига ишорадек гурзи ва қаҳрли муштлари билан қарши оладиган, баъзан, одатда кайфлигида, ана шу мушти ва ўша қаҳри билан отаси тиш-тирноғигача чикесо, бунинг устига қабила бошлиғи бўлганлиги ва ҳатто онаси ярмига индеец аёли сканлигини исботлайдиган Бун эса аллақачон ликобчага тирадиб, ўсиб кетган соқоллари кўкартириб юборгани жағларини ишга солганди. Унинг бўйи бир метру тўқсон, онги — боланики, қалби — отники, тугмача кўзлари ҳеч нарсани — разилликни ҳам, бағрикенгликни ҳам, меҳрибонликни ҳам, ғазабни ҳам ифода этмайдиган, бола умрида кўрмаган бадбашара бетига қадалганди. Бундай башарани гўё кимдир футбол ўйнайдиган тўпдан каттароқ ёнроқ топиб олиб, уни исказа билан таращлаган, кейин индеецларнинг қизил танасидек эмас, балки келиб чиқиши, эҳтимол, қисман вискиникига, асосан эса очиқ осмон остида тараллабедод яшаш нусқи бўлган деярли бир тусли қизғиш-ғиштрангига бўяган; бундай бетда ажинлар ҳам, қирқ йиллик умрнинг муҳри ҳам йўқ, шунчаки қуёш тиридан ва чакалакзорларнинг зулматига шўнғиётган йиртқич ортидан кўзни қисищдан қолган, тонг ёришиши билан овни давом эттиришини кутиб изғирили ноябрь ёки декабрь заминида ётганида атайнин ўрмон гулханларида куйдирилган бурмалар; унинг учун вақт худди ҳаводек, ўзи бу жойларда сира қаримасдан одимлайдиган ҳаводек эди. Жасур, бепарво ва тутуруқсиз эди; ҳунари, машғулоти, касби йўқ эди, фақат бигта қусури — вис-

кига ружу қўйган ва битта фазилати — майор де Спейн ҳамда боланинг тоғаси Маккаслинга сўзсиз, муҳокамага ўринсиз содиқлиги бор эди.

— Баъзан унинг қусурини ҳам фазилатига қўшгинг келади, — деганди майор де Спейн.

— Ёки фазилатини қусурга, — қўшимча қилди Маккаслин.

Бола стол ёнига ўтириди; пол остидаги итлар қовурилган гўшт ҳиди ёки одам қадамларидан ғимирлаб қолди. Шер уларга қисқа ва ҳукмли — ҳар қандай овда тўда етакчиси лўнцагина буйруқ берса, аҳмоқлардан бошқа ҳамма дарҳол тушунадиган тарзда ириллади; майор ва Маккаслин итларининг орасида баҳайбатлиги ва кучи, эҳтимол, жасурлиги бўйича Шерга бас келадиганлар топилмасди, лекин аҳмоқлари ҳам йўқ эди, охиргисини Кекса Бен бир йил аввал нариги дунёга равона қилганди.

Нонуштани тугатишашётганида Теннин Жим кириб келди. Извош остона олдида туради. Маълум бўлишича, Эшнинг ўзи уларни тор изли поезд қатнайдиган жойга олиб бориб қўяр экан, бу ерда Хоуксга борадиган ёғоч ортилган составга чиқишаркан, ликобчаларни эса Жим юваверсин. Бола Эш нима учун йўлга чиқсанни биларди. Қария Эш Буннинг ғазабини жунбушга келтирганига бир гал гувоҳ бўлганди.

Қирчиллама қиши эди. Извош ғилдираклари музлаган ерга урилар, осмон мусаффо эди. Ҳозир у жунжикмаётганди — танасига йирик, бир меъёрдаги титроқ урилар, унинг ўртасида эса ҳиёл аввалги нонуштанинг оғирлиги худди ғилдиракка тушаётган юқдек ҳис этиларди.

— Эрталаб из қувиш бўлмайди, — деди Бун. — Итлар ис сезмайди, изни топишолмайди.

— Шер топади, — эътиroz билдириди Эш. — Шерга ис шарт эмас. Унга айиқ керак.

Эш оёғини давал мато билан ўраб олган, боши аралаш бутун гавдасини ошхонада полда ёшиниб ётадиган қавилган кўрпага буркаганди, тиниқ осмондаги юлдуз-

ларнинг ялтироқ шуълалари остида унинг қиёфасини тирон нарсага ўхшатиб бўлмасди.

— У ўн милялик муз устида ҳам айиқни қува олади. Қувиб етади ҳам. Бошқа итлар ҳисоб эмас, айик Шершинг изидан қувганида улар Шерга шерик бўлолмайди.

— Бошқа итларнинг нимаси сенга ёқмайди? — сўради Бен. — Ўзинг ҳеч вақони билмайсан. Биз шу ердалигимиздан буён ўтин олиб келишга чиқмаган бўлсанг, бошингни ошхонадан суқмадинг-ку, фақат ҳозир биз билан биргасан.

— Итлар менга ўта маъқул, — деди Эш. — Улардан кўнглим хотиржам. Мен ҳам ёшлигимдан улардек сорлиғимнинг қадрига етсам бўларкан.

— Айтганимдек, бугун из қувиш бўлмайди, — деди Бун. Унинг овози ғазабнамок ва қатъий эди. — Майор биз Айк билан қайтиб келмагунимизча кутишга ваъда берди.

— Бугун ҳаво ўзгаради. Кун илийди. Кечаси ёмғир ёғади, — шундай дея Эш ўралган боши томондан ҳиринглади, кейин тизгинни силтаб бақирди: — Хачирлар, қани туёқни шиқирлатинглар-чи!

Хачирлар югурди, извош чайқалиб, қийшайди, бир неча лаҳзадан кейин эса улар олдингидек бир текисда йўргалашни давом эттиридилар.

— Яна бир нарсани аниқламоқчиман, майор нега сени пойласин. Унга Шер керак. Сенинг қўлингда эса лагерда ҳеч қачон айик гўштини ҳам, даррандани ҳам кўришмаган.

«Ҳозир Бун унинг таъзирини беради, ҳатто мушт тушириб қолиши мумкин» хаёлидан ўтказди бола. Аммо авваллари ва кейин ҳам бўлганидек, бирор кор-ҳол рўй бермади; Бун Эшга нисбатан сабр-тоқатли эди, аммо тўрт йил мұқаддам Бун Жефферсондаги кўча ўртасида бирорнинг писголетидан, ўтган куз Қари Бенни мўлжалга ололмаганидек, негрга қарата беш ўқ узганди.

— Шўхлигинг тутдими? — деди Бун. — Кечқурун қайтиб келмагунимча, итлар бир қадам ҳам силжимайди.

Менга ваъда бердими — тамом-вассалом. Сен, яххиси хачирларингни тезлат, нима мени музлатиб қўймоқчимисан?

Темир йўлга етиб келишиб, гулхан ёқишиди. Кўп ўтмай ўрмондан, оқара бошлаган шарқдан ёғоч юкланган состав кўринди ва Бун қўлини силкитиб, уни тўхтатди. Иссик хизмат бўлмасида бола мудраб қолди, Бун эса иккала кондуктор билан, кейинроқ Салливэн ва Килрейн<sup>10</sup>, бундан ҳам сўнгроқ эса Демпси ва Тэнни<sup>11</sup> хусусида бўладигандек, Шер ва Қари Бен ҳақида сұхбатни бошлаб юборганди. Темир йўл станциясига қадар бола туш аралаш, рессорсиз вагоннинг тақир-туқури остида Қари Бен томонидан тилка-пора қилинган фуажинлар ва чўчқалар, унинг омборларни, қопқонларни, пистирмаларни чилпарчин этганлиги, панжасиз Қари Беннинг — бу ўлкаларда қопқон панжаларини мажақлаган айиқлар эллик йиллар чамаси Уч панжали, Панжасиз, Икки панжали лақаблари билан машҳур бўлган, аммо Қари Бен улар орасида ҳам ажралиб турадиган алоҳида айиқ эди (генерал Компсон уни айиқлар шоҳи деб мартабасини оширади), шунинг учун у лақабга эмас, инсон ҳам уялмайдиган ўз исмига эга эди, эҳтимол, териси ичида қўрошин ўқ ин қурганлиги тўғрисидаги ҳикояларни эшитарди.

Қуёш кўтарила бошлаганда Хоукста етиб келишиди. Увадаси чиқай деган олачипор овчи кийимлари ва ифлос этикларида иссиқ вагондан тушдилар. Бироқ бу ерда ана шундай уст-бош ҳам, Буннинг қиртишланмаган соқоллари ҳам одатий ҳол ҳисобланарди. Хоук ёғоч тиладиган корхона, озиқ-овқат дўкончаси, иккита магазин ва боши берқ темир йўлдаги ёғоч ортиладиган

---

<sup>10</sup> Салливэн, Килрейн — XIX аср охирида ўзаро рақиб бўлган таниқли американлик боксчилар.

<sup>11</sup> Демпси, Тэнни — XX аср 20-йилларида машҳур американлик боксчилар.

жойдан иборат, бу ерда ҳамма этик ва олачипор ки-  
ниmdа юрарди. Кўп ўтмай Мемфисга борадиган поезд  
ҳам келиб қолди. Вагонда Бун бир шиша пиво ҳамда  
оол аралаштирилган уч пачка қовурилган жўхори ха-  
рид қилди ва бола Буннинг жўхорйни чайнаши товуши  
остида яна ухлаб қолди.

Лекин Мемфисдаги тартиб бошқача эди. Баланд би-  
полар ва тош терилган кўчалар, чиройли файтуналар,  
конкалар<sup>12</sup>, ёқаси қотирилган ва галстук тақилган  
кўйлақдаги одамлар манзарасида уларниг этиклари  
ва олачипор кийимлари янада дағалроқ ва ифлосроқ,  
Буннинг соқоллари тиканлироқ ва роса ўсиб кетган-  
дек кўринарди. Буннинг бу башараси билан ўрмондан  
чиқмагани, боз устига майор де Спейн ҳам, Маккас-  
лин ҳам, бошқа танишлари ҳам бўлмаган жойга кел-  
магани маъқулроқ бўларди, ҳеч ким бу ерда йўловчи-  
ларни «Кўрқманг. У ҳеч кимга тегмайди», деб тинч-  
лантирмасди. Бун тишининг орасидаги жўхорини тили  
билан чиқаришга уриниб ва янги миљтиқ стволини  
йўнишда чиқадиган пўлат қириндидек кўктус соқоли-  
ши ликиллатиб, вокзалнинг силлиқ полидан гўё мой  
суртилган ойна узра одимлаётгандек оёғини қийшай-  
тириб ва букиб борарди. Биринчи кўчадан ўтишди.  
Ҳатто ёпиқ эшиклар ортидан ҳам бола қипиқ ва эски  
спирт исини туйди. Бун йўталала бошлади. Ярим дақи-  
қача томоқ қирди.

— Жин урсин, — деди у, — қаерда шамоллай қолдим-а?

— Вокзалда, — деди бола.

Яна йўталмоқчи бўлган Бун индамади, болага бокди.

— Нима? — қайта сўради у.

— Сен лагерда ҳам, поездда ҳам йўталмаган эдинг-ку.

Бун қошини учирганча қараб туарди. Қошини учи-  
ришни тўхтатди. Лекин йўталишни бошламади. Оҳис-  
тагина деди:

---

<sup>12</sup> Конка — от тортадиган трамвай.

— Пича доллардан чўз. Хасислик қилма. Сенда бор-ку. Сен пул ишлатмайсан-ку. Сен хасис эмассан. Шунчаки, сенга ҳеч қачон ҳеч нарса керакмас. Ўн олти ёшлигимда долларлар кўлимдан учирма бўларди, улар қайси банк томонидан чиқарилганига қиё боқишига ҳам улгурмасдим. Айк, доллардан чўз, — бамайлихотир сўзини якунлади у.

— Ахир сен майорга ваъда бергандинг. Маккаслинга сўз бергандинг. Лагерга қайтиб боргунча бир томчи ҳам ичмайман дегандинг.

— Кўйсангчи, — аввалгидек оҳиста ва сабр билан давом этди Бун, — бир долларга маст бўладиган даражада ичиб бўлармиди. Иккинчи долларни бермайсан-ку ахир.

— Бунга кўнглинг тўқ бўлаверсин, — бола ҳам сокин ва кимгадир аччиқ қилиб деди; бироқ бу Бунга қаратилмаганди, чунки Буннинг ухлаб қолмаслик, уни ва Маккаслинни ошхонадаги соатга қараб уйғотиш ҳамда улар билан ўн етти миль йўл босиб Жефферсонда Мемфисга борадиган поездга кеч қолмаслик учун ошхонадаги стулда хуррак отаётганлиги; бола Маккаслиндан ўргатилмаган Техас понисини сотиб олишга изн ва пул сўрагани, у Бун билан бу ёввойи тойчани ким ошди савдосида тўрт доллар етмиш беш центга сотиб олганликлари ва уйга икки қари байталнинг ўртасига жойлашириб, тиконли сим билан чирмаган ҳолда олиб келганиллари (пони тозаланган жўхорини умрида кўрмаган бўлса керак ва бу донни қандайдир қўнғизларга ўхшатгани эҳтимол) ва ниҳоят (ўшанда у ўн ёшда эди. Бун эса бутун умри давомида ўн ёшлиқдек эди) Бун пони тийгинланганлигини айтгани ҳамда тойчанинг бошига қоп кийгизилиб, тўрт негр ёрдамида икки фидиракли эски извошга қўшилгани. Бун билан у извошга ўтириб, Буннинг: «Ҳаммаси жойида, йигитлар. Қўйиб юборинг» дегани ва негрлардан бири — Тенни Жим пони бошидаги қопни тортиб олибоқ четга қочгани, извош устунга урилиб, бир фидирағи ўқидан чиқиб кетганлиги, ўшанда Бун болани ёқасидан ушлаб извошдан ариққа улоқтиргани, қолганини у узуқ-юлуқ:

иқкінчи ғилемдіреккінг әшикка тегиб, ҳовлидан дума-  
лаб бориб айвонга урилгани, ҳамма жойда извош бүлак-  
лари сочилиб ётгани; тизгинни тутиб олган Буннинг  
шанг-түзон ичіда қорнида судраб кетилаётгани, кейин  
жаса тизгиннинг узилгани, икки күн ўтиб пони худди  
маликаларнинг күксідаги құшқатор дурдек бүйинту-  
руғи билан уйдан етти миль узокликда ушлангани ёдида  
қолған зди... Бола Бунга бир доллар берди.

— Ҳаммаси жойда, — деди Бун. — Сен ҳам юр, со-  
вукда турасамми.

— Совқатаётганим йўқ...

— Лимонад ичардинг.

— Лимонад ичгим йўқ.

Ортида эшик ёпилди. Қуёш тиккага келиб қолғанди.  
Эш кечқурун ёмғир ёғишини башорат қылған бўлса ҳам  
ҳаво очик зди. Кун совуётганди, эртага из қувиш бўла-  
ди. Биринчи галдагидек қалби покиза ва кўхна қувонч-  
га тўлаётганди; майли, ов қилиш ва ҳайвонларни тутиш  
билан қартая қолсин, уни тоабад ҳеч нарса билан тақ-  
қослаб бўлмайдиган дахлдорлик, итоат ва фахр тарқ эт-  
майди. Бу ҳақда ўйламагани маъқул. Акс ҳолда оёқла-  
рининг ўзи вокзалга, перронга, жанубга борадиган по-  
езд томон югуриб қолади; бу ҳақда ўйламагани яхши.  
Кўча гавжум зди. Яғринли норманд отлари, олифта фай-  
тунлар, улардан башанг пальтода эркаклар ва мўйнага  
бурканган пуштиранг хонимлар тушиб, вокзал бино-  
сига йўл олардилар. Йигирма йил муқаддам унинг ота-  
си — Форрест армияси<sup>13</sup> таркибида бўлган Сарторис

---

<sup>13</sup>Натаниэль Бедфорд Форрест (ингл. Nathaniel Bedford Forrest, 1821-1877) — АҚШда XIX аср ўрталаридағи фуқаролар уруши йилларида Америка Конфедерация Штатлари армиясининг генерали. У Форт Піллоудаги жангларда ҳарбий жиноятларда — Америка Иттифоқ армиясидан паноҳ топган қуролсиз қора тан-  
лиларни қириб ташлаганлықда айбланган. АҚШ жанубий штатла-  
ридаги энг бой миллионерлардан ҳисобланган Форрест фуқаро-  
лар урушидан кейин иркчи Ку-клукс-клан ташкилотчиларидан  
бири бўлган.

отрядининг суворийси, ҳикоя қилишларича, Мемфисга келиб, отида шаҳарнинг бош кўчасидан янки<sup>14</sup> зобитлари чарм қолланган креслоларга ястаниб, бўйдор, миси ялтиратилган кулдонларга тупуриб ўтиришган Гейозо меҳмонхонасига кириб келган ва отини чоптириб соппа-соғ ғойиб бўлган...

Ортидаги эшик очилди. Бун кафтининг орқа томони билан лабини артарди.

— Ҳаммаси жойида, — деди у. — Энди эса ишни дўндириб, уйга йўргалаш қолди.

Мусалласчи уйида жамадонларига вискини жойлаб беришди. Бун яна бир шиша вискини қаерда ва қачон кўлга киритгани номаълум. Афтидан мистер Семс берган бўлиши керак (Хоуксга қош қорайганда етиб келганида, бу ерда ҳеч кимса кўринмасди). Уларнинг поезди икки соатдан кейин йўлга чиқар экан. Бунга аввал майор де Спейн, кейин Маккаслин буюришганидек ва болани унга кўз-қулоқ бўлиб туришни топширишганидек, мусалласчи уйидан ҳеч қаёққа бош суқмасдан тўғри вокзалга келишганди. Бун ёнидаги шишини вокзал ҳожатхонасида очди. Хизмат фуражкали одам бу ерда майхўрлик қилиш мумкин эмаслигини айтмоқчи бўлиб Бунга яқинлашиб, унга қиё ташлади-ю индамай қўя қолди. Кейин Бун ресторандага вискини стаканига стол остида қуяёттанида емакхона ходимаси пайдо бўлди ва у индамай қўя қолмагани учун у яна ҳожатхонага йўл олди. Бун негр официант ва бир йўла бу ердаги ҳамма хўрандаларга улар эшитмаган ва ихтиёrlари ўзларида бўлса эшитишни хоҳламайдиган Шер ва Қари Бен тўғрисида бақириб ҳикоя қилиб беришга улгурганди. Сўнг бирданига унинг эсига ҳайвонот бори келиб қолди. Соат учда Хоуксга яна бир поезд борар экан, демак улар ҳозир йиртқич ҳайвонларни томоша

<sup>14</sup>Янки (ингл. «yankee») — XVIII асрда муомалага кирган, Янги Англия (АҚШ шимолий-шарқий штатлари) аҳолисига берилган ном, ҳозирги вақтда бутун АҚШ аҳолисига нисбатан ишлатилади.

қилгани борадилар ва сўнг ўша, соат учдаги поездда кетадилар. Бун ҳожатхонага учинчи марта кириб чиқ-қанидан кейин дарҳол лагерга, Шернинг олдига боришлари ва учовлон — Шер билан бирга ҳайвонот боғига қайтишлари, бу ерда Шер музқаймоқ ва конфетга тўйдирилган йиртқичларнинг адабини бериб қўйишини эълон қилди.

Шундай қилиб, улар қайтишлари керак бўлган поездга чиқмадилар, лекин бола Бунга соат учдаги поездни ўтказиб юборишига йўл қўймади ва бу билан аҳволни ўнглади; энди Бун ҳожатхонага бормас, шу ерда — вагоннинг ўзида ичар ва йўлакда кимнидир тўхтатиб уларга Шер тўғрисидаги гапини уқтирад, улар эса вокзалдаги хизмат фуражкали хизматчикек сукут сақлардилар.

Қуёш ботганида Хоуксга етиб келганларида Бун ухлаётганди. Бола уни туртиб уйғотиб, вагондан жамадон билан бирга олиб тушди ва ҳатто озиқ-овқат дўкончасида кечки овқатни қилиб олишга кўндириди. Шунинг учун паровозча яна уларни қизғиши қуёш ботаётган ўрмон ичига олиб кириб кетаётганида Буннинг кайфи деярли тарқаган, осмон тунд эди, демак тунда ер музламайди. Энди бола чўйга айланган печка ортида ухларди; вагонча тақирлар ва қирчилларди, сухбат Шер ва Қари Бен ҳақида борарди, кондукторлар гапни англаётганларини тасдиқлаб туришарди, чунки Бун ўз даврасида эди.

— Осмонга булут чиқди, кун илийдиган бўлди, — дерди Бун. — Эртага Шер уни йўқ қиласди.

Йўқ қилиш Шернинг ёки бошқанингми, лекин Буннинг чекига тушмаганди. У, эслашларича, шу пайтгача олмахондан бўлак бирор ҳайвонни йиқита олмаган — фақат негрга беш марта ўқ узганида тасодифан негр аёлини яралаганини ҳисобга олмаса. Негр эса дароз йигит бўлиб, деспейнлик қора таҳли извошлидан олган пистолетидан ўқ узаётган Бундан тўрт қадам нарида турарди, негр ҳам почта орқали бир ярим долларга олган

түппончасини құлға олган, Бунни илма-тешик қилиб ташлаши мүмкін зди, бироқ түппончаси отиласди, факт — чиқ-чиқ, чиқ-чиқ... Бун эса кейин Маккаслындан қирқ беш доллар тұлашни талаб қилишган ойнаванд витринани чилпарчин қилиб ва бу ердан ўтиб кетаёттан негр аёлинин оёғини яралаб, үқдондаги үқларни сарфлаб бўлганди; бу аёл учун майор де Спейн пул тұлади: у Маккаслин билан ким витрина учун, ким оёқ учун пул тұлашни қарта ташлаб бўлашиб олганди. Бу йил эса лагерда, овнинг биринчи кунида Буннинг олдидан шоҳдор чиқиб қолди; бола Буннинг эски сочма ўқли милтиридан беш марта ўқ узилганини, кейин эса Буннинг: «Лаънатлар бўлгур, қочиб қоляпти! Қаршисидан чиқ! Қаршисидан!» деган овозини эшитди ва ўша жойга борганида ўқ узилган жойдан кийик изларигача бўлган масофа йигирма қадам ҳам келмаслиги ни кўрди.

Ўша кечаке лагерда Жефферсондан келган беш киши: Баярд Сарторис ўғли билан, кенжеке Компсон ва яна икки одам меҳмон зди. Тонгда эса бола Эш томонидан башшорат қилинган кулранг ёмғир урилаётган деразадан қараб, йигирматадан кўпроқ одамни кўрди — улар ўн йилдан бери Қари Бенни дон, чўчқалар ва бузоклар билан таъминлаб турардилар, хозир эса шаҳарлик ҳар қандай негр ташлаб ёки ёқиб юборган эски шляпалар, куртка ва комбинезонларда шивалаб ёғаётган ёмғир остида турардилар ёки чўккалаб олгандилар; ҳатто эски, пўлатдан ясалмаган милтиқлар ҳам ҳаммада бор эмасди, факт резинка этиклари бутун ва пишиқ зди. Ноңушта қилишар экан, пиёда ва отда яна чамаси ўн икки нафар одам етиб келди: улар — лагерь қуи томонида ўн икки миль наридаги участкадаги ўрмон кесувчилар; Хоуксдаги дараҳт арралайдиган жойдаги ишчилар, тор изли темир йўлдан келган кондуктор зди (улар орасида факт шу одамда милтиқ бор зди). Шундай қилиб, ўша тонгда майор Спейнга сўнгти марта, тунд 64-65-йилларда ўзи бошлиқ қилган отрядга қуролланиши бўйи-

ча бас келолмаса ҳам, сони жиҳатидан кам бўлмаган турӯҳни ўрмонга бошлаб боришига тўғри келди. Бу ерга келганилар ҳовлига сифади, улар майор де Спейн байтари устида Эш ифлос кийими билан мойланганидан сифли патронларни бешотар милтиғига ўқлаб бўлиши ва унга узатишини пойлаётган. яшил тусли баҳайбат — кучукча эмас, балки от сифат мағрур, мудроқ зумрад кўзли, атрофдаги ҳамма нарсага, ҳатто Бун ва Теннин Жим олиб чиққан, боғлоқлик изқувар итларнинг шовқининг ҳам кўр ва кар ҳолда узангиси олдида тик ит турган дарвоза ортида ҳам кутишаёттанди.

— Кэтига генерал Компсонни ўтқазамиз, — деди майор де Спейн. — Ўтган йили у айиқнинг қонини оқизганди; тагида вазминроқ хачир бўлганида, у...

— Йўқ, — деди генерал Компсон, — чангалзорларда от ва хачирда қувиш учун қарилик қиласман. Бунинг устига ўтган йил ўз имкониятимни бой бериб қўйдим. Бугун пистирмада тураман. Кэтини эса йигитчага бермоқчиман.

— Шошманг, — деди Маккаслин. — Айқда ҳамма нарса, ов ва айиқлар ҳам олдинда. Яхшиси бошқа биров...

— Йўқ, — деди генерал Компсон. — Кэтини Айк мишиади. Ҳозирнинг ўзида у биздан кўпроқ нарсани билади, ўн йилдан кейин эса Уолтерга ҳам тенглашиб олади.

Бола майор де Спейн унга Кэтига минишини айтмагунича бунга ишонмасди. Мана у ёввойи ҳайвон қонидан ҳуркимайдиган бир кўзли хачир устида ўтирибди ва майор де Спейн узангиси ёнида турган, кулранг аёзли тонгда иирик бузоқдек, аслида бўлганидан иирикроқ кўринадиган — боши катта, яғрини ўзиникидан кенгроқ, яшилтус жуни остидаги мушаклари қимнингдир тегиб кетишидан титрамайдиган, зеро улар томон қонни ҳайдайдиган юрак ҳеч кимни ва ҳеч нарсани севмайдиган итга қараб турибди; ит отдек баҳайбат, аммо бошқачароқ кўринади, зеро отнинг сиймоси залворли ва тезлик билан боғлиқ; Шер эса ўзида фақат жасурлик ҳамда таъқиб этиш ва ўлжа олишга интилиш

ва иродани мужассамлаштирадиган бошқа нарсаларни ҳам эмас, балки ана шу қувиб етиш ва ўлжа олишга интилишдаги қатъиятни тасаввур этиб бўладиган чегарадан ҳам ўзишга бўлган иродани акс эттирарди. Ит унга боқди. Бошини қимиллатди, хиёл ит ириллаши узра нигоҳини қаратди: Бунникидек — тубсиз, Бунникидек — паскаштиксиз ва бағрикенг, меҳрсиз ва қаҳрсиз, совуқ, мудроқ кўзларини тиқди, холос. Сўнг кўзлар имо қилди ва бола тушунди — бу кўзлар унга қарамаётганди ва қарамаганди, шунчаки Шернинг боши шу томон бурилганди.

Ушбу тонгда у из қувиш овозларини бошидан эшиди. Сэм билан Теннин Жим извоидан чиқарилган ҳаҷир ва отни эгарлар эканлар, Шер кўздан ғойиб бўлди, шундан сўнг изқувар итлар ҳам из қувишга қўшилдилар, улар исқаб ва вовуллаб чакалакзорга шўнғидилар. Бола, майор де Спейн, Сэм, Теннин Жим улар кетидан йўлга тушдилар ва икки юз қадам чамаси наридан қор эриётган ўрмондан уларга илк, баланд, одамниги ўхшафифонли, болага таниш товуш эшитилди, кейин бунга бошқа изқувар итлар ҳам қўшилиб, фира-шира хилватни тиник бўкириш билан тўлдирдилар. Шундан сўнг пойга бошланди. Болага ўзи уларнинг иккаласини ҳам кўраётгандек туюларди: улкан кулранг ит қатъият билан, овоз чиқармасдан кувмоқда, оддинда эса тўрт йил аввалгидек чакалакзор ичидан ақлбовар қилмайдиган тезликда айиқ локомотивдек елиб бормоқда, югуряётган ҳачирлар эса тобора орқада қоянти. Якка ўқ овози эшитилди. Отлиқлар яккам-дуккам дарахтлар орасидан суяқ бет, чирик тишли оғзидан қичқириқ отилиб чиқаётган, кўли билан узоқлашаётган, ғойиб бўлаёттан из қувиш йўналишини қўрсатиб турган ўқ узган овчи ёнидан ҳачирларини чоғтириб ўтдилар.

Ҳуришлар янги тус олди ва бола уч юз қадам олдинда итлар ва уларга қайрилган айиқни кўрди. Шер юрганича унга ташланганини ва айиқнинг панжаси билан итни итқитиб юборганини, ўзи изқувар итлар тўдасига

отилгани, биттасини ерпарчин қилиб, шундан кейин қочиб қолганини күрди. Отлиқлар ёнидан изқувар итмэр оқими ўтиб кетди. Де Спейн билан Жим худди шистолетдан ўқ узишаётгандек ҳайқиришди, Жим итларни орқасига қайтаришга уриниб камарини силкитди. Энди бола ва Сэм Фазерс ёлғиз ўзлари хачирларини чоптирадилар. Из қувишни Шер билан бирга яна бир ит давом эттиради. Бола унинг овозидан таниди. Ўтган йилги лайча, ўшанда ҳам, ҳозир ҳам ҳеч бўлмаганда изқувар итлар наздида — ақлсиз. «Эҳтимол, жағурлик шу бўлса керак» хаёлидан ўтказди бола.

— Ўнгроққа! — орқадан Сэмнинг овози эшитилди. — Ўнгроққа ол! Уни дарёдан узоқлаштириш керак.

Шу ердан қамишзорлар бошлинарди. У йўлни Сэмдан ёмон билмасди. Бутазор ичидан тўппа-тўғри сўқмоқ йўлга чиқишиди. Сўқмоқ чангизор орқали дарёга, яланг қирғоққа олиб чиқди. Уолтер Юэллинг бешотари тўмтоқ банфиллади — яна бир бор ва кейин икки марта ўқ овози эшитилди.

— Йўқ, — деди Сэм. — Мен изқувар итнинг овозини ўшитяпман. Олга!

Улар тор томсиз туннелдан — қамишларнинг шитирлаши ва синиши ичидан остида ҳаракатсиз қуюқлашаётгандек ва кулранг нур оқимида акс этмаётган сариқ гув оқаётган жарга от чоптириб чиқдилар. Ҳозир бола ҳам лайча овозини эшитаётганди. Чинқириқли ҳуриш жойида қотиб қолганди. Қирғоқ бўйлаб югуриб кетаётган Буннинг елкасига милтиқ қайиши ўрнидаги арқондаги пилта милтиқ урилар ва чайқаларди. У кескин бурилиб, югуриб келди — бети ёввойи, бир кўзли хачирга, бола ортига сакраб минди.

— Лаънатлар бўлсин, қайиққа! — қичқиради у. — У қирғоқнинг нарига бетида! Айиқ тўғри ўша қирғоққа отилди! Шер унинг қочиб кетишига йўл қўймади! Лайча ёрдамлашди! Шер жуда яқин эди, отиб бўлмасди! Чоп! — қичқиради у товони билан хачир биқинини никталар экан. — Қани, чоп!

Қор эриётган тупроқда сирганиб, ўт-ўлан орасидан сувга отилишди. Бола ўнг қўлида милтиқни сув устида кўтарганича, чап қўли билан жиловни хачирнинг бир томонидан, иккинчи томонидан эса Бун ушлаганлари-ча совуқни, музнинг ачитишини сезмади. Қаердадир орқаларида Сэм эди, бу ерда эса дарё, сувнинг ҳамма ёғи итлар билан тўлганди. Изқувар итлар хачирларга қараганда тезроқ сузардилар; хачирларнинг оёғи дарё тубига тегмасдан итлар тик қирғоққа тирмашгандилар. Нариги қирғоқдан майор де Спейн ҳайқиради ва бола ўтирилиб, сувга Жимнинг оти тушаётганлигини кўрди.

Олдиларидағи ўрмон ва ёмғир тош бостирган ҳаво энди яхлит ҳайқириққа айланганди. Бу тошқинли, жа-рангдор қичқириқ нариги қирғоққа бориб урилар, пар-чаланар, яна бирлашар, тўлиб-тошар, жаранглар ва бо-лага ўлқадаги ҳамма итлар — барчаси қулоғига ўкира-ётгандек туюларди. У сувдан чиқаётган хачирга тир-машди. Бун хачирга минмади, унинг узангисидан уш-лаб олди. Улар жарликка югуриб чиқдилар, қирғоқдаги буталар орасидан ўтдилар ва айиқни кўрдилар: айиқ орқа оёқларида орқаси билан дарахтта тиранниб турар, атрофида итлар ҳуриб айланишарди ва мана Шер унга отилди.

Бу сафар айиқ уни ерга уриб туширмади. Шерни кучоқламоқчи бўлганидек, иккала панжаси билан қарши олди ва иккаласи ҳам йиқилишди. Бола хачирдан сак-раб тушганди. Тепкини тортди, лекин олачипор ит гав-далари бўтқасида у ердан яна айиқ гавдалана бошла-гунга қадар ҳеч нарсани ажратса олмасди. Бун бақирав, лекин нима деяётганини англаб бўлмасди; Шер айиқ-нинг бўғзига ёпишганича унга осилиб олганди, айиқ эса ярим гавдасини тиклаганча панжаси билан итлар-дан бирини уриб, улоқтириб юборди ва қаддини рост-лаб, ростлаб, икки орқа оёғига тик туриб олди ва олд оёқлари билан Шернинг қорнини тила бошлади. Бун одинга ташланди. Итларнинг бирини устидан сакраб ўтиб, бошқаларини тепиб улоқтириб юбориб, қўлида

хира ялтираётган пичори билан юрганича худди ҳаширга минадигандек айиққа сакради, оёклари билан айиқ ғықинларини қисди. Шер ёпишган бўгзини чап қўли билан ушлаб олди ва бола кўтарилган ва санчилган пичоқ тиги ялтираганини илради.

Қўл бир мартагина пастга тушди. Бир лаҳза бу ҳайкаллар композициясига ўхшаб кетди: бутун жон-жаҳди билан бўғизга ёпишиб олган ит, айиқ ва унга минганишиб олган, кўз илғамас ҳаракатлари билан чуқур санчилган пичоқни қимиirlатаётган одам. Кейин Бун гавдасининг оғирлиги уларни судраб, чалқанчасига думалагди. Биринчи бўлиб айиқнинг бели кўтарилди, аммо Бун шу ондаёқ айиққа мингашди. Ҳали ҳам пичори қўлида эди ва бола яна қўл ва елканинг кўз илғамайдигин пайпаслашишини сезди; сўнг айиқ Бун ва Шер қапишшиб олган гавдасини тиклади, одамдек ўгирилди, ўрмон томон икки ёки уч қадам қўйиб тўнтарилди. Ҳолсизланмади, тиз чўкмади. Худди дараҳтдек қулар экан, учалови — одам, ит, айиқ гўё силкитиб таплангандек туюлди.

Бола Жим билан бирга югуриб келишди. Бун чўккалаб, айиқ боши ёнида тимирскиланарди. Буннинг чап қулоги ғажилган, курткасининг чап енги узиб ташланган, ўнг этигининг қўнжи пошнагача тилиб юбориланди; оёғи, қўли, ваҳшиёна эмас — ҳозир мутлақо хотиржам юзи бўйлаб ёмғир суйилтирган қизил қон оқарди. Улар учовлашиб Шернинг жағини очишиди.

— Секинроқ, иблислар, — деди Бун. — Кўрмаяпсизми, ахир ичак-чавоги чиқиб ётиби-ку?

У Жимга аввалгидек оҳиста сўз қотар экан, устидаги курткасини ечарди:

— Қайиқни бу ерга олиб келсанг, у дарё оқими пастида, юз қадамча нарида.

Теннин Жим ўрнидан туриб, йўлга тушди. Шу он бола ё Жим овозига бошини кўтариб ёки шунчаки қараб (хотирасида сақланиб қолмаганди), энгашган Жим ва лойда юзтубан ётган Сэм Фазерсни кўрди.

Йўқ, хачир уни устидан тўнтармаганди. Боланинг ёдида — Бун айиққа ташлангунга қадар Сэм ҳам шошилаётганди. Жароҳат ҳам, лат ҳам йўқ. Бола Бун билан уни ўнгига тўнтиришганида, Сэмнинг кўзлари очик эди ва у илгарилари Жо Бейкер (Жо Бейкер — Сэмнинг сўнгти қабиладош) билан таплашадиган тилда нималардир деди. Аммо ўрнидан тура олмади. Теннин Жим қайиқни жар олдига олиб қелди: у дарё узра майор де Спейн билан савол-жавоб қилишаётгани эшитиларди. Бун Шерни курткасига ўраб, қайиққа кўтариб борди, Сэмни ҳам ўша ерга олиб борищди, кейин қайтиб келишди, Жимнинг қайиш тизгинини бир кўзли хачирнинг эгарига бойлаб, айиқни жарга, ўша жойдан қайиққа судраб келтириши, Теннин Жим эса от ва икки хачирни сувдан ўтказиш учун шу ерда қолди. Қайиқ қирроққа етиб келмасдан Бун қайиқ тумшугини ушлаб олган майор де Спейн ёнидан сакраб пастга тушди. Майор Қари Бенга бокди, оҳистагина «Шундоқми» деди. У қайиққа ўтириди, эгалиб Сэмга қўл теккизди, Сэм унга нигоҳ ташлади ва яна ўзининг қадими тилида нималарнидир деди.

— Унга нима бўлди, билмайсанми? — сўради майор де Спейн.

— Хабарим йўқ, сэр, — жавоб берди бола. — У хачирдан йиқилмаганди. Бун айиққа ташланганидан аввал хачирдан тушганди. Кейин қарасак — ерда ётибди.

— Тезроқ бўл, жин ургур! — бақираиди Бун энди дарёнинг ярмига келган Теннин Жимга. — Хачирни менга бер.

— Хачирни нима қиласан? — сўради майор де Спейн. Бун унга қарамади ҳам.

— Хоуксга, докторнинг олдига бораман, — деди у пинагини бузмасдан, қизил қон оқаётган, ёмғир уни муттасил ювиб кетаётган юзи мутлақо хотиржам эди.

— Доктор сенинг ўзингга керак, — деди майор де Спейн. — Теннин Жим...

— Қўйсангиз-чи, — деди Бун. У майор де Спейн томон ўтирилди. Юзи аввалгилик хотиржам, лекин овози

қатъириқ эди. — Кўрмаяпсизми, итнинг ичак-чавоғи тилка-пора қилинган.

— Бун, — яна сўз қотди майор де Спейн. Улар бир-бирига қараб турардилар. Бун ундан камида бир бош баланд келарди; ҳатто бола ҳам майор де Спейндан нов-чароқ эди.

— Доктор зарур, — деди Бун. — Ичак-чавоғини...

— Яхши, — деди де Спейн.

Жим сувдан қирғоққа чиққанди. От ва иккинчи хачир Қари Бен исини туйишга улгуришганди: улар шаталоқ отиб, Жимни судраганча қочиб қолищди. Жим уларни жарлик тепасидагина тўхтата олди ва бойлаб, қайтиб келди. Майор де Спейн компас қайишини ҳал-қасидан олиб Жимга узатди.

— Дарҳол Хоуксга, доктор Крофорд олдига йўлга туш, — буюрди у. — Унга лагерда икки одамни кўриб қўйиш кераклигини айт. Менинг отимга мин. Йўлни топа оласанми?

— Ҳа, сэр, — деди Теннин Жим.

— Яхши, — деди майор де Спейн. — Боравер.

У болага қайрилди:

— Хачирлар ва отларни олгинда, извош олдига олиб бор. Биз қайиқда Ёнотлар кўприги олдига сузиб борамиз. Ўша ерда учрашамиз.

— Хўп бўлади, сэр, — жавоб берди бола.

— Яхши. Киришавер.

Бола извош томон йўл олди. Шундагина из қувиш билан бўлиб, нақадар олисга келиб қолганликларини тушуниди. Чошгоҳда хачирларни извошга қўшиб, отни унинг ортига боғлаганидан анча вақт ўтганди. Қош қорайгандагина у Ёнотлар кўпригига етиб келди. Қайиқ шу ерда эди. Бола қайиққа тузукроқ нигоҳ ташлашга улгурмасдан, сувни кўриши билан қўлида жилов билан қийшная бошлаган извошдан сакраб тушишга, извошни айланиб ўтиб, пастдан Бун етиб келгунга қадар юғанини, кейин эса шаталоқ отган хачирнинг қулорини ушлаб олган ҳолда ерга ношналари билан тирадиб туриш-

га мажбур бўлди. От эса аллақачон арқонни узиб, лагерь томон борадиган йўлдан қочиб қолганди. Бун билан бола извошни дарёга орқа қилиб қўйишди, хачирларнинг жиловини ечишди, бола иккинчи хачирни юз ярд<sup>15</sup> нарига олиб бориб, йўл четига боғлаб қўйди. Бу вақтда Бун Сэм эндиликда ётмасдан, балки ўтирган қайиқдан Шерни олиб тушди, Сэмни ўрнидан турғизишганда, у бир амаллаб қирғоқча чиқиб одди ва извошга ўзи ўтиришга ҳаракат қилмоқчи бўлди, Бун буни кутмасдан уни қўлтиғидан кўтариб, ўриндиқча ўтқазиб қўйди. Улар Кэтининг эгарига яна қайишни маҳкамлашди, Қари Бенни извош олдига судраб келишди, кейин уни қия қилиб қўйилган икки хода орқали извошга тортиб олишди, шундан сўнг бола иккинчи хачирни етаклаб келди ва Бун уни Кэти ёнига қалтираган ҳолида турмагунича қаттиқ, тушаётган зарбалардан бўғиқ товуш чиқараётган тумшуғига савалади. Кейин ёмғир, кун бўйи сабр қилиб тургандек, бастига одди.

Улар ёмғир остида, кўз ҳеч нарсани ажратса олмайдиган қоронгиликда қайтишарди, лагердаги чироқлар ёғдуси «ялт» этганидан анча илгари бургунинг ва йўл кўрсатувчи, тенг вақт оралиғида отилган ўқ овозлари эшишилди. Сэмнинг қорамтири кулбаси ёнидан ўтаётганларида Сэм тикланди. Яна қадимий қавмларининг тилида бир нарсаларни айтди, сўнг аниқ қилиб:

— Мени қўйиб юборинглар. Қўйиб юборинглар, — деди.

— Унинг уйида чироқ ҳам йўқ, — деди майор. — Қамчини бос! — қатъий буюрди у.

Аммо Сэм бу пайтда ўрнидан туришта чиранаёттанди.

— Хўжайин, мени қўйиб юборинг, — деди у. — Уйга қўйиб юборинг!

Бола хачирларни тўхтатди. Бун пастга тушиб, извоздаги Сэмни кўтарди. Ҳозир у Сэмни оёқча турғизмас-

<sup>15</sup> Ярд — АҚШ ва Англиядаги масофани ўлчаш бирлиги, 0,9144 метрга тенг.

дан, кўлида кўтарганича кулбасига олиб борди. Майор де Спейн ўчоқдаги сўнмаган чўрларни титкилаб, буқланган қорозни ўт олдириб, чироқни ёқди. Бун Сэмни тўшагига ётқизди, этигини тортиб ечди, майор де Спейн уни кўрпа билан ўраб қўйди. Бола эса хачирлар олдида қолиб, ўша иккинчисини, яна қочиб қолишга уринаётган хачир юганини ушлаб туради, чунки извош тўхтани билан Қари Беннинг иси тим қоронфиликдаги ҳаво оқимида димоқقا урилди — бироқ, афтидан, Сэмнинг кўзлари тағин очилган, ўткир нигоҳи кулбаси ва овчилардан узокларга, ўлик айик ва жон таслим қилаётган штдан нарига қадалганди. Шундан сўнг яна бургунинг чўзиқ фарёди ва бир маромда отилаётган, ҳар бири наебатдагиси жўр бўлмагунча қуюқ зимиston оқимида гўё чўкмасдан осилиб қолаётган ўқлар томон йўлга тушишли, нурга чўмган уй, ёмғир излари қолган ёруғ деразалар, қон сачраган, вазмин, бир нарса ортмоқлаган Бунга индамай қараб турган башаралар олдига етиб келишди. Бун қонга бўялган Шер ўралган тугунини ҳатто саришталиқда аёллардек этчили Эш ҳам текислашнинг уддасидан чиқа олмайдиган чойшабсиз тўшагига қўйди.

Хоуксдаги ёғоч тилимлайдиган жойдаги доктор етиб келганди. Бун докторни ўзига яқинлаштиrmади: яхшиси, аввал Шер билан шугуллансин. Доктор Шерни карахт қилишга юраги бетламади. Наркозсиз ичак-чавоғини ўрнига жойлаб, тикиб қўйди, майор де Спейн Шернинг бошидан, Бун эса оёқларидан ушлаб туради. Аммо Шер бирор марта қимиirlаб ҳам қўймади. У сариш кўзларини Бун ва унинг кийимлари ўта анқиб турган дим хонани тўлдирган ва сукут сақлаб қараб турган, яп-янги ва эски овчи курткаларидаги одамлардан четта қадаганча ётарди. Кейин доктор Буннинг юзи, қўли ва оёғини ювиб, куйдириб, бинт билан боғлаб қўйди ва улар — олдинда чироқ ушлаган бола, кейин доктор, Маккаслин, майор де Спейн ва генерал Компсон Сэмнинг олдига, унинг кулбасига йўл олдилар. Теннин Жим бу ерда ўчоққа ўт ёқишига улгурган ва олов

олдида чўккалаб ўтирганича мудрарди. Сэм эса Бун уни қандай ётқизган, майор де Спейн ўраб қўйган бўлса, шу ҳолида чалқанчасига ётар, улар киргач кўзини очди, нигоҳи билан юзларни айланиб чиқди ва Маккаслин қўлини елкасига қўйиб: «Сэм, доктор сени кўриб қўймоқчи» деди. Сэм қўлини тўшак орасидан суғуриб олиб, ҳатто тугмаларини қадашга тушди, аммо Маккаслин: «Тинчлан. Биз ўзимиз» деди. Улар Сэмни ечинтиришди. У туб ўрмончининг мис-жигарранг тусдаги, деярли туксиз танаси, болалари ҳам, қариндош-урулари ҳам, ўз халқи ҳам бўлмаган қари танаси билан қимирламасдан, кўзларини очиб, ҳеч кимга қарамасдан ётарди; доктор уни кўздан кечиришини тутатди, Сэмни тўшаги билан ўраб қўйди, стестокопини жамадон-часига жойлади, калитни чиқиллатди ва фақаттина бола Сэм ҳам тирик қолмаслигини биларди.

— Зўриқиши, — деди доктор. — Балки жазавадир. Унинг ёшида қишида дарёдан сузуб ўтиб бўладими. Бу ўтиб кетади. Фақат бир-икки кун ўрнидан турмасин. Бу ерда унга қараб турадиган одам топиладими?

— Топилади, — жавоб берди майор де Спейн.

Улар уйга қайтиб келдилар: бу ердаги дим хонада Бун ҳали ҳам қўлини Шернинг бошидан олмасдан тўшагида ўтиради ва одамлар — Шер йиртқични улар учун қувган одамлар ҳам, ҳозиргacha у ҳақда орқаваротдан эшигганлар ҳам итга бир кўз ташлаб, чиқиб кетиш учун секингина кирадилар. Кейин кун ёриша бошлади ва ҳамма Қари Бенни кўриш учун ҳовлига чиқди; унинг кўзлари ҳам очиқ эди, тишлари қайралиб турарди, панжаси қопқон билан мажаҳланган, териси остида, бурама ҳолда эски ўқлар (умумий сони эллик иккита — сочма, беш отарники ва думалоқ), чап елкаси остида эса Буннинг пичори орасидан айиқ юрагига етиб борган, аранг кўзга ташланадиган тирқищча. Сўнг Эш тогорага залворли қошигини тақиллатиб, халойиқни ошхонага чорлади ва биринчи бор изқуввар итлар пол остида фимирлашмади. Афтидан, айиқ мурда ҳолида ҳам итларнинг юрагига

дахшат солар ва улар Шерсиз бу қүркінчдан ўзларича халос бўла олмасдилар.

Ёмғир тундаёқ тинганди. Тонг ўрталаганда эса оппоқ қуёш кўринди, тезда туман ва булутларни куйдириб, ҳаво ва ерни иситди: шамолсиз, декабрдаги, миссисипича, худди илиқ кузни тирилтиргандек кун эди. Улар Шерни айвонга, офтобга олиб чиқдилар. Бу Буннинг ўйига келганди.

— Лаънатлар бўлсин, — деди Бун, — у хонаки эмасдику, бунга мен мажбур қиласдим. Ўзингиз буни биласиз.

Бун Шерни безовта қиласлик учун лом билан полнинг тўшаги тўшалган жойдаги тахтасини суғуриб олди ва Шерни кўрпа билан бирга кўтариб олиб чиқиб, бетини ўрмонга қаратганча ётқизиб қўйди. Шундан кейин бола, доктор, Маккаслин ва майор де Спейн Сэм олдига, кулбага йўл олди. Сэм кўзини очмасдан жуда сокин ва тинч, деярли ҳеч ким сезмайдиган ҳолда нафас оларди. Доктор унга стестокопини ҳам, ҳатто қўлини ҳам яқинлаштирамади.

— Ҳаммаси жойида, — деди доктор. — У шамоллаб ҳам қолмабди. Шунчаки, организми ғалаён кўтарибди.

— Ғалаён кўтарибди? — сўради Маккаслин.

— Ҳа. Қарияларда бу учраб туради, тўйиб ухлашса ёки бир қадаҳ отиб олишса — бу дунё билан хайларшишлари ҳам ёдларидан кўтарилади.

Лагерга қайтиб келишди. Бу ерга хинин<sup>16</sup>, ёнотлар ва дарё суви билан тирик, ботқоқликларда яшайдиган ориқ траппер<sup>17</sup>лар, айиқ экинзорлари, омборлари ва

---

<sup>16</sup> Хинин — хин дарахти пўстлоғидан олинадиган аччиқ таъмли, иссиқни туширадиган ва оғриқни қолдирадиган асосий алкалоид(С 20 Н 24 Н 2 О 2).

<sup>17</sup> Траппер (ингл. «trap» — «тузоқ» сўзидан) — Шимолий Америкада мўйнали ҳайвонларни тузоқда ушлайдиган овчи. Шимолий Америка европаликлар томонидан ўзлаштирила бошланган дастлабки пайтда мўйна савдо-сотиқда асосий товар ҳисобланганлиги сабабли бу ов тури ниҳоятда оммалашган эди.

қўраларини ҳонавайрон қиласиган, пасттекисликларга маккажўхоризорлари ва пахтазорлари ҳошия бўладиган фермерлар, қўшни участкадаги ўрмон кесувчилар, хукслик ёғоч тиладиганлар, қари айиқ итларини ўлдирган, пистирма ва тузоқларини чилпарчин қиласиган, қўрошин ўқларини териси остида олиб юрган, Хоуксдан олисроқларда истиқомат қиласиган шаҳарликлар кела бошлидилар. Улар отлик, пиёда, извошларда келишар, ҳовлига кириб ва айиқни обдон томоша қилиб, Шер ётган айвонга кўтарилишарди; кўп ўтмай улар ҳовлига сифмай қолдилар — сал кам юз киши тикка туриб ёки чўккалаб мудратадиган илиқ қуёш остида ов, дарранда ва уларни келтирадиган итлар, изқувар итлар, айиқлар, кийиклар, ҳаёт бўлган ва бу дунёдан ўтиб кетган одамлар ҳақида оҳиста сұхбат олиб боришар, йирик кўкимтири ит вақти-вақти билан бир дақиқа кўзларини очиб, гурунглашаётганларга эмас, балки ўрмонга муҳрли ёки тасдиқловчи нигоҳи билан тикиларди. Кун ботаётганда у ўлиб қолди.

Бу лагердаги сўнгги оқшом эди. Шерни ўрмонга олиб кетишиди, яъни Бун уни қавилган кўрпага буркаб, кечадоктор келгунча қилганидек, ҳеч кимнинг қўлинин теккиздирмасдан олиб кетди; Бун итни кўтариб борар, унинг орқасидан эса чироқлар ва ўт олдирилган қарашай бутоқлари билан бола, генерал Компсон, Уолтер ҳамда бу ерга келган ва энди тунда қайтишларини Хоукс ҳамда ундан узоқларда кутишаётган одамлардан чамаси эллик нафари, хилват вайрона ётқоларига отда эмас, балки яёв етиб боришлари керак бўлган ўрмончилар эргашганди. Бун белкуракка ҳам ҳеч кимни йўлатмади, ўзи чуқур қазиди, у ерга Шерни жойлаштириди, устидан тупроқ тортди ҳамда қатрон анқиши ва қишки шоҳлар орасида сузаётган тутунда генерал Компсон гўрнинг бош томонида, худди одам қабри устидан тургандек видолашув сўзларини айтди. Кейин орқаларига қайтдилар. Бу вақтда майор де Спейн Маккаслин ва Эш билан тўшакларни ўраб, боғлаб бўлган эдилар.

Хачирлар извошга қўшилган, юк ортилган извош йўлга тўғрилаб қўйилган ва бола кечки овқатни тановул қилиб бўлган де Спейн ва Маккаслиннинг оддига югуриб кирганида, ўчоқдаги ўт ўчган, столда эса нон, совуқ гўшт қолдиқлари туар, фақат қаҳва иссиқ эди.

— Бу нимаси? — қичқирди у. — Нимага? Мен кетмайман.

— Жўнайсан, — деди Маккаслин. — Ҳаммамиз кетяпмиз. Майор уйимизга қайтишни буюрди.

— Йўқ! Мен қоламан.

— Душанбада мактабга боришинг керак. Шундай ҳам дарсларни икки эмас, уч ҳафта қолдиридинг. Душанбагча дарсликларни ўқийсан, бўлмаса синфдошларингга етиб ололмайсан. Сэмга ҳеч нарса қилмайди. Доктор Крофорд нима деганини эшитдинг. Бу ерда Бун билан Жимни қолдирияпман — Сэм оёққа турмагунча у билан бўладилар.

Боланинг томоги бўғилаётганди. Ошхонада бошқалар тўпланганди. Ноиложлиқдан уларга кескин бурилди. Бун оғзи очилмаган шишани ушлаб туарди. Бун уни тўнтириб, тубига кифти билан урди, бўғзидағи пўқакни тиши билан сугуриб олиб, туфлаб ташлади ва шишадан бир қултум хўплади.

— Сен бола, мактабга борищдан бўйин товлама, — деди Бун. — Акс ҳолда иштонингни тушираман-да, савалайман. Мен Кас эмасман, ўн олти ёш бўлмасдан олтмиш ёш бўлсанг ҳам сен билан пачакилашиб ўтирмайман. Ўқимасанг ким бўласан? Кас ким бўларди? Лаънатлар бўлсин, мактабга қатнамаганимда мен ким бўлардим?

Бола яна Маккаслинга ўтирилди. Гўё ошхонада ҳамма учун ҳаво етишмаётгандек, у тобора тезроқ, тобора қисқароқ нафас оларди.

— Бугун энди пайшанба. Маккаслин, бу ердан от оламан-да, уйга якшанба кечқурун, ҳатто кундузи етиб бораман. Тунгача китоб ўқиб, қувиб етаман, — дерди у ноиложлик чегарасидан ҳам ўтган ҳолда.

— Йўқ дейилдими, йўқ, — чўрт кесди Маккаслин. — Кечки овқатга ўтири. Ҳозир..

— Кас, шошма, — деди генерал Компсон қўлини боланинг елкасига қўяр экан. Бола у келганини сезмай қолганди.

— Сенга нима бўлди, ўғлим? — сўради генерал Компсон.

— Мен қолишим керак, — деди бола. — Қолишим зарур.

— Майли, — деди генерал Компсон. — Қолақол. Агар бу ерда бир ҳафта ортиқча бўлганингдан қайсиdir ўқитувчи томонидан пул эвазига амал-тақал қилиб битилган китобчани ўзлаштиргунингча ботмон-ботмон терга ботсанг, мактабга қатнашингга ҳожат йўқ. Сен эса, Кас, тилингни тийиб тур, — Маккаслин шундай ҳам индамай турганига қарамасдан, генерал гапини давом эттириди. — Бир оёғинг билан фермада, иккинчиси билан банкда ботиб қолгансан, асл, қадимий ишда эса сен унинг олдида гўдаксан; сизлар, шунаقا Сарторислар ва Эдмондслар<sup>18</sup> бу болага туғилганидан ато қилинган илмдан ўзларингизни тўсиб олиш учун ферма ва банкларни тўқиб чиқардинглар; қўрқинч ҳам тугма эканлиги тушунарли, аммо қўрқоқлик эмас ва у бизнинг бирортамиз ўқ уза олиш масофасига яқинлаша олмаган айиқни кўриш учун компас билан ўн миля йўл босди ва уни кўрди ҳамда қоронгулиқда ўн миля орқасига қайтди; бу, эҳтимол, ферма ва банклардан муҳимроқдир... Хўш, айтчи, гап нимада?

---

<sup>18</sup>«Сарторис» (ингл. «Sartoris») — Уильям Фолкнернинг «Йок-напатофа сагаси» романлар туркумига кирадиган, биринчи бор 1929 йилда қисқартирилган тарзда (у 1973 йилда «Чанг бостан байроқлар» номи билан тўла ҳолида чоп этилган) нашр этилган, Америкада фуқаролик урушидан кейинги ижтимоий ларзалар оқибатида Миссисипи оқсусякларининг тушкунлиги ҳақида ҳикоя қилинган романи. У.Фолкнер бувасининг отаси, фуқаролар уруши полковники Кларк Фолкнер асар ҳаҳрамони полковник Жон Сарторис прототипи бўлган.

Бироқ бола фақат аввалгидек шундай дея олди, холос:

— Қолищим зарур.

— Майли, — деди генерал Компсон. Бу ерда емишлик сизларга етарли. Демак, Маккаслинга ваъда қилганингдек, якшанбада уйгами? Кечқурун эмас, кундузи.

— Ҳа, сэр.

— Шундай бўлсин. Қани, кечки овқатга, — хотима ясади генерал Компсон. — Чаққонроқ бўлинглар. Тунда совуқ қақшатади.

Овқатланиб бўлишди. Извош тайёр туради, ўтиришса бас. Бун уларни ўрмон четигача, файтун кутаётган ферма отхонасигача олиб бориб қўяди. Бун извош олдида қўлида шиша, жароҳати боғланган бошини орқасига ташлаб, осмон манзарасида баланд қилиб ўралган афғон салласини кўз-кўз қиласди. Мана, бўш шиша лабдан узилди, думалаганча ва юлдузларнинг хира шульласида ялтираганча итқитилди. «Кетаётганлар — ўтиргилар, қолаёттанлар — четга чиқинглар», — эълон қилди Бун. Ўтиришди. Бун генерал ёнидаги ўриндиққа жойлашди, извош тунга шўниди ва дастлаб шакл-шамойили фойиб бўлди, кейин эса ҳаракатдаги қуюқлашган туман ҳамма ёқни зулматга қоплаб, ҳеч нарсани ажратиб бўлмай қолди. Бироқ бола яна анча вақт араванинг ўйдим-чукурликларда ёғочнамо ва шошилмай тақиллаётганини эшитиб турди. Бу шовқин тинди, лекин Буннинг овози эштилаётганди. Бун ғадир, жарангли, оҳанғиз куйларди.

Бу пайшанба куни бўлганди. Щанбада эса эрталаб Теннин Жин олти йил ўрмондан чиқмаган Маккаслиннинг овда минадиган отини эгарлади, уни қош қораётган, Маккаслин дўкончада ижарачилар ва ходимларга бир ҳафталик озиқ-овқат маҳсулотларини тарқатиш билан машгул бўлган пайтда тер қуйилтириб дарвозадан чоптириб кирди. Бу сафар шаҳарда вақтни бехуда ўтказмаслик, майор де Спейннинг извоши тайёрланишини пойламаслик учун Маккаслиннинг файтунига

ўтириб, Жефферсонга майорни олиб қайтиш учун йўлга тушишди (файтунни Маккаслин бошқариб бораради, Тенинн Жим орқа ўринидикда уйқута кетганди); майор де Спейн тезда этигини кийди, курткасини устига илди ва улар ўша тундаёқ лагергача бўлган ўттиз миля йўлни зулматда босиб ўтдилар, тонг саҳарда лагердаги байтал ва хачирга минишиб, қуёш кўтарилаётганда чангалзордан Шер кўмилған тоғ ёнбаррига чиқдилар; мўъжазги на қабрда ҳали ҳам Бун белқурраги излари сақланиб қолганди, гўрнинг орқасида тўрт дараҳт ўртасида янги кесилган ходалардан супача ясалган ва унинг устида тўшакка нимадир ўралганича турарди; қабрга яқин жойда эса Бун билан бола чўккалаганди ва шу замон Бун — жароҳатининг боғлагичи ечишган, юлқиб олинган, Қари Бен тирноқларининг узун излари қуёшда қотган қора қатрондек эди — сакраб турди ва уларга ўзининг умри бўйи мўлжални хато олган эски питра миљигини ўқтади; аммо Маккаслин бу ерга шошилаётганди: у отни чоптирганича эгарга таяниб, оёқларини узангидан чиқариб олди, хачирдан сакраб тушди ва Бун томон йўналади.

— Яқинлашма, — деди Бун. — Малъун бўлай, унинг олдига ўтказмайман. Яқинлашма, Маккаслин.

Маккаслин эса тез, лекин қизишмасдан яқинлашарди.

— Кас! — чақирди майор де Спейн, кейин эса бақириди: — Бун! Эщитяпсанми, Бун!

У ҳам шошилаётганди. Бола ҳам ўрнидан сакраб турди, Маккаслин ҳовлиқмасдан, қатъий одим отарди, қабр олдига келди, шошилмасдан, бироқ тез ҳаракат қилиб, питра миљиқ стволи ўртасидан ушлаб олди ва у Бун билан бирга Шер гўри устида бир-бирига қарши турганча қотиб қолишиди; чарчоқ, бўйсунмас, ҳайратли-қаҳрли, юзи айиқ тирноқлари билан тилинган Бун Маккаслиндан салкам бир бош баланд ҳолида қийинчилик билан, гўё бутун қалин дараҳтзор хилватида тўрт, икки кишига, ҳатто Буннинг бир ўзига ҳам ҳаво етишмаётгандек бутун кўкраги билан нафас ола бошлади.

— Бун, миљиқни қўйиб юбор, — деди Маккаслин.

— Эх, сен, тирранча, — ғазаб билан деди Бун. — Мен ичагингни суғуриб оламан-ку. Суғуриб оламан ва бўйинбоғ қилиб бўйнингта боғлаб қўяман.

— Ишонаман, — деди Маккаслин. — Милтиқни қўйиб юбор, Бун.

— Унинг васияти шундай эди. У буни бизга айтганди. Қандай иш тутиш кераклигини аниқ қилиб айтганди. Унга қўл теккизгани йўл қўймайман. У қандай буюрган бўлса, шундай кўмдик ва ўша вақтдан бери шу ерда ўтириб, уни силовсин ва бошқа ифлослардан қўриқлаяпман, йўл қўймайман...

Унинг бармоқлари ёйилди ва Маккаслин питра милтиқни қийшайтириб, ўқларни шу қадар тез чиқариб ташладики, худди биринчи ўқ ерга тушмасдан бешинчи, охиргиси ўқдондан отилиб чиққандек бўлди ва бутун шу вақт давомида Буннинг кўзига тик қараганча, милтиқни четта улоқтириди.

— Уни сен ўлдирдингми, Бун? — сўради у.

Бун ўзини четга олди: гўё пайшанбадан бери мастдек, таянч излагандек қўлларини чўзди, чайқалиб яқиндаги дарахт томон қадам ташлади, кўр бўлиб қолгандек адашди ва йиқилар, тўнтарилар экан, қўллари билан йўғон дарахтга тиранди, ўтирилиб орқа томони ва гардани билан унга суянди — бети шиддатли, ҳоргин, чандиқли, кўкраги баланд кўтарилиб тушмоқда, Маккаслин эса унинг изидан кетма-кет борар экан, Бундан кўзини узмасди.

— Уни сен ўлдирдингми, Бун?

— Йўқ! — деди, Бун. — Йўқ!

— Тўғрисини айт, — Маккаслин қатъиятли эди. — Ўзим ҳам унга буни рад этолмасдим.

Шу пайт бола югуриб келди. Бунни тўсар экан, улар ўртасига туриб олди ва ёшлари кўзларидан эмас, балки ўзига туйилганидек, бутун юзидан қўйила бошлаганди.

— Уни тинч қўй! — қичқирди бола. — Йўқол! Тинч қўй!

## IV

Үрмөн саноати компанияси темир йўл ётқизиб, дарахт кесиши бошлагунга қадар бола лагерда яна бир бор бўлиб қайтди. Майор де Спейннинг ўзи у ерга бошқа бормади. Аммо уларни таклиф қиласди: яшайвер ва хоҳлаган пайтингда ов қиласвер. Ўша якунловчи овдан, Сэм Фазерс ва Шернинг ўлимидан сўнг генерал Комисон Уолтер Юзелл билан бирга қишида корпорация таъсис этиб, ўзларининг эски тўгарагидаги барча аъзолар томонидан майорнинг лагери ва атрофдаги ўрмонларни ов қилиш учун ижарага олишга уриниб кўришди — бу соддадил қари генералнинг миясига келган, Бун Хоггенбекка ҳам муносиб ҳисобланган фоя эди. Ҳатто бола ҳам дарҳол бу ҳийлани — майорни яна лагерь билан қизиқтириб кўришга уринишни тушуниб етди; бўм-бўш ва сароб умидга Маккаслин ҳам тирмасиб олмоқчи бўлди, бироқ ҳатто бола мурдани малҳам билан тирилтириб бўлмаслигини, майор де Спейн таклифни рад этишини биларди. Рад ҳам этди. Бола тафсилотлардан бехабар қолди. Бу гап кўтарилиганда у йўқ эди, Маккаслин эса ҳеч нарсани овоза қилмади. Аммо июнь ўтиб кетди, қўшалоқ турилган кун нишонланмай қолди, ноябрь бошланди, майор де Спейннинг лагери тўғрисида ҳеч ким оғиз очмади ва бола майор билан бўлажак ов тўғрисида гап-сўз бўлганигидан дарак топмади, ҳолбуки майор Эш орқали кўрилаётган тараддуд ҳақида эшитганди, албатта: улар — бола, Маккаслин, генерал Комисон (унинг учун бу сўнгги ов бўлганди), Уолтер, Бун, Теннин Жим ва қария Эш — ўшанда захиралар ортилган иккита аравада икки кун йўл босиб, болага таниш бўлган жойлардан қирқ миля нарига қўнишган ва у ерда мўлжалдаги икки ҳафта давомида чодирларда яшашганди. Баҳор келди ва улар майор (фақат унинг ўзидан эмас) ўрмонни дарахтларни кесиши учун мемфислик ўрмон саноатчиларига сотганлигини эшлишиди, июль ойи

шанбаларидан бирида бола Маккаслин билан шаҳарга келиб, майор де Спейннинг иккинчи қаватдаги кенг хонанинг деразалари дўкончаларнинг моллар уюлиб ётган залларига, панжара ўрнатилган балконлари эса шаҳар майдонига қаратилиган идорасига кириб келишиди: бу ерда деворларга китоблар тахланган, парда ортидаги токчада кедр дарахтидан ясалган челяқда сув, қандон, қошиқ, стакан ва чирмалган шишада виски турарди, эшик олдида қария Эш стулда чайқалиб, ёзув столи устидаги бамбук ва қороздан ясалган катта елпифич тасмасини тортқиларди.

— Марҳамат, — деди майор де Спейн. — Ўйлашимча, Эш ўрмонда яшаб, ўзи овқат пиширишга қарши эмас. Доим Дэзи тайёрлаган таомлар ёқмаслигидан шикоят қилгани қилган. Сен билан яна кимдир бўладими?

— Йўқ, сэр, — жавоб берди у. — Балки Бун деган ўйдаман...

Мана ярим йилки, Бун Хоуксда полициячи бўлиб хизмат қиласди; майор ўрмонни сотаётганида шуни шарт қилиб қўйганди, аникрофи муросага борганди: у Бунни ходаларни тилиш учун узатиб турувчи ишчиларга ўнбоши қилиб қўймоқчи эди, лекин компания тартиб назоратчиси бўлиш унинг учун мувофиқроқ деган қарорга келди.

— Майли, — деди майор де Спейн. — Бугун унга Хоуксга телеграмма жўнатаман. Ўша ерда учрашасизлар, Эш поездда жўнайди, улар егуликларни ўзлари билан олиб борадилар, сен эса юксиз отда кетавер.

— Яхши, сэр, — деди у. — Раҳмат.

Шу вақт у ўз овозини яна эшилди. У бу ҳақда гап очишини билмасди ва айни пайтда биларди, ҳамма вақт биларди:

— Балки, ўзингиз ҳам...

Овоз ўчди. Гапи нега узилиб қолгани номаълум, ахир майор де Спейн сўзини бўлмади, ҳатто дарҳол стол ва қорозлар олдига қайтмади, дарров қўзини олиб қочмади: ўзи унинг ўтиришига ҳожат бўлмаганди, бола кир-

ганида майор – бўйи новчамас, тўладан келган, оқ сочили, юпқа газмолдан тикилган расмий қора костюмда, ёқаси ялтирайдиган даражада қотирилган кўйлақда стол олдида кўлида қозоз билан ўтиради, рўпарасида турган ўсмир эса уни соқоли олинмаган, этиқда ва лой чапиган духобали иштонда, бақувват, жундор, узун оёқли, эгарига кўпни кўрган винчестер<sup>19</sup> осилган, узангисига яшил тусли катта ит тасвири ўйиб туширилган байтал устида кўришга одатланганди; ўша охирги йилда, ҳеч бўлмаганди ўсмир нигоҳида биргалиқда узоқ йил ишлаган, ишнинг кўзини биладиган ёки узоқ йил севишган икки киши ўзаро ўхшаш бўлиб қоладиганларидек, суворий ва ит нимаси биландир бир-бирига ўхшаб кетганди. Майор де Спейн ҳеч кўзини кўтартмасди.

– Йўқ. Ишлар қўйиб юбормайди. Сенга эса омад тилайман. Олмахон ушласант, олиб келарсан.

– Яхши, – деди бола. – Келтираман.

У ўзи катта қилган ва ўргаттан уч ёшли отда йўлга тушди. Тунги соат бирда уйдан чиқиб, олти соатдан кейин ҳам отни қора терга ботирмасдан Хоуксга, темир йўл узелига етиб келганди, унга бу жой ҳам аввалиари майор де Спейнга қарашлига ўхшаб туюларди, ва ҳоланки аслида майор де Спейн томонидан компанияга анча илгари темир йўл бекати йўллари, платформа ва дўконча учун фақат ер сотилганди; у лол қолган, аянч билан ҳайратга тушган ҳолда атрофга алангларди – ҳолбуки икки ёки уч акр<sup>20</sup> майдонни эгаллаган, чала биттан ёғоч заводи ва бутун бошли бир миля узунилигига тахлаб ташланган, янги пўлатдаги каби ўша ёрқин

---

<sup>19</sup> Винчестер (ингл. «Winchester rifle») — АҚШда «Winchester Repeating Arms Company» томонидан XIX аср иккинчи ярмидан бошлаб ишлаб чиқарила бошланган бешотарлар ва бошқа милитикларнинг умумий номи.

<sup>20</sup> Акр (ингл. «acre») — инглизча ўлчовлар тизими қўлланиладиган қатор мамлакатлардаги (Буюк Британия, АҚШ, Канада, Австралия ва бошқалар) ер майдони бирлиги, 0,405 гектарга тенг.

· қўнғир занг боса бошлаган рельслар, креозот<sup>21</sup> обдон шиқиётган шпалаларни, икки юзта ва ҳатто ундан ҳам кўпроқ хачирлар учун тиканли сим билан тўсилган отхона ва охурлар ҳамда от уюрларини ҳайдайдиганлар учун чодирларни кўрганидан кейин ҳеч нарсага ажабмайман деб ўйлаганди; шу сабаб у тезда отини отхонага етаклаб борди, отбоқар билан келишди, атрофга алангламасдан состав охиридаги хизмат вагончасига ўтирди, мильтиги билан юқоридаги дераза ёнита чиқиб олди ва олдиндаги, ҳеч бўлмаганда бу гал кўрганларидан яширинса бўладиган, девор бўлиб турган ўрмонга кўзини қадади.

Паровозча чинқириқли ҳуштагини чалди, силгади, шишиллади, уланиш шақир-шуқури худди уйқусира-гондек состав узра узатилди, вагон жойидан қўзғалди, шошқалоқ пихилаш қулоқ бир маромдаги тутун чиқариш билан алмашди ва у поезднинг боши бурилиш бутун чизиридаги ягона ёйдан ўтиб, дарахтзорда яширишаётгани ҳамда у гўё кўримсиз ва зарарсиз илонча (ўша вақтларда илонча зарарсиз бўлганди) майса ичига сўдрагалиб кириб кетаётгандек, думини ўзи томон тортаётганига қараб турарди — ва, мана, поезд бутун кучи билан аввалги вақтлардаги каби болта тегмаган қалин ўрмоннинг икки девори орасидан тарақлаб елиб борарди. Бундан атиги беш йил илгари худди шу вагондан Уолтер Юэлл поезд юриб кетаётганида олти шоҳли бутуни отиб ийқитганди; ёки ўша ёш айиқни ёдга олиш мумкин: биринчи состав эндиғина ўрмон ичкариси томон ётқизилган ўттиз миля узунликдаги темир йўлдан кетмоқда, рельслар ўртасида эса — айиқ, орқасини ўйин-қароқ кучукчадек кўрсатиб, шпалалар орасини титкилайди, у ерда чумоли ёки бирор қумурсқа бор-йўқлиги билан қизиқмоқда ва, умуман, бу — гўё бир кечада

---

<sup>21</sup> Креозот (франц. «cгйosote») — ёғоч ва тошкўмир қатронидан олинадиган мойли суюқлик.

бўшлиқдан пайдо бўлган ва чексиз, математик аниқлик билан қатъий саф тортган ғаройиб, текис, тўғри бурчакли, пўстлоқсиз кўндаланг ёғочлар нима ўзи: паровоз яқинлашиб келяпти, у эса ҳамон шпалаларни ўрганияпти; машинист тормоз берди, ўттиз қадамча қолганда ҳуштак чалди, айик ўқдай отилиб, тўғри келган биринчи дараҳт — эркакнинг сонидан йўғон бўлмаган навниҳол шумтолнинг деярли учига чиқиб олди, дараҳтга ёпишди, бошини одамлардек, аниқроғи аёллардек панжалари билан бекитди, кондуктор эса унга тош отарди; уч соат кейин состав биринчи ёғоч ортилган юқ билан қайтаётганида айик энди шумтолнинг устидан тушаёттиб, дарҳол яна дараҳтнинг тепарофига чиқиб олди ва тагин дараҳт орқасига бекинди ҳамда кундузи поезд яна ёғоч ортиб келгани йўл олганида ҳамда қош қорайтанида қайтаётганида айик ҳамон шумтолнинг устида ўтиради; Бун тушлиқда станцияга ун олгани келганида поезд бригадаси бу ҳақда гапиришаётганини эшилди ва Бун билан Эш ўша тунни (у пайтда ҳар иккиси ҳозиргидан йигирма йилга ёш эди) кимdir айиқни отиб туширмасин деб шумтол тагида ўтказишиди, эрталаб эса майор де Спейн составни станцияда тўхтатиб турди ва фақат кун оққанида (бу вақтда дараҳт яқинида Бун билан Эшдан ташқари майор де Спейн, генерал Компсон, Уолтер ва йигирма ёшли Маккаслин тўпланишганди) айик деярли ўттиз олти соат сувсиз дараҳт тепасида ўтирганидан кейингина ерга тушди — одамлар эса бочка олдида туриб, эҳтимол, ҳозир айик тўхтайди ва сувдан тўйиб ичади деган хаёлга боришганди; Маккаслин кейинчалик унга айик юришини секинлаштириб, сувга, одамларга, сўнг яна сувга қарагани ва сувни ичмасдан нарига, айиқлар югурадигандек олдинги ва орқа панжалари билан параллел, лекин алоҳида-алоҳида изларини муҳрлаган ҳолда шаталоқ отганини ҳикоя қилиб берган эди.

Ҳа, ўшанда илонча безарар эди. Ўтиб кетаётган поезд овозийні лагерда баъзан эшишишар, баъзан эши-

тишмасди — ахир улар бунга қулоқ тутмасдилар. Пишіллаётган паровозча рельслар туташған жойда тақилемб, бүш платформаларни ўрмон ичкарисига илдам олиб кириб кетаётғанлиги ва унинг чинқириқли ҳуштаги ҳатто акс-садо ҳам пайдо қылмай ўйчан ва бефарқ хилшатда лаҳза ўтмай күмилиб кетишини эшишиб қолышарди. Кейин состав ортилған юқ билан қайтарди, илгаридек тез юрмасди, бироқ олдингидек, ўйинчоқ-судралувчи бұлса ҳам, шиддатли тезлик тасаввурини ҳосил қиласы; энди паровозча ҳуштагини чалмасди — бүгни тежарди, фақат ҳарсилларди, асрий ўрмонлар юзига шиддатли ва бефойда, суронли, бүм-бүш, болаларча кеккайиши билан пишиллаб пуларды, ходаларни қаерлоргадир ва нима учунлардир олиб кетарди, ортида эса ўрмон қум ортилған ўйинчоқ аравача ўз юкини олиб бориб түккәч, янгисини келтириш учун шошилгани, уни ўйнаётган толмас, тинимсиз, чаққон құл эса аравачага ортиш учун түкилған құмни тездә жойига қайтарганидек, түнкалар ва чандиқлар устида бирлашаётган бўларди. Ҳозир эса — бошқача. Поезд ўша — аввалгиси эди: паровоз, платформалар, охирги вагон, ҳатто машинист, ўт ёқувчи ва кондукторлар ҳам; Бун — атиги ўн тўрт соат ичидан ичиб, маст бўлишга, кайфи тарқаши, яна ичиб, маст бўлишга ва деярли кайфи тарқашига улгурған ҳолда икки йил аввал ўша кун улар олдида эртага Қари Бенга хотима ясалади деб мақтанданди; ва ушбу поезд ўша ўйинчоқ-шиддатли тезлик билан ўша хилват, кўз ўтмайдиган ўрмон деворлари ўртасидан, ўзи учун хотирали бўлган, яраланган ва яраламаган буғуларни қувган, неча бор кўзи ўнгидан асло яраламаган буғу ўрмондан отилиб чиқиб, кўтартмага отилар ва рельслар орасидан ўтиб, яна ўрмонга кириб кетган йиртқичлар сўқмоқлари олдидан ўтарди; буғу бошқа ҳайвонлардек тўрт оёқли бўлса ҳам ердан туёғини узиб, одатдагидан уч маротаба узунроқ ва ҳатто туси ҳам ёрқинроқ ҳолда замин узра — худди тек туриш ва мутлақ ҳаракат ўртасида чегара бўлгандек ва бу чегара

ортида ҳатто оғирлик ҳам оғиқсиз ва уқубатсиз кимёвий янги ҳолатта ўтиб, фақат ҳажми ва шаклини ўзгартириб қолмасдан, балки туси билан шамол рангига яқинлашадигандек ёйдек учарди; аммо ҳозир поезд болтага кунда бўладиган хилватта интиҳони, янги, майли, қуриб битказилмаган завод, майли, ҳали ўрнатилмаган бўлса ҳам рельс ва шпаллар ҳақидаги хабарни элтаётганди; биргина поезд эмас, унинг ўзи ҳам кўрганларини сақлайдиган хотирасида, кўзларида ва ҳатто – ҳудди bemor ёки мурда олдидан соф, майин эсаётган ҳавога чиқилганда ўзинг билан турғун ва кулфатли ҳидни келтирганингдек – кийимида бу хабарни элтаётганди; ва у энди майор де Спейн нега келмаганингини тушунди (ҳали эрталаб станцияда буни анлаган, лекин фикрида шаклантиришга улгурмаганди); мана шу муқаррар мартадан сўнг унинг ўзи ҳам бошқа бу ерга қайтиб келмаслигини түйди.

Машинист ҳуштак чалди – етиб келишаётганини бусиз ҳам биларди. Мана, Эш извош билан ва яна, бола ёдида қолганига кўра саккиз йилдан бери майор де Спейн Эшга бундай қилиш мумкин эмас деб уқтиришига қарамасдан, жиловни тормоз тутқиси атрофига ўраб қўйибди; поезд тезликни пасайтирди, лаппаклар тўқнашиб, тарақлаб кетди, вагон извошга тенглашди, у қўлидаги милтиғи билан сакраб тушди, тепадаги кондуктор бўйини чўзиб, байроқчаси билан машинистга белги берди, вагон ҳануз тезликни пасайтирганча олдидан оҳиста сузиб ўтди, аммо паровоз сокин хилват томон қаратса тобора тез-тез пишилларди, узатгичлар тарақ-туруғининг тўлқини яна вагонлар узра ўтди, ниҳоят тезлик ортди ва поезд кўринмай қолди. Ўзи у йўқ эди. Овози ҳам қолмаганди. Боқий, чексиз-чегарасиз, яшил, ёғоч арралайдиган заводдан қадимийроқ, тор изли темир йўллардан узунроқ, бефарқ, ўз ўйига шўниганди хилват юқорида бирлашди.

– Мистер Бун келдими? – сўради у.

— Мендан ҳам олдириоқ келган, — деди Эш. — Кече Хоуксда поезддан тушганида, юк ортилган извош күтіб турған экан. Кечқурун лагерга келсам, остоңада ўтирган экан. Бугун күн ёришмасданоқ үрмөнгө йўл олди. Олмахон дарахти томон йўл олишини, сен ҳам ов қилишга ўша жойга боришингни айтди. Ўша ерда учрашасизлар.

Бу жойни у биларди — үрмөн четида, кесилган эски ёғочлар орасида йирик дарахт бор, агар сездирмасдан секин бориб, тўсатдан отилиб чиқилса, йилнинг бу палласида баъзан шохларда ўн-ўн беш олмахонни кўриш мумкин. Улар қоча олмайди, атрофда бошқа дарахт йўқ. Шунинг учун у извошга чиқмади.

— Мен тўғри ўша ерга, — деди у.

— Ўзим ҳам шундай ўйлагандим, — деди Эш, — мана, бир қути ўқларни олиб келгандим.

У қутини узатиб, жиловни тормоз тутқисидан еча бошлади.

— Майор сенга бундай қилиш мумкин эмаслигини неча марта айтган, — деди бола.

— Нима? — деди Эш. Кейин давом этди. — Бун Хоггенбек ёдида тутсин — тушлик ярим соатдан кейин дастурхонда бўлади, тамадди қилмоқчи бўлсангизлар, тезроқ қимиirlанглар.

— Бир соатдан кейин? — қайтадан сўради у. — Ҳали тўққиз бўлгани йўқ-ку. — У соатини чиқариб, Эшга кўрсатди.

Эш соатга боқмади ҳам.

— Бу шаҳар вақти. Ҳозир биз шаҳардамасмиз. Үрмондамиз.

— Ундей бўлса қуёшга қара.

— Қуёшга қарашга ҳам ҳожат йўқ, — деди Эш. — Агар Бун Хоггенбек билан тушлик қилмоқчи бўлсангиз, сизга айтилган вақтда келинг. Кейин ўчоқ бошида ғимиirlашга вақтим бўлмайди, ўтининг ғамини ейишм керак. Оёғинг остига ҳам қараш керак. Бу ерда ҳозир судралувчилар тўлиб-тошиб ётибди.

— Хўп, майли, — деди у.

Ва ям-яшил, ёзги ўрмон уни танҳолик билан эмас, балки хилват чамбари билан ўраб олди. Ўрмон ўша-ўша эди: унга, боқийга ёзният яшиллиги, кузнинг ёнғинлари ва ёмғирлари, муздек совуғи ва ҳатто қорининг ўзгариши учун ҳожат бўлмаганидек, ўзгаришига ҳожат йўқ эди...

... ўзининг биринчи буғусини ўлдирган, Сэм юзига буғунинг иссиқ қонини суртиб қўйган ва улар лагерга қайтиб келган ўша кун, ўша тонгда Эш қошини чимириб, аччиранган, ҳатто ҳақоратланган ҳолда қараб турганини ва охир-оқибат Маккаслинга ҳақиқатан ҳам буғуни у йиқитганлигини тасдиқлашга тўғри келгани ёдида: Эш ўша оқшомда ўчоқ ортидаги бурчакда қовоғини уйиб, ёнита йўлатмай ўтириб олди, шунинг учун Теннин Жимга кечки овқатни келтиришга тўғри келди ва ўзи ҳаммани тун соат бирда уйғотди ва Эш нонушта дастурхонини ёзганлигини маълум қилди ва жаҳди чиқдан майор де Спейн Эшнинг роса пўстагини қоқишига тушди. Эш эса тунд, тишини қайrar ва ниҳоят Эш ҳам овга бориш ва буғуни отиб ўлдиришни истаётгани, шунчаки хоҳлабгина эмас, балки қатъий равишда отиб ўлдиримоқчи эканлиги маълум бўлди ва майор де Спейн шундай деди: «Ана қанақа ният, агар биз бунга рози бўлмасак, ўзимиз фартук тақишимизга тўғри келади», Уолтер Юэлл эса қўшиб қўйди: «Ёки нонушта қилиш учун яrim тунда ўрнимиздан туришга тўғри келади»; ва бола буғуни отиб ўлдиришга улгургани ва фақат гўшт тугамаса, бунга бошқа рухсат берилмаслиги сабабли милтифини Эшга таклиф қилиб кўрди, бироқ бу масалага майор де Спейн аралашиб, болага милтифини буғун Бун беришини буюрди, Эшга эса Буннинг тузукроқ питра милтифи ва ўқларни топширишга кўрсатма берди, лекин Эш «Ўқларим ўзимда бор» деб бирвара-кайига тўрт сочма ўқ қутисини: қуёи учун учинчи рақамли, қушлар учун иккинчи рақамлиларни кўрсатди

ва бу ҳар бир ўқ турининг келиб чиқиши тарихини гапириб берди; ва майор де Спейн, Уолтер ва генерал Компсоннинг буни қай ҳолда тинглаганлари боланинг ёдида қолди; Эшнинг «Отилмайди? Шундай отилсинки! Мана бунисини, — у йирик питрани кўрсатди, — генерал Компсон саккиз йил аввал берган, тўппа-тўғри милтиғидан, ўшаңда уч шохдорни қулатган милтиғидан чиқариб берган. Мана буниси эса, — у қуёнларга мўлжалланган ўқларни тантанавор кўрсатди, — бу болакайдан ҳам катта ёшда!» дегани; ва ўша тонгда Эшнинг милтиғини ўзи ўқлаб берди: ўқдонга аввал лойхўракка мўлжалланганини, кейин учинчи рақамлини, ўқдонда биринчи бўлиб туриши учун эса охирида йирик питрани жойлади; ва қор ёғарди, майор де Спейн Жим билан отда, у — милтиқсиз ва Эш отлар билан ёнма-ён боришарди; ва, мана, қўйиб юборилган изқувар итлар изга тушдилар, унсиз чўкаётган ҳавода жарангдор, қулоққа ёқимли ҳуриш чалинди ва гўё ҳали туғилмаган аксадо билан бирга кўмилгандек вазнисиз, беҳисоб, чарчоқ билмай, шитирламасдан тушаётган қор парчалари остида деярли ўша оннинг ўзида ўрмонда гойиб бўлди; ва майор де Спейн ва Жим итлар кетидан отларини ниқтаганча чоптириб кетдилар ҳамда ҳамма нарса жойжойига тушди, у худди ҳозиргина Эшдан аниқ эшитгандек, ҳаммасини тушунди — Эш ов қилиб бўлган ва ҳатто ўзи, болага бутуни қулаттанини ҳам кечирди ва улар орқаларига қайтдилар; аниқроғи Эш: «Энди қаёқقا?» деб сўради ва у «Бу ёқقا» деди; ва бўралаётган қор остида олдинда борарди, чунки Эш мана, йигирма ийдан бери ҳар йили бу ерда ярим ой бўлишига қарамай ва лагергача ярим миля бўлмаса ҳам йўлни билмасди; бироқ кўп ўтмай уни Эш милтиқни қандай ушлаб олгани ҳазилакам чўчитмади ва у Эшни олдинга ўтказиб юборди; ва Эш шахдам қадам ташлар экан, энди сўзамоллик билан аввал ўтиб бораётган жойлари, кейин ўрмон ва ўрмондаги ҳаёт, дарранда гўшти, умуман шулик, таомни тайёрлаш ва хотини овқатни қандай

пишириши, лўндағина кампиршо хотини хусусиятлари ҳақида ҳикоя қилиб кетди; шу жойга келганда дарҳол яқинда майор де Спейннинг қўшнилари ёллаган оқсоч аёл ва агар бу хизматкор бундан кейин ҳам «думини ликиллатадиган» бўлса, қариялар нималарга қодирлиги ни кўрсатиб қўйиши, афсуски хотини унга ҳамиша кўз-қулоқлиги тўғрисида жуда ими-жимигача, ниҳояси йўқ қаричилик достонини тўқишида давом этди; улар ҳозир лагердан чорак миля нарида тутайдиган қамишзор ва наъматаклар орасидаги ҳайвонлар сўқмоғидан борарадилар; уларнинг йўлини сўқмоққа кўндалант йиқитилган катта дарахт тўсди ва Эш ҳамон гап сотганча ундан сакраб ўтмоқчи бўлғанди, тўсатдан дарахт орқасидан бир яшарча айиқ боласи кўтарилди, орқа оёқларига ўтириб олди, олд оёқларини беҳол, худди дуо китобидек кўтариб юзини тўсди, бир неча лаҳза ўтди, Эш милтигини кўркув силтови билан кўтарди, бола «Аввал ўқни ўқдан чиқар» деди, аммо милтиқ тепкиси босилганди, бола «У ерда ўқ йўқ-ку, аввал ўқни жойла» деди; ва Эш унга қулоқ солди, милтиқ чайқалди, тик қотди, тепки босилгани эшитилди, пистон чиқмади, бола «Қайтадан ўқла» деди ва ўқ бутун оғирлиги билан дўмбалоқ ошиб ён томонга, чакалакзорга урилди. «Энди учинчи рақамлиси» – ўйига келди унинг ва яна тепки беҳудага босилди ва «Лойхўракники қолди» деган фикр миясига урилди, Эш тезда милтиқни қайтадан ўқлади, у эса «Отма! Отма!» деб бақирди, аммо яна тепкининг қуруқ чиқиллагани эшитилди, холос; ва айиқ ўтирилди, чўйкалади, ройиб бўлди; ва дарахт, қамишзор, юмшоқ ва бетўхтов бўра-лаётган қор қолди; ва Эш «Энди қаёққа?» деб сўради ва у «Бу ёққа. Кетдик» деди ва йўлда давом этмоқчи эди, Эш «Аввал пистонларни йиғиб олиш керак» деди; ва у «Бошингга урасанми. Кетдик» деди, бироқ Эш милтигини дарахтга суюб қўйиб, сўқмоқдан четга чиқиб, у келиб, пистонларни қидириб топгунича букилган ҳолда тўнка атрофини титкилади, ва улар иккаласи қаддини ростлаган эдилар, шу лаҳзада уч қадам нарида суюб

қўйилган ва ёдларидан кўтариленган милтиқ, ўз-ўзидан пақиллаб, олов сочди ва тинди; ва бу сафар милтиқни ўзи кўлига олиб, ўқларни ўқдондан чиқарди. Эшга охирги қотиб қолган гильзани узатди, милтиқни бошқа ўқла-масдан лагерга олиб келди ва Бун тўшаги олдидағи бурчакка суюб қўйди.

... ёз ва куз ва қор ва нам, шарбатдан бўккан баҳорнинг белгилаб қўйилган навбат алмашишлари, ўрмон борлигининг ўчмас ва боқий босқичлари, уни инсон ёки деярли инсон қилган ўрмонлар; ўрмон боланинг маънавий отаси бўлган, у эъзозлайдиган ва қулоқ туладиган, севадиган, ундан маҳрум бўлган ва у ҳақда мотам тутаётган, қул негрлар ва индеецлар йўлбошчиси авлоди бўлган қари Сэм Фазерсни боқсан ва тўйдирган ўрмонлар; вақти келиб у уйланади ва у хотини билан ўз навбатида қисқа ва хаёлий бахтларини топадилар (табиати бўйича ўткинчи бўлса, уни баҳт деб бўлармикин?), Сэм тўғрисидаги хотираларини, эҳтимол, тана танани тан олмайдиган жойга олиб кетадилар – ахир, хотира мангу-ку – шундай бўлса ҳам ўрмон унинг яккаю ягона рафиқаси ва маҳбубаси бўлади.

У ўша йирик дарахтга яқинлашмасдан, аксинча ундан узоқлашаётган ҳолда одимларди. Бу ерда бир ўзи дайдиб юришига рухсат беришмайдиган вақтга кўп бўлгани йўқ; хиёл каттароқ бўлиб ва деярли ҳеч нарсани билмаслигини англай бошлигач, ўзи ҳам бу ерга ёлғиз келишга юраги дов бермасди; яна бироз улғайиб ва ўз билимсизлиги чегарасини у қадар аниқ бўлмасада тасаввур этиб, бу ерга компас билан келишга азм қилган ва адашиб қолмаган бўларди; йўқ, ўзига ишончи шу қадар ортгани учун эмас, балки Маккаслин, майор де Спейн, Уолтер ва Компсон ниҳоят уни компаснинг стрелкаси қаёққа кўрсатмасин, бунга ишонишга ўргатгандари учун. Ҳозир эса компасга қараб эмас, балки мўлжалини қуёш билан солиширган ҳолда борарди, аммо хоҳлаган вақтда харитада қаерда турганлигини

қирқ қадам аниқлик билан күрсата оларди; ва ҳақиқатан ҳам деярли ўзи кутган жойда компания танобчилари томонидан майор де Спейн сотишни истамаган участка бурчакларига ўрнаттан тўрт бетон устундан бирини кўрди; нишабли қияликдан кўтарилиб, кўп ўтмай қир устида турарди ва бу ердан оқ бўёқларини сақлаб қолган, қишининг қори ва ёмғир остида жонсиз, ҳатто емирилиш ҳам қайноқ, сачратқи, урчиш ва туғилиш олаговуридан бўртадиган, ўлим эса умуман бўлмаган ушбу ерда мутлақо бегона барча тўрт устун кўриниб турарди. Икки куз хазонрезгисида япроқлар билан тўшалган, икки баҳор сувлари билан ювилган қабрларни ажратиб бўлмасди. Лекин йўлдан адашмайдиганлар қабр устларидаги тошларга ҳам муҳтоҷ эмасдилар, у Сэм Фазерс ўргаттанидек, атрофдаги белгилар, дараҳтларга қараб мўлжал оларди ва у ишонч ҳосил қилиш учун суққан овчи пичоги дарҳол Шер суюклари устига кўмилган Қари Беннинг жароҳатланган, қуриб қолган панжаси ётган фидирак мойи солинадиган думалоқ жез банкасига қадалди.

У шу заҳотиёқ бу жойни тупроқ билан тўлдириди. Ва икки йил муқаддам якшанба тонгида улар Маккаслин, майор де Спейн ва Бун билан бирга Сэмни унинг овчи бурғуси, пичори ва трубкаси билан бирга кўмишган иккинчи қабрни қидирмади – искашнинг ҳожати йўқ эди. У ёнгинасида, эҳтимол ўзи тепкилаб турибди. Лекин бу муҳим эмасди. «Сэм, балким, тонгдан бери шу ерда, ўрмондалигимни билса керак» хаёлидан ўтказди у Сэм Маккаслин ва майор де Спейн келишига қадар ёттан, Бун билан бирга дағи супачасини ўрнатишган дараҳтта яқинлашар экан: мана, дараҳтга қоқилган, занглаган, ранги ўчган, анави устунларга ўхшаб кўзни ҳақоратламайдиган, бегона бўлса ҳам ўрмондан ўрнини топган, аллақачондан бери бўм-бўш, аввалги сафар қолдирган овқат ҳам, тамаки ҳам йўқ жез банка; у чўнтагидан тамаки, янги гулли рўмолча, Сэм яхши кўрган новвот халтачасини чиқарди – аммо булар ҳам

тойиб бўлади, сал нарига кетиши билан йўқолади — йўқ, қўёшдан яширилган бу жойларнинг қора тупроғини жодугар сўқмоқлар билан тўлдирган беҳисоб ҳаёт, яширинган, нафас олаётган, ҳар бир шох, ҳар бир япроқдан қандай қайрилаётгани, қирдан узоқлашаётганини кузатиб турган ҳаёт томонидан уқилган ҳолда ўзгаради.

Вақтини бой бериб ўтирмади, бу ер дафна эмас, Сэм ҳам, Шер ҳам ўлмаган, ер остида қисилиб ётишгани йўқ, балки беҳисоб бўлаклар, лекин ҳалок бўлмайдиган зарралар билан ҳар бир барг, ҳар бир шохдан жой олиб, ҳаво ва қуёшда, ёмғир ва шудрингда, чўчқа ёнғоқ, эман ва яна чўчқа ёнғоқда, тонг отиши ва ботиши, яна тонг отишида, ўзининг беҳисоблиги ва бўлакланғанлигига барҳаёт ва яхлит ер билан бирга эркин ҳаракат қилишмоқда. Қари Бен ҳам. Ҳа, Қари Бен! Улар айикقا панжасини қайтариб беришади, албатта қайтариб беришади — ва яна мусобақалашиш бошланади ва ов узоқ давом этади, аммо парчаланган юрак ҳам, яраланган тана ҳам бўлмайди... У сехрлаб қўйилгандай тўхтади. Навбатдаги қадамини қўйиш учун оёғини ердан узганича қотиб қолди, нафас олмасдан қотиб қолди, миясига Эшнинг огоҳлантириши урилди, қулоқлари остида унинг овози жаранглади, ва у — Айзек Маккаслин дунёга келмасидан бурун таъқиб қилиб келадиган, ҳадик эмас, қўрқоқлик эмас, балки илонга қараганда ҳам кўҳна қўрқинч босиб келди, кескин зарба берди. У — алоҳида маҳлук, азалдан лаънатланган, ўлим келтирадиган, узун, олти фут<sup>22</sup>дан ортиқроқ ва қари, қачонлардир ёрқин бўлган навқиронлик жилолари хира тортган, ўчган, судралиб ва яшириниб юрадиган ўрмон манзарасида кўзни қамаштирмайдиган ҳолича ҳали ҳалқа бўлиб эшилмади, шақилдоғи билан сас чиқармади, факат таяниш учун

---

<sup>22</sup>Фут (ингл. «foot» — «товор» сўзидан) — масофани ўлчаш бирлиги, одатда «халқаро» ёки «инглиз» фути фарқланиб, у 0,3084 метрга teng.

қалин шиддатли илмогини (у ҳам ҳадиксиз, ҳозирча фақат сокин таҳдиð билан) тизза даражасида ёнига ташлади, турган жойидан бир қадамдан ҳам кам масофадаги бошини бироз орқага тортди; ҳатто унинг бўш, чириётган бодрингларнинг кўнгилни айнитадиган ва яна аллақандай номсизларнинг, ҳамма нарсадан ҳорғини хабардорлик, ҳўрланганликнинг ҳиди келарди. Ниҳоят илон қимиirlади. Бошини аввалгидек юқори ва қийшайтирган ҳолда ушлаганча четга судралди ва та-насининг кўтарилган учдан бир қисми боши билан оғирлик ва мувозанат қонунига зид равишда ҳаракатланаётган икки оёқли алоҳида мавжудотни ташкил этишига ўхшарди — узоқлашаётган бош кетидан оқаётган бу соя — буларнинг ҳаммаси судралиб кетаётган бир илон эканлигига ишонгинг келмасди; у онгиз равишда қадам қўйишини тугатди ва бир қўлини кўтарганча тик туриб, бундан олти йил илгари уни овчилар сафига қабул қилишаёттанди. Сэм ҳам худди шундай ростланганича, буғу ортидан боққанича оғзидан чиқиб кетган индеецларнинг «Авлоднинг боши — Одам Ато» сўзларини такрорлади.

У томонидан дарҳол идрок этилмаган — қаердадир худди бақувват ва ишга астойдил киришган одам у қадар тез-тез эмас, аммо нима сабабдандир, жаҳли чиқарилганидан бўлса керак, бироз қаҳр ила милтиқ стволи билан рельсга тушираётгандек салобатли ва жарангли тақиллаётган овоз бевосита қачон биринчи бор қулоғига эшитилганини айтиш қийин эди. Уч юз қадамча нарида, демак шу тарафда бўлса ҳам бу ердан камида икки миля узоқлиқдаги темир йўлда тақиллатишмаётганди. Шу заҳотиёқ у қаерда тақиллатиштаётганликларини тушунди: тақиллататаётган ким бўлмасин ва бу нимани англатмасин, товуш ўрмон четида, Бун учрашишни тайинлаган дарахт ёнидан келарди.

Шу пайтгача у нигоҳидан ер ва дарахтларни ўтказиб, овчига хос оҳиста ва сассиз одим отиб келарди. Энди милтиқдаги ўқни ўқдоидан чиқариб ва уни чака-

лакзорлар орасидан олиб ўтиш осон бўлиши учун қўндоғи билан олдинга ва пастга қаратиб, металлнинг металлга узлуксиз, қаҳрли ва гаройиб урилишидан чи-қаёттан товуш томон йўлга тушди ва майсазорга, тўппатўғри ёлғиз дараҳт ёнига чиқди. Биринчи қараашда унга дараҳт жонланиб кетгандек тутолди. Дараҳт жунбушга келган олмахонлар билан тўлиб-тошганди, уларнинг қирқ ёки элликтаси шоҳдан-шоҳга сакрар ва югуран, дараҳт танасини ақлдан озган япроқларнинг чексиз бўхронига айлантирган, улар орасидан икки ёки уч олмахон сакраб чиқиб, пастга шўнғир, аммо учиб борар эканлар, гўё бу ҳайвонларнинг шиддатли гирдоб уларни ўз домига олганидек, яна орқасига қайтардилар. Ке-йин у Бунни кўрди. Бун орқаси билан дараҳтга суянган, бошини эгтан ҳолда ўтирас ва ўта ғазабнок тақиллатарди. Тўқмоғи қисмларга ажратилган питра милтиғининг стволи бўлиб, у билан чоти орасига қисилган қозонга туширади. Атрофда бўлакланган, ўн-ўн бештacha келадиган бошқа қисмлар сочилиб ётарди. Бун эса қизарган, терта боттан қийшиқ юзини згиб, ствол билан қозонни телбаларча тинмай ногора қиласди. У ким келаёттанилигини кўриш учун бошини ҳам кўтартмади. Тақиллатишини давом эттирас экан, ҳаво етмасдан, бўғилиб ҳайқирди:

— Бу ердан йўқолларинг! Бирортасига тегма! Улар меники! Ҳаммаси меники!

## ЭМИЛИ УЧУН АТИРГУЛЛАР

*Иброҳим Faфуров<sup>\*</sup> таржимаси*

### I

Мисс Эмили Грирсон ўлганда, уни кўмиш учун бутун шаҳар йифиди: эркаклар қулаган маъбудга эъзозикром юзасидан, хотинлар эса камида ўн йил инсон қадами етмаган хонадонни ўз кўзлари билан кўргани ичлари ошиқиб келдилар, чиндан ҳам бу эшикка ҳам боғбон, ҳам ошпаз бўлган қари хизматкордан бошқа ҳеч ким яқин йўламасди.

Синчкор қилиб қурилган ҳайҳотдай чорси уйнинг сувоқлари кўчганига не замонлар бўлган, етмишинчи йилларнинг ҳавойи алфозида гумбазчалар, найзадор қуббалар, жимжимадор балконлар билан безатилган бу иморат шаҳримизнинг бир маҳаллар оқсуяклар маҳалласи деб саналган кўчасида жойлашган эди. Замонаси келиб гаражлар ва пахта йигириувчи заводлар бу ердан энг кибор хонадонларни ҳам қисиб чиқарди ва фақат Грирсонларнинг кўхна тарзли иморатигина худди беллашсанг, беллашман дегандай пахта ортилган фургонлар ҳамда бензин қуядиган станциялар узра кибр ва қийиклик ила кеккайиб турарди. Мана энди қазо соати етиб, мисс Эмили ҳам қарағай буталари ўсиб ётган шаҳар мозоридаги ўз жойига равона бўлди, бу мозорликда ҳамон Жеферсон яқинидаги жангда ҳалок бўлган федерал қўшинлар ва конфедерат солдатларининг (улар

---

\* Иброҳим Faфуров – таниқли таржимон ва мунаққид, «Гўзаликнинг олмос қирралари», «Жозиба», «Прозанинг шоири» каби қатор адабий-танқидий мажмуалар муаллифи. «Телба», «Жиноят ва жазо», «Қиморбоз» (Федор Достоевский), «Алвидо, қурол!», «Чол ва денгиз» (Эрнест Хемингуэй), «Азизим» (Ги де Мопассан) «Улисс» (Жеймс Жойс), «Зардушт таваллоси» (Нитше) каби жаҳон адабиётининг нодир намуналарини ўзбек тилига ўтирган.

ицида номсиз ҳам кўп) сўнгти оромгоҳлари сақланиб келар эди.

Мисс Эмили ҳаёт экан, шаҳар ўз устига олган қадим анъана, қарздорлик ва ўзига хос маънавий бурчнинг мужассам тимсоли эди, бу нарса Жеферсоннинг мэри полковник Сарторис 1894 йилда (бу – негр аёлларга шаҳар кўчаларида этаксиз юришни ман қилган ўша Сарторис эди) қизнинг отаси ўлгандан сўнг дарҳол уни солик тўлашдан бир умрга озод қилгандан бери давом этиб келарди. Бу мисс Эмилига ҳайр-эҳсон бўлиб туюлмади. Полковник Сарторис қизнинг отаси бир замонлар шаҳарга пул қарз бериб турган эди, деган чигал бир баҳонани ўйлаб топди, ўша қарзни шундай йўл билан осонроқ кўчар экан. Бундай нарсани полковник Сарторис авлодига мансуб одамгина тўқиб чиқариши мумкин эди.

Бироқ шаҳар муниципалитетига бошқа бир даврда тарбияланган, замонавийроқ фоялар эгаси бўлмиш янги одамлар насллари келишганда, ушбу аҳднома маълум бир норозиликларга сабабчи бўла бошлади. Янги йилнинг биринчи куни мисс Эмилига солик тўлаш ҳақида баёнот жўнатилди. Февраль кирди, лекин жавоб йўқ эди. Унга ўзингизга қулай бўлган вактда шерифнинг идорасига келиб учрашинг деган расмий хат ёзилди. Яна бир ҳафта ўтгач, мэрнинг ўзи унга хат ёзиб, ё мен ҳузурингизга борай ва ё сизга автомобиль юборай, ўзингиз келинг, деб хабар қилди ва қадимий қороз вагрига ранги ўчиб кетган сиёҳ билан бениҳоя нафис ҳуснихатда ёзилган жавоб олди. Хатда маълум қилинишича, мисс Эмили узоқ вактлардан бери эшикка чиқмас экан; хатта ҳеч қандай изоҳсиз солик ҳақидаги баёнот ҳам қўшиб жўнатилган эди.

Муниципалитет маҳсус мажлис чақирди ва мисс Эмили ҳузурига делегация жўнатилди. Делегация саккиз-ўн йиллардан бери ташқаридан келувчиларга тимтирас беркилган эшикни тақиллатди. Эшик чиннига гул солиш дарслари тутагандан бери очилмаган эди. Қари

негр уларни қоронги пастки залга олиб кирди, бу ердан яна ҳам қоронғироқ бўлган юқорига пиллапоя билан кўтариilar эди. Уврин-тўда ва чанг ҳиди анқирди, ҳаво чирик ва дим эди. Негр уларни вазмин чарм мебеллар қўйилган меҳмонхонага олиб кирди. У дeraзалардан бирининг тўсифийи очган эди, чармларнинг ёрилиб кетгани кўзга чалинди, хонага кириб келган қуёшнинг бир толим нури ўриндиқлар узра кўтарилиган тўзон издиҳомларни ёритди. Камин олдидаги униқдан тилла суви югуртирилган мольбертда мисс Эмили отасининг пастеда ишланган сурати турарди.

Улар бошдан-оёқ қора кийинган, тилла занжир остангани, занжири белигача тушиб, сўнг кенг белборг ичрафайиб бўлган, паст бўйли, тўлачагина хотин қора оғочдан ишланган, дастаси хира олтиндан қуббаланган асотга таяниб кириб келганда, ўринларидан турдилар. У бўйчан, суяги нозик эди, шунинг учун ҳам бошқа пайтда тўлалик бўлиб кўринадиган ҳол ҳозир хом семизлик каби туюлар эди. Унинг вужуди худди узоқ вақт ботқоқдик тагида ётгандай шалвайган ва шишганга ўхшарди. Мурданикайдай туссиз бетининг семиз ўрмаларида хамир бўлагига тиқиб қўйилган икки бўлак кўмирдай кўзлари биқинган эди. Мушрифлар нега келганликларини баён қилишаркан, бу кўзлар уларни бирма-бир сузиб чиқди.

Уларга ўтиринглар ҳам демади. У эшикда туриб жимгина қулоқ солди, гапираётган киши тутилиб жим бўлиб қолди. Шунда ҳаммалари олтин занжирнинг учидаги беркингандо соатнинг чиқиллаб юраётганлигини баралла эшилдилар.

У совуқ ва қуруқ оҳангда деди: «Мен Жефферсонда солиқ тўламайман. Менга буни полковник Сарторис тушунтирган. Ичингиздан истаган киши агар қизиқса, шаҳар қоғозларига қараб кўрсин».

— Биз шундай қилдик, мисс. Биз шаҳар идорасиданмиз. Наҳот сиз шериф имзо чеккан хатимизни олмаган бўлсангиз?

— Ҳа, бир нима келгандай бўлувди, —деди мисс Эмили.  
— Демак, у ўзини шериф деб ҳисоблар экан-да... Лекин мен Жефферсонда солиқ тўламайман.

— Шаҳар қорозларида ҳеч қаерда бундай эслатма йўқ.  
Биз афтидан...

— Полковник Сарторисга учрашинглар. Менинг Жефферсондан ҳеч қандай қарзим йўқ.

— Лекин мисс Эмили...

— Сарторис билан гаплашиб кўринглар (Полковник Сарториснинг ўлганига чамаси ўн йилча бўлиб қолган эди). Менинг Жефферсондан ҳеч қандай қарзим йўқ.  
Тоб! — Эшикда негр пайдо бўлди. — Жентльменларни кузатиб қўй.

## II

Хуллас калом, у ғалаба қилди, уларнинг пиёдалари ва отлиқларини буткул тору мор этди. Ўттиз йил бурун ҳид хусусида гап чиқсанда уларнинг оталари устидан у худди мана шундай ғалаба қозонганди. Бу отаси вафот этгач, икки йилдан сўнг рўй берганди, ўшанда биз ҳаммамиз энди тўй бўлади деб турганимизда, қаллири бирдан ташлаб кетиб қолган эди. Отасининг ўлимидан сўнг у эшикка камдан-кам чиқар, қаллири қочиб кеттач, у сира қорасини кўрсатмай қўйди. Шаҳар хонимлари бир неча маротаба мисс Эмилини кўрмоқчи бўлиб уриндилар, лекин уларни қабул қилмади. Хонадонда ҳали ҳаёт нишоналари сўнмаганлигини негр — у пайтлар ёш йигит эди — онда-сонда кўлида сават билан майда-чуйда харид қилгани эшикка чиққанидангина билса бўларди.

— Нима деганингизда ҳам эркак — эркак-да, товоқ-кошиқни эплай олмайди, — дейишарди хонимлар, шунинг учун ҳам ҳид тарқалганда ҳеч ким бундан ажабланмади. У шу дағал ва жўн кишилар дунёси билан улар узра баланд қад кўтарган улуғвор Грирсонларни боғлаб турган мисоли бир ҳалқа эди.

Бироқ мисс Эмилининг қўшниси шаҳар мэри, саксон яшар судья Стивенсга шикоят қилди.

— Мендан нима истайсиз, хоним? — деб ўсмоқчила-  
ди судья.

— Унга айтинг, бир чорасини кўрсин.

— Хўш, бунга ҳеч қандай зарурат йўқ, — деди судья Стивенс. — Негр хизматкори ҳовлида илонми ё қала-  
мушми ўлдирган бўлса керак-да. Мен у билан гапла-  
шиб кўраман.

Эртасига яна икки кишидан шикоят тушди — улар-  
нинг бири эркак эди, у қўшнисидан бутунлай фарқли  
ўлароқ ғоятда эҳтиёткорлик ва назокат билан сўйлади.

— Бир нарса қилмаса сира бўлмайди, судья. Мен  
ўлсам ҳам мисс Эмилиниң тинчини бузишни иста-  
масдим, лекин ҳимадир қилиш керак.

Кечқурун шаҳар кенгаши чақирилди: учта оппоқ со-  
қолли мўйсафид ва яна ёшроқ бирори — келажак насл-  
лар даракчиси.

— Бош қотириб ўтирадиган жойи йўқ, — деди у. —  
Унга хат ёзиб юбориш керак, уйини тартибга келтириб  
кўйсин. Бир озгина фурсат берайлик, агар шунда ҳам  
нафи тегмаса...

— Э, йўқ, бўлмайди, сэр, — унинг сўзини кесди  
судья. — Ким ледининг юзига қараб туриб, сасиб ке-  
тяпти дейди.

Шундай қилиб, эртаси қуни кечқурун тўрт эркак  
мисс Эмилиниң кўк бута деворини ошиб ўтдилар-да,  
худди қароқчилардай пусиб биқинганча ҳовлини чарх  
уриб айланиб, барча тешик-ёриқларни исказб кўришди,  
орқадаги бириси эса елкасига осган қопдан ҳимадир  
олиб дон сочгандай сочди. Уйнинг ертўласига, ҳовли  
юзасидаги барча иморатларнинг атрофига улар хлорли  
оҳак сепиб чиқдилар. Сўнг бута девордан ошиб кетаёт-  
ган чорларида шу пайтгача қорайиб турган дераза ой-  
насига бирдан ёруғ тушиб, унда шам қотган маъбуд  
каби мисс Эмилиниң қораси кўринди. Улар бу ердан  
аста пусиб ўтиб, кўча ёқаларида ўстан дараҳтлар қора-  
сида кўздан йўқолдилар. Бир-икки ҳафта ўтиб, ҳид бу-  
тунлай билинмай кетди.

Ана ўшандан бошлаб, одамлар мисс Эмилига юракла-ри ачиб қарайдиган бўлиб қолдилар. Унинг холаси Уайет кампир охири бориб миясини еб қўйганлигини эслаш-ган одамлар, ниҳоят, бу Грирсонларнинг ўзлари доим тақаббур бўлганлар, деган холосага келдилар. Ҳар қалай, қариндош-уругларининг назарида мисс Эмилига мос келадиган йигит бизнинг шаҳарда топилмас эди. Мисс Эмили билан унинг отаси эшик олдига қандай қилиб чиқиб турганлари ҳали ҳозиргача ҳам кўз ўнгимиздан кетмайди. Отаси олдинда оёқларини керганча, қўлида қамчисини маҳкам қисиб турди, унинг пича орқасида — ланг очиқ эшикнинг ўртасида оппоқ кийинган мисс Эмилиниң нозиккина қомати. Шунинг учун ҳам қизнинг ёши ўттизга чиққанда ва у ҳамон турмуш қурмаганда, бутун шаҳар заҳарханда қилди десак бўлмас-ку, лекин ҳар ҳолда, ундан ўчини олиб аламидан чиққандай бўлди. Агар, ким бўлмасин, бирор унга талабгор бўлганда эди, ҳатто телба холасидан ҳам ҳайиқиб ўтирумай, дарров кўниб қўя қоларди-да, деб ўйлар эдик биз.

Отаси ўлгандан кейин унга уйдан бошқа ҳеч нарса мерос қолдирмагани маълум бўлди, яшириб нима қилдик, бундан кўплар қувонишиди. Ана энди у ҳақда ғамхўрлик қилиш мумкин деган қарорга келдик биз. Мисс Эмили ҳам муҳтожлик ва кимсасизликда яшаб кўрса, доим учини учига етказолмай фифони кўкка чиқиб, мудом қўрқинч ичиди кун кечириш нима эканлигини билади.

Ота ўлимининг эртасига эрталаб шаҳарнинг барча хонимлари мисс Эмилига ҳамдардлик билдириш, мадад бериш учун одатга биноан жам бўлдилар. Уларни одатдагидек кийинган ҳолда эшиқда қарши олди. Кўзларида бир қатра ёш йўқ эди. Отам ўлгани йўқ, дер эди у яккаш, руҳонийлар ва докторларнинг мурдани олишга шунча уринишларига қарамай, уч кунгача у шу гапни такрорлашдан қолмади. Қонунда кўрсатилгани бўйича чора қўрмасак бўлмайди деб турганларида, у ниҳоят, рози бўлди ва мурдани тезлик билан дафн қилдилар.

Ўшандың биз уни ҳали телба деб ҳисобламасын. Мисс Эмили бекорга шундай қилаётганийтүк, деб мулөхаза қилар эдик биз, ахир унинг отаси қанчадан-қанча йигитларни эшигидан нари қувиб юборди, одам келмайдиган қилиб қўйди, энди эса қиз охирги бор нарсасини қўлдан чиқармасликка уринарди, одамлар одатан шундай қиладилар-ку.

### III

Кейин у узоқ бетоб бўлиб ётди. Уни яна қўрганимизда, сочи калта қирқтирилган ва шундан ёш қизчаларга ва тагин жиндаккина черковларга қўйиладиган маъюс ва ўйчан фаришталарга ўхшаб кетарди.

Худди ана шу пайтларга келиб, шаҳар ҳукумати қўчаларга йўлка ётқизишига қарор қилди, ишга одамлар ёлланди ва ёз кунларида (бу пайтга келиб унинг отаси ўлган эди) ишлар қизиб кетди. Шаҳарга Гомер Бэррон деган соchlари қора, қадди-қомати йирик, иш деганин чайнаб ташлайдиган, овози ўткир ва ўқтам, юзи офтобда корайган, кўзлари шишадай тиник ҳақиқий янки бошчилигида негрлари, улов ҳамда асбоб-ускуналари билан қурувчилар бригадаси келди. Болалар Бэрроннинг кетидан тўдалашиб чопиб юришар ва унинг негрларини қора терга тушириб ишлатиши, уларнинг қўшиқ айтиб чўкичларни бир маромда кўтариб ташлашларини завқланиб томоша килишарди. Тезда Гомер Бэррон бутун шаҳар билан апоқ-чапоқ бўлиб кетди. Кўчанинг бирон ерида одамлар тўпланишиб, хаҳолаб кулишаётган бўлса, билаверингки, демак, Бэррон ҳам шу ерда эди. Кўп ўтмай уни ва мисс Эмилини якшанба кунлари гидираклари сариқ, ёллаб олинган бир жуфт тўриқ от қўшилган усти очиқ икки ўринли коляскада биргалиқда сайр қилиб юришганини учратадилар.

Бошида биз ҳаммамиз қандай бўлмасин мисс Грисон яна ҳаётга қизиқиб қарай бошлаганидан қувондик, бунинг устига шаҳар хотинлари: «Э, қўйинглар, ахир

шу Гирсонлар шимолдан келган ва бунинг устига ёлланыб ишлайдиган одамни назар-писанд қилишармиди?» деганилари деган эди. Лекин ёшлари улуфроклар бошқача ўйлашарди: чинакам леди ҳатто бошига кулфат тушганды ҳам ор-номус тузукларидан чиқмаслиги керак, деб ҳисоблашарди улар, лекин бу сўзларни оғиз очиб айтишмасди. Улар оддийгина қилиб: «Шўрлик Эмили. Қариндош-уруглари унга қарашса бўларди», деб қўйишарди. Қизнинг рости билан ҳам Алабамада қариндош-уруглари бор бўлиб, бироқ отаси улар билан ақлдан озган Уайет кампирнинг мулкини талашиб, шундан хонадонлар юз кўрмас бўлиб кетган эдилар. Чолни кўмиш маросимига Алабамадан ҳеч ким келгани ҳам йўқ.

«Шўрлик Эмили» деган сўзлар кимнингдир оғзидан чиқиши биланоқ дарҳол турли миш-мишлар ўрмалаб қолди. «У ерда бир нима бор деб ўйлайсизми?», деб сўрардик биз бир-бири миздан. «Албатта-да, бошқача бўлиши мумкинми?» Шундай қилиб, унинг орқасидан, якшанбанинг кўзни қамаштирадиган офтобидан тўсиб ёпиленган дераза тавақалари орқасидан, кўчадан ўтиб бораётган қурувчилар билан изма-из ивири-шивир қўзғали: «Шўрлик Эмили».

Гарчи ҳамма мисс Эмили ўзини тийиб юра олмади, деб ҳисобласа-да, қизнинг ўзи ҳамон бошини мағур кўтариб юрар, худди одамларнинг койиш, гап-сўзлари унга ўзининг ҳақлиги ва ягоналигига ишонч-эътимодини орттираётгандай, Гирсонлар наслининг сўнгги вакили шану шукуҳини ҳимоя қилиб, ҳар қачонгидан кўра ҳам кибриё эди. У дорихонадан каламуш дори, маргимуш сотиб олаётганды ҳам ўзини ана шундай тутди. «Шўрлик Эмили» деган сўзлар биринчи маротаба айтилганига ҳам бир йилдан ошиб, ниҳоят унинг ҳолидан хабар олгани икки холаваччаси келишди.

— Менга заҳар керак, — деди у.

— Хўп бўлади, мисс Эмили, лекин қанақасидан бўлсин? Каламушга бўлса керак-да? Мен сизга тавс...

— Менга энг яххиси керак — нима деб аталиши билан ишмй йўқ.

Аптекачи бир неча хил заҳарларни санаб чиқди.

— Улар филни ҳам қулатади. Лекин чамаси, сизга яххиси...

— Маргимуш, — деди мисс Эмили, — яхши заҳарми?

— Маргимуш? Ҳа, мэм. Лекин сизга...

— Менга маргимуш керак.

Аптекачи унга бошини кўтариб қаради, у заррача ўзгаргани йўқ; унинг шамдай қоттан чеҳраси полк туридай таҳдид соларди.

— Майли бўлмасам, — деди аптекачи. — Агар сизга худди шу заҳар керак бўлса. Лекин қонун бўйича, сиз уни нимага ишлатмоқчи эканлигинизни айтишингиз керак.

Мисс Эмили бошини пича орқага ташлаганча унинг кўзларига тик қараб туар, ва ниҳоят, аптекачи дош беролмай юзини ўтириди-да хонадан чиқиб кетди. У бошқа қайтиб келмади, маргимуш солинган қоғозни юурдак негр боладан бериб юборди. Мисс Эмили уйга кириб қоғозни очди, калла суюгининг расми солинган кутичанинг тагида: «Каламушларга қарши» деган сўзларни ўқиди.

#### IV

«У ўзини ўзи ўлдиради», дердик биз эртасига, шундай қилса ўзига яхши бўлади, деган холосага келди ҳамма. Улар Гомер Беррон билан энди-энди учрашиб юрганларида, унга турмушга чиқишига ҳамманинг ишончи комил эди. Буғулар Клубида ёшлиар билан чақчақлашиб туришни ёқтирадиган Гомер атрофдагиларга ўзининг бўйдоқ яшаш тарафдори эканлиги ҳақида оғиз кўпиртирганлигини эшишиб, «қиз уни эгиб олади», дердик биз кейинроқ. Кейин дераза тавақалари туширилгач, якшанба кунлари офтобда ярақлаб турган коляскада ёнларимиздан ўтиб боришаркан, биз: «Шўрлик

Эмили!», деганимиз деган эди. Коляскада мисс Эмилининг боши тик кўтарилган, Гомер Бэррон эса шляпасини бошига боплаб қўнқайтириб, оғзидан сигара тушмай, сариқ қўлқоп кийган қўлларида жилов ҳамда қамчинни маҳкам ушлаб борарди.

Шунда баъзи бир шаҳар хонимлари улар ёшларга ёмон ўрнак кўрсатишяпти ва шаҳримизнинг обруси ни ерга уришяпти, деб гап-сўз қила бошлишди. Эркаклар бу ишга аралашмасликни маъқул кўрдилар, лекин уларнинг хотинлари баптистлар руҳонийсини мисс Эмилини бориб кўришга кўндирилар, мисс Эмили барча қавму қариндошлари каби епископ черковига мансуб эди. Руҳоний бу учрашув қандай ўтганлиги тўғрисида ҳеч кимсага ҳеч нарса демади, лекин яна бир марта боришдан қатъий бош тортди. Келаси якшанба куни улар яна коляскада сайрга чиқдилар, яна бир кун ўтгандан сўнг руҳонийнинг хотини мисс Эмилиниң Алабамадаги қариндошларига хат жўнатди.

Нихоят, унинг уйига одамлар келишди ва биз буёғи нима бўларкин деб кута бошлидик. Аввалига ҳаммаси илгаригидай давом этаверди. Кейин биз улар барибир турмуш қурсалар керак, деб юрдик. Мисс Эмили заргар қошига борганмиш, унга эркакларнинг кумушдан ишланган анжомларини буюрганмиш, анжомларнинг ҳар бирига Г. Б. деган ҳарфлар ўйилиб ёзилармиш деган гаплар тарқалди. Икки кун ўтгач, у эркакларнинг кийим-кечакларини, ҳатто ички кўйлаккача қўшиб харид қилганлигини эшитдик. Ҳаммамиз енгил нафас олдик: «Улар уйланишибдилар». Чиндан ҳаммамиз юрак-юракдан хурсанд эдик. Биз яна шунга ҳам хурсанд эдикки, Эмилиниң ҳар иккала холаваччиси унинг ўзидан ҳам ўтиб тушган Грирсонлардан экан.

Шундай қилиб, шаҳар кўчаларида ишлар нихоясига етгач, бир оз вақт ўтиб Гомер Бэрроннинг йўқ бўлиб қолганлигидан ҳеч ким ажабланиб ўтирмади. Тўй ҳақида ҳаммага эшиттириб эълон қилинмагани бир оз шаштимизни туширди, лекин Гомер мисс Эмилиниң

келишига ҳаммасини ҳозирлаб қўйиш учун кетган бўлса керак ёки бўлмаса, қизга холаваччаларидан қутилишга имкон туғдиргандир (холаваччаларга қарши бутун бошли фитна тузилган, ҳаммамиз мисс Эмили томонида эдик), деган фикрда эдик. Ростдан ҳам яна бир ҳафта ўтиб, унинг қариндошлари жўнаб кетишиди. Ҳамма куттандек, уч қундан сўнг Гомер Бэррон яна шаҳримизда пайдо бўлиб қолди: шом қорониси тушганда, негр хизматкор орқа эшикни очиб уни ичкарига қўйганлигини мисс Эмилининг аёл қўшниси кўрган экан.

Ўшандан бери Гомер Бэрронни бошқа ҳеч ким кўрмади. Мисс Эмили ҳам, ҳар қалай, бир оз вақт ўтгунча бутунлай кўринмай қолди. Негр хизматкор майдачуда олгани сават кўтариб чиқиб қолар, сўнг яна қайтиб кириб кетар, лекин катта эшик доим тим-тирс берк эди. Баъзан деразадан мисс Эмилининг қораси кўзга чалинар (кечаси унинг ҳовлисига оҳак сепиб чиқишганда шундай бўлган эди), лекин ярим йилгача у кўчага қадам босмади. Биз буни ҳам тушунса бўлади деб ҳисоблардик – чунки унинг аёллик қисматининг очилиб кетишига шунчалар қаршилик қилган отасининг руҳи, афтидан, ҳаддан ташқари қудратли ва яшовчан бўлса керак эди.

Мисс Эмили, яна қайтиб кўрганимизда, бироз тўлишган, соchlарига эса оқ оралаган эди. Йиллар ўтган сайин оклари кўпайиб, ниҳоят, улар мурч билан туз аралашган тусга кирди. Файратли, ишта чанқоқ зеркакларнинг соchlари одатда шундай оқаради. Мисс Эмили етмиш тўртга кириб дунёдан кўз юмгунча унинг соchlари шундайлигича қолди.

Шу вақт ичида хонадоннинг катта эшиги бир марта ҳам очилмади. Мисс Эмили чиннига гул солишдан болаларга дарс берган олти-етти йил (ўшанда у қирқларга бориб қолганди) бу ҳисобга кирмайди. У пастки қаватдаги хоналардан бирини дарсхонага айлантириди, полковник Сарторис қурдошларининг қизчалари ва набиралари унинг олдига қатнай бошладилар, қатнаганда ҳам

худди якшанба кунлари йигирма беш цент танга хайр-эҳсон учун олиб черковга келгандай бир кайфият ва мунтазамлик билан қатнардилар.

Лекин мана шаҳарнинг қалби ва вужудига айланган янги насл юзага чиқди. Мисс Эмилиниң шогирдлари катта бўлиб вояга етишди ва унинг қошига болаларини юбормай қўйишди, бўёқлар, чўткалар, журналлардан қирқиб олинган суратлар шу қадар жонларига тегиб кетган эди. Катта эшик сўнгти шогирд ортидан гурсиллаб ёпилдию бошқа ҳеч қачон очилмади. Шаҳарда текин почта хизмати йўлга қўйилганда ёлғиз мисс Эмили уйига тунука тахтacha ва почта қутиси қоқиб қўйишни ман қилди. Уни кўндиromoқчи бўлиб уриндилар, лекин у ҳеч кимнинг гапини эшитишни истамади.

Кун кетидан кун, ой кетидан ой, йил кетидан йил ўтар, биз эрталаблари озиқ-овқат харид қилгани чиқ-қанда негрнинг соchlари тобора оқариб, беллари тобора букилиб бораёттанлигини кўрадик. Ҳар декабрь ойи келганда мисс Эмили солиқ тўлаш ҳақида баёнот олар ва ҳар сафар бир ҳафта ўтгач, уни очмасдан орқасига қайтариб жўнатар эди. Онда-сонда уни пастки қаватдаги хоналардан бирининг деразасида кўриб қолардилар — чамаси юқори қават хоналари ҳамон берк эди — у қотиб туар, мисоли тошдан йўниб ишланган маъбудга ўхшарди. У бизлардан биронтамизни кўрармиди-йўқми, аниқ билиб бўлмасди. Насллардан наслларга худди мана шу алфозда ўтиб борар эди бу ҳаммамизга яқин ва ажойиб, безабон, ўқ ўтмас, сув тешмас, қайтмас ва тонмас аёл.

Шундай қилиб, у оламдан ўтди. Қариб-чуриб пуртурдан кетган негр хизматкордан бошқа қарайдиган одами бўлмай, чанг-губор ва қоронилик қоплаган уйда касалланиб ётиб қолди. Ҳатто шаҳарда ҳеч кимса унинг касал ётганлигини билмас, биз қари хизматкордан сўраб-нетиб туришликин аллақачонлар йигишириб қўйгандик. Хизматкор ҳеч ким ва ҳатто бекаси билан гаплашмас, худди узоқ замонлар ишлатилмай ётгани-

дан занглагандай товуши хирқираб чиқадиган бўлиб қолганди.

У пастки қаватнинг хоналаридан бирида ёнғоқдан ишланган, атрофи парда билан тўсилган каттакон кара-вотда жон берди. Унинг оппоқ оқарган боши қуёш нурларини сира кўрмаган, вактнинг забтига дош беролмай саргайган ва мөғор босган болишга сокин чўккан эди.

#### ▼

Биринчи бўлиб келган хотинларни негр эшикда кутиб олди ва ичкарита олиб кирди. Бўғиқ шивир-шивир шилдиради, нигоҳлар олазарак чопдилар. Негр эса шудамдаёқ ғойиб бўлди. У уйнинг барча хоналаридан ўтиб бориб, орқа зинадан пастга тушди-да, шунинг билан бошқа ҳеч ким ҳеч қачон уни кўрмади. Кўп маҳтал қилмай тезда унинг икки қариндоши ҳам етиб келишиди ва эртасига бутун шаҳар мисс Эмилини кўмиш маторсимиға йигилди. У гулларга кўмилиб ётар, бош томонида отасининг пастелда ишланган теран ўйга ботган сурати осиғлиқ турар, атрофда эса шаҳар хонимлари ғамбода бир қиёфада фуж бўлиб, пичир-пичир қилишарди. Эшик олдида ва ҳовлида мўйсафиҳ кариялар ўтиришар, уларнинг айримлари конфедерат қўшинларининг артиб-тозаланган либосларини кийиб олишган, уларнинг хотираларида мисс Эмили худди уларга tengқурдай гавдаланаар, назарларида улар мисс Эмили билан неча-неча бор рақсга тушгандай ва ҳаттоқи неча-неча мароталаб унинг қўлини сўрагандай бўлардилар. Барча кексайган одамлар каби улар воқеалар ҳамда саналарни чалкаштириб айтишар, ўтмиш улар назарида олис-олисларда йўқолиб кетадиган арава изимас, кенг, абадий ям-яшил ўтлоқ эди, бу ўтлоқ бизнинг кунларимиздан фақат сўнгги ўн йил ичидаги тор жарлик билангина ажралган эди.

Уйнинг тепа қаватида қирқ йилдан бери инсон қадами тегмаган, эшиги қулфлаб ташланган хона борлиги

ҳозир маълум бўлган эди. Мисс Эмилиниң жасади ап-  
пон-саппон ўз қабрига қўйилгандан сўнггина бу хона-  
ни бузиб очдилар.

Худди янги келин-куёвлар туродигандай қилиб яса-  
тилан ва жиҳозланган хонанинг узоқ йиллар ўтириб  
қолган чанг қаттиқ ҳаракат туфайли бирдан тўзиб кет-  
ди. Уй ичи ачимсиқ гўр ҳидига тўлганди. Ранги ўшиб  
кетган пушти кимхоб чойшаб қатлари, чироқларнинг  
пушти соябонлари, биллур шишачалар ва кумушдан  
ишлиланган, соч-соқол анжомлари сочилик мўъжаз стол-  
чалар — ҳаммаёқ гардга қопланганди. Кумуш буюмлар  
шунчалар ҳам хиралашиб кетгандики, энди уларга ўйиб  
ёзилган бош ҳарфларни кўриб бўлмасди. Шу ернинг  
ўзида худди ҳозиргина ечиликандай ёқа ва галстук ётар-  
ди, уларни ердан кўтариб кўрганларида чанг пардаси  
ичра ярим гардиш аниқ из қолди. Стулнинг суюнчиғи-  
да текислаб ташлаб қўйилган костюм осилиб турарди.  
Полда ботинкалар, уларнинг ёнида пайпоқлар ётарди.

Эр кишининг ўзи эса каравотда эди.

Жағи иршайиб очилиб қолган қўрқинчли бош сувак  
чаноғига қараганча анчагина жим туриб қолдик. Мур-  
да худди кимнидир қучоқлагандай бўлиб ётарди, лекин  
муҳаббатдан боқийроқ узун уйқу вақт ўтиши билан  
унинг барча аъжубаликлари ва найрангларини текис-  
лаб, ундан маъшуқасини тортиб олгандай эди. Унинг  
суюклари узра тунги кўйлақнинг чурик парчалари лах-  
таланиб ётарди. Ўлик худди каравотга сингиб кетган-  
дай эди. Лош ҳам, унинг ёнидаги болиш ҳам бир текис  
хоки туробга ботганди.

Ва фақат шу ондагина биз иккинчи ёстиқда енгил-  
гина бош изи қолганлигини кўрдик. Ичимииздан ким-  
дир қўли билан изни пайпаслади ва олдинга энкайиб,  
кўзга ташланмас тўзоннинг қуруқ ва аччиқ ҳидини ди-  
моқقا торти, шунда биз бўз ранг, пўлат тусли узундан  
узун соч толасига кўзимиз тушди.

## ТҮЗОНЛИ СЕНТЯБРЬ

*Иброҳим Рафуров таржимаси*

### I

Олтмиш икки күндан бери ёмғир ёғмас – сентябрь ойининг қонталаш хуфтон чоғларидан бирида худди қуриган ўтта ўт чақилгандай миш-мишми, ҳангомами, нима деб атаманг, тарқалди. Мини Купер билан негр тўғрисида аллақандай тавғо. Унга ёпишган эмишлар, уни қоралатган эмишлар, қўрқитган эмишлар; шанба куни кечқурун сартарошхонага тўпланган кишиларнинг биронтаси ҳам аслида нима бўлганини билмас эди. Сартарошхона шифтида вентилятор пириллаб айланар, лекин дим ҳавони тозалаб беролмас, одамларнинг сассик нафас ва ҳидларини ўзларига қайтарар, хонада турли лосьон ва сурткilarнинг ислари кезарди.

— Лекин бу Уил Мэйзнинг иши эмас, — деди сартарошларидан бири. Ўрта ёшлардагиmallадан келган қотма, чеҳраси мулоийм бу сартарош шу тобда мусофир бир кишининг соч-соқолини олмоқда эди. — Мен Уил Мэйзни биламан. У қора бўлса ҳам, ўзи ёмон йигит эмас. Минни Куперни ҳам биламан.

— Сен уни нимасини биласан? — деди бошқа сартарош.

— У ким ўзи? — сўради мусофир. — ёшгина қизчадир-да?

— Йўғ-э, — деди сартарош. — Менинча, унинг ёши қирқларга бориб қолган. Турмуш қурмаган. Шунинг учун ҳам сира ишонгим келмайдики...

— Ишониш ёки ишонмасликка бу ерда бало борми! — деди ипак кўйлак кийган, терлаб кетган, хатти-ҳарачатлари ўхшовсиз киши. — Кимнинг сўзи муҳим, оқ хотиннингми ёки қорачалпакнинг?

— Мен Уил Мэйз шундай қилишига сира ишонмайман, — деди сартарош. — Уил Мэйзни биламан.

— Унда балки буни ким қилганини ҳам биларсан? Қорачалпакларни бунчалик яхши кўрар экансан, балки шаҳардан чиқиб қочишига ёрдам бергандирсан?

— Умуман, бироннинг шундай иш қилишига ишонмайман. Бир нарса бўлганлигига ишонмайман. Ўзингиз ўйлаб кўринг. Эри йўқ хотинлар ёшлари ўтган саин хәёлларига ҳар хил нарсалар келаверади, шуни ҳам билмайсизларми, ахир, одамга...

— Шуям оқ танли киши бўлдими! — деди мусофири. У пешбанқ тагида питирлаб қолди. Йигитча дик этиб ўрнидан туриб кетди.

— Нима, ишонмайсанми? — деди у. — Демак, сенингча, оқ танли хотин ёлғон гапираётган экан-да?

Сартарош устарасини ўрнидан туриб кетай деяётган мижознинг тепасида тутиб турди. У атрофига қарамасди.

— Э, ҳаммаси шу ҳавонинг ёмонлигидан, — деди бошқа сартарош. — Бундай ҳавода одамнинг қўлидан ҳамма нарса келади. Ҳатто Минни Купернинг ҳам.

Ҳеч ким кулмади. Сартарош мулоим, лекин қатъий деди:

— Мен ҳеч кимни ҳеч нарсада айбламайман. Мен фақат шуни яхши биламанки, сизлар ҳам болалар яхши биласизларки, аёл киши агар уни ҳеч ким ҳеч қачон...

— Бор, ўзингнинг негритосларинг билан оғиз-бурун ўпишавер! — деди йигитча.

— Оғзингни юм, Чўян, — деди бошқаси. — Гапнинг нимада эканлигини аниқлаймиз, ҳали вақтимиз кўп олдинда.

— Ким? Ким аниқлайди? — деди йигитча. — Топган гапингизни қаранг! Эй, мен...

— Сен чин оқ танли экансан, — деди мижоз. Соқолига совун суртиб қўйилганидан у худди кинолардаги ковбойларга ўхшаб кетарди. — Уларга тушунтириб қўй, йигит, — деди у ўсмирга. — Агарда шаҳарларингда оқ танли эркаклар қолмаган бўлса, мана, мен бор, борйўғи мусофири гумашта эканлигимга ҳам қараб ўтирамайман.

— Менга қаранглар, болалар, — деди сартарош. — Аввал ҳақ-нохақни билинглар. Мен Уил Мэйзни танийман.

— Ана холос! — деб қичқирди йигитча. — Тавба, бизга ҳамشاҳар бўлган оқ танли киши...

— Жим, Чўян, — деди иккинчиси... — ҳали вақтимиз етарли.

Мижоз ўтирган жойида қаддини ростлади. У гапи-раётган одамга қаради.

— Сизнингча, демак, қорачалпак оқ танли хотинга ташланса, индамай ўтиравериш керак экан-да, а? Яна сиз оқ танли бўла туриб, уни оқлайсизми, мен сизни тўғри тушунибманми? Яхиси, қаердан келган бўлсангиз ўша ерга — шимолга туёғингизни шиқиллатиб қолинг. Бундайларнинг бизга сира кераги йўқ.

— Шимол бу ерда нима қилиб юриди? — деди бошқаси. — Мен шу ерда ўсганман.

— Ана холос! — деди йигитча. У нима қилмоқчилигини ёки нима демокчилигини эслагандай бир-бир ҳаммага ўқрайиб ва даргумон бўлиб қараб чиқди. Енги билан тер қўйилаётган танглайнин артди.

— Мен отимни бошқа қўяман, агар йўл қўйсам оқ хотинни мана шундай...

— Уларга тушунтириб қўй, йигит, — деди гумашта. — Худо номини тилга олиб қасам ичаманки, агарда улар андаккина...

Ойнаванд эшик шарақлаб очилди. Остоида оёқларини керганча гавдали бир одам қад ростлади. Оқ кўйлагининг ёқалари ечилган, бошида енгил шляпа. У қонталаш сурбет кўзларини ҳаммага бир-бир қадади. Бу одамнинг исми шарифи Мак-Лендон эди. У фронтда солдатларга бошчилик қилган, мардлиги учун медаль олганди.

— Хўш, — деди у, — Жефферсоннинг кўчаларида қорачалпак оқ хотинни bemalol зўрласа-ю, сизлар индамай чидаб ўтираверасизларми?

Чўян яна дик этиб ўрнидан туриб кетди. Ипак кўйлагидан мушаклари ўйнаб чиқсан елкаларига ёпишиб қол-

ганди. Иккала қўлтиғини таги намиқиб қорайган, ярим гардиш доғ бўлиб турар эди.

— Боядан бери айтаяпман шуни! Тўхтовсиз жавраяпман...

— Ростдан ҳам бир гап бор эканми ўзи? — сўради учинчи одам. — У хотин биринчи маротаба қилаётгани йўқ-ку, бундай ишни. Пенкертон тўғри айтди. Эсингиздами, бултур у дунёни бузиб айюҳаннос солгаи эди, ечинаётсам томдан бир эркак қараб турибди, деб?

— Нима? — деди мижоз. — Нима дедингиз?

Сартарош уни яна оҳиста жойига босиб ўтқиза бошлади, у креслосининг суюнчиғига ястаниб олди-да, бошини орқага ташлади.

Сартарош унинг елкасидан босиб турарди.

Мак-Лендон учинчи кишига ёпиша кетди.

— Хўп, нима бўпти! Онасини палон-пистон, бунинг нима аҳамияти бор! Нима сиз қораҷалпакларга шунгача ҳам бемалол йўл қўйиб бермоқчимисиз?

— Ана мен ҳам шуни айтаяпман! — деб қичқирди Чўян. Шундай деб у бемаъниларча узундан-узоқ сўкинди, нафаси оғзига тиқилиб қолди.

— Ўпкангни бос, ўпкангни бос, — деди тўртинчи одам. — Мунча кекирдагингни чўзаверма. Шовқинлаб нима қиласан?

— Рост, — деди Мак-Лендон, — шовқин солмай тинчтамиз. Ким мен билан боради?

У оёрининг учида туриб чайқалар, ҳаммага бир-бир назар соларди.

Сартарош мижознинг калласини креслога босиб, устарасини шайлади.

— Болалар, оддин ҳақ-ноҳақни аниқланглар. Уил Мэйзни мен биламан. Буни у қилмаган. Келинглар, яхшиси, шерифни чақириб, ишни жойида ҳал қиласиз.

Мак-Лендон қаҳр ва қатъиятдан тиришган башарасини унга ялт этиб бурди. Сартарош кўзини олиб қочгани йўқ. Улар турли ирққа мансуб одамларга ўхшар

эдилар. Бошқа сартарошлар креслоларда ястанишиб ётган мижозлар тепасида қотиб қолишиди.

— Демак, — деди Мак-Лендон, — сенга оқ хотиндан негрнинг сўзлари муҳимроқ экан-да, а? Бу дейман, қорачалпак билан оғиз-бурун ўпишиб қолибсан...

Учинчи одам ўрнидан туриб келиб Мак-Лендоннинг қўлидан тутди. Ўз вақтида у ҳам фронтда жанг қилгандардан эди.

— Кўйинглар, қўйинглар. Келинглар, бир миямизни жойига қўйиб ўйлаб кўрайлик. Ҳақиқатан нима бўлганлигини ким аниқ билади, қани айтсин?

— Мияни қотириб нима қиласиз! — Мак-Лендон силтаниб унинг қўлидан чиқди. — Ким хоҳласа, мен билан юрсин. Ким истамаса... — у юзидан қуйилиб келаётган терни енги билан сидираркан, ҳаммага кўз қадаб чиқди.

Уч киши ўрнидан қўзғалди. Гумашта креслода қаддини кўтарди.

— Қани, — деди у томогидан пешбандни сидириб оларкан, — латтангизни олинг бўйнимдан. Мен мусофир одамман, лекин худо номига қасам ичаманки, хотинларимиз, ова-сингилларимиз ва оналаримиз...

У пешбанд билан юзини сидириб, сўнг уни ерга улоқтириди. Мак-Лендон остоноада турганча қолганларни сўкиб ҳакоратларди. Ўтирганлардан яна бири туриб унинг ёнига борди. Бошқалар қисилиб-қимтиниб ўтиришиди, сўнг бир-бирларининг кўзларига тик қаролмай, бирин-сирин ўринларидан қўзғалиб, Мак-Лендонга қўшилишиди.

Сартарош этакни ердан олди. Уни бафуржা тахтай бошлади.

— Болалар, қўйинглар. Уил Мэйзнинг гуноҳи йўқ. Мен биламан.

— Кетдик, — деди Мак-Лендон. У шаҳд билан орқасига бурилди. Шимининг чўнтағидан оғир тўппончанинг қўндоғи чиқиб туради. Чиқдилар. Ойнаванд эшик орқаларидан қарсиллаб ёпилди, диққинафас ҳаво шанғиллаб кетди.

Сартарош устарани шошмасдан яхшилаб артди-да, жойига қўйди, қўшни ҳужрага кириб девордан шляпасини одди.

— Мен тезда қайтиб келаман, — деди у. — Бунга йўл қўйиб бўлмайди.

У кўчага югуриб чиқиб кетди. Бошқа икки уста унинг ортидан эшиккача келишди, шитоб билан очилиб-ёпилаётган эшикни қўллари билан тутиб, кўчага мўралағанча унинг кетидан қараб қолдилар. Ҳаво дим, ўлик эди. Оғиз-томоқлар қақраб қақшаган эди.

— Унинг қўлидан нима ҳам келарди? — деди сартарошлардан бири. Бошқаси пичирларди: «Ё раббим Исо, ё раббим Исо. Шўринг қурсин, Уил Мэйз, Мак-Лендоннинг разабига учрабсан».

— Ё раббим Исо, ё раббим Исо, — дея тўхтовсиз пичирларди бошқаси ҳам.

— Сенингча, ростданам бир гап бўлганмикан ўзи? — деди биринчиси.

## II

Унинг ёши ўттиз саккиз-ўттиз тўққизларга бориб қолган эди. У оғир bemор онаси ҳамда ҳеч нарсани писанд қилмайдиган заҳил, ориқ холаси билан бирга турарди. Улар кўп қатори йигма уйда яшар, у ҳар куни эрталаб соат ўн билан ўн бирнинг орасида бошига чеккаларига тўр тикилган қалпоқча илганча айвонга чиқар ва кун ярим бўлгунча ҳалинчак-креслода чайқалиб ўтиради. Тушлиқдан сўнг то жазирама иссиқ пасаймагунча уйга кириб ухларди. Кейин эса ёзда кияман деб тиккан уч-тўртта ҳарир кўйлагининг биронтасини кийиб марказга тушарди — бу ерда аёллар магазинлардаги таниш-билишларига учрашар, товарларни қўли билан пайнаслаб кўтарар, кўнглида ҳеч нарса оладиган нияти бўлмаса ҳам, совуқ, дағал товуш билан нарх талашарди.

У гарчи жуда атовли бўлмаса-да, лекин Жефферсонда ўзига тўқ ва тузук хонадонлардан эди, унинг

қадди-қомати анча нозик, кўриниши эса одмироқ эди, ўзини ращга тегадиган даражада ўқтам тутар ва шунга яраша кийинарди. Ёшлигида қадди-басти келишганлиги ва ерга урса кўкка сағчиши боисидан шаҳар жамоасининг казо-кузоларига тегишли кибор доираларда бир мунча вақт ўралашиб юришта мұяссар бўлди; ёшлар ижтимоий келиб чиқищдаги фарқларга унчалик эътибор бериб ўтирумайдилар, шунинг учун ҳам у дугоналарининг зиёфатларида қатнашар, улар билан биргаликда черковга борарди.

У эътибордан қолаётганлигини ҳаммадан кейин англади; у тўда ичида алангасининг ўткирлиги билан бошқалардан ажralиб турарди, лекин вақт ўтган сари бу тўданинг эркаклари тобора олифта-қуруқ, қизлари эса қасоскор бўлиб боришарди. Ана ўшандада унинг чехрасида мана шу ўнгайсиз-ўқтам ифода пайдо бўлди. У яна бирмунча вақт зиёфатларда, иморатларнинг салқин ва ҳоли айвонларида, кўм-кўк ўтлоқларда шундай бўлиб юрди. Бу ифода унга мисоли ниқоб ёхуд байроқ бўлиб хизмат қилас, кейин ҳақиқатни сира тан олишни истамаганлигидан унинг кўзларида ажабланиш юзага чиқди. Лекин бир куни кечқурун меҳмондорчилиқда у тасодифий ўзининг номини эшитиб қолди. Шундан эътиборан у меҳмонга чақирсалар, бормайдиган бўлди.

У ўзи билан бирга ўсан дугоналари турмушга чиқаётганлари, уйлик-жойлик, бола-чақалик бўлаётганлари, унга эса биронта эркак жиддийроқ бир ният билан мурожаат қилмаётганлигини кўриб турар, вақт эса жойида турмас, ўртоқларининг фарзандлари энди бўй чўзиб, тил чиқариб, бир неча йилдан бери уни «холажон» деб чақиришар, онлари эса уларга ўқтам товуш билан Минни хола ёшлигида қандай қилиб ҳаммани ақлдан оздирганлиги тўғрисида ҳикоя қилиб беришарди. Кейин шаҳарча одамлари унинг якшанба кунлари автомобилда банк кассири билан сайд қилиб юрганларига кўзи туша бошлади. Кассир қирқча кирган, анча басавлат киши эди, ундан доим сартарошхона ва ёки

виски ҳиди гупиллаб келиб турарди. У шаҳарчада биринчи бўлиб кичкина «қўнғиз» автомашина олган эди; яна шаҳарчадагилар биринчи маротаба автомобилда юрганда кийиладиган юзни тўсиб турадиган тўри бор шляпани Миннининг бошида кўрдилар. Ана ўшандада «шўрлик Минни» деган гап чиқди. «Лекин у катта, эстлик қиз бўлиб қолган, ақли-ҳушини йўқотмайди», дейишарди бошқа бирвлар. Шундан кейин Минни собиқ синфдош дугоналаридан болаларинг мени «холажон» эмас, «хонимой» деб чақиришсин, дея илтимос қила бошлади.

Жамоат уни йўлдан оздирувчилар қаторига қўшиб қўйганига мана ўн икки йил бўлмоқда, кассирнинг ҳам ишини Мемфисга кўчиргандигига саккиз йил тўлмоқда, у Жефферсонга фақат мавлуд куни келиб кетади, мавлудни у дарё бўйидаги овчилар клубида ҳар йили бўладиган бўйдоқлар зиёфатида ўтказади. Қўшнилар дарпардалар орасидан мавлуднинг биринчи куни зиёфат қатнашчиларининг кўчадан ўтиб боришларини томоша қилишар, кейин Миннининг олдига кириб, кассирнинг қанчалар очилиб кетгани, одамларнинг гапига қараганда, катта шаҳарда унинг ишлари юришиб, омади келгани ҳақида сўзлашар, шўх, маҳфуз кўзлари билан Миннининг ўнғайсиз-ўқтам чехрасига тикилишарди. Одатда, бундай соатларда Миннидан виски ҳиди келиб турган бўларди. Унга вискини сув дўконида турадиган бола келтириб берарди:

— Рост, кампир учун сотиб оламан. Жуда бўлмаганда шундан хурсанд бўлиб юрсин.

Миннининг онаси энди ўз хонасидан қимиirlамайдиган бўлиб қолганди; уй юмушларини рамақижон холаси бажаарди. Мана шундай аҳволда Миннининг ҳарир, қичик кўйлаклари, бекор, бўм-бўш, ҳувиллаб ўтаётган кунлари аллақандай тоқат қилиб бўлмайдиган рўёга ўхшарди. Кечкурунлари энди у фақат қўшни аёллар билан бирга кинога борарди. Кундузлари эса янги кўйлакларидан бирини киярди-да, ёлғиз ўзи марказга

— Уил! Уил!

Шарқнинг осмонида ойнинг хира шуълалари ёруғ тортди, ҳаво ва чанг ичра нуқраланиб, томдаги ясалган от узра энкайди, қўрошиңдай эриган чанталзорда тўзон жонлангандай бўлди. На тунги қушлар ва на чирилдоқларнинг товушлари эщитилади — тиқ эттан овоз йўқ, фақат одам нафаси ва совиёттан машина темирларининг тиқирлагани қулоққа чалинади. Баданинг баданга тасодифан тегиб кетса тўё одамлар тер чиқармасдан терлаётганга ўхшардилар, бинобарин, киши таналаридан энди нам чиқмай қўйганди.

— Ё, раббим Исо! — кимнингдир овози янгради. — Тезроқ бу ердан оёқни узиб кетайлик.

Лекин ҳеч ким жойидан қимирамади, олдиндан — қоронфилиқдан элас-элас овоз келиб, сўнг у тобора кучая борди, шунида одамлар машинадан тушиб, ўлик зулмат ичра юраклари дукирлаб урганча кута бошладилар. Кейин бошқа товушлар келди: кимдир урди, кимдир ихраб оғир нафас олди, кейин Мак-Лендоннинг вишлаб сўкингани эшитилди, одамлар яна бир зум қотиб турдилару сўнг олдинга ташландилар. Ҳаммалари бир бўлиб, қоқилиб-суқилиб, худди ўлимдан қочгандай бўлиб борардилар.

— Тинчитинг, тинчитинг бу аблажни, — дея шипшиди кимдир. Мак-Лендон ҳаммани орқага итқитиб юборди.

— Бу ерда эмас, — деди у. — Машинага олиб киринглар уни.

— Ўлдир уни, ифлос қораялоқни! — гўлдиради аллаким.

Негрни машинага судрадилар. Сартарош шу ерда эди. Уни жиққа тер босди, ҳозир қусиб юбораман, деб ўйлади у.

— Нима гап ўзи, хўжайин? — деди негр. — Мен ҳеч қандай ёмонлик қилганим йўқ. Худо шоҳид, мистер Жон.

Аллаким қўлкишан чиқарди. Тўнка устида уймалашгандай негр тепасида индамай шоша-пиша, бир-

бирларига халақит бериб уймалаша бошладилар. Негр ҳаммасига индамай чираб турар, кўзлари эса одамларнинг тунд-лойқа башараларида дам-бадам олазарак кезинарди.

— Кимсизлар ўзи, хўжайинлар? — деди у кишиларнинг юзларини тузукроқ кўриш учун энганиб, оқ кишиларнинг димоқларига унинг нафаси, тер ҳидлари гуп этиб урилди, Негр бир-икки одамни таниди ва уларнинг отларини айтди. — Мен нима қилибман ўзи, мистер Жон?

Мак-Лендон машина эшигини силтаб очди.

— Ўтири! — деди у.

Негр ўрнидан кўзғалмади.

— Мен сизга нима қилдим, мистер Жон? Мен ёмонлик қилганим йўқ. Оқ кишилар, хўжайинлар, мен ҳеч нарса қилганим йўқ, худо шоҳид.

У яна бир одамнинг отини айтди.

— Ўтири! — деди Мак-Лендон. У негрни урди. Бошқалар хирқираб, хушиллаб қуруқ ҳавони ўпкала-рига куч билан ютдилар-да, қоранинг тўғри келган жойига уриб дўппослай кетдилар, қора эса ўртада тен-тираб, пилдираб қолди, сўкиниб, кишанланган қўлла-рини уларнинг башаралари олдида силкита бошлади, қўллари сартарошнинг жағига тегиб кетди, шунда сар-тарош ҳам уни урди.

— Манави ерга ўтқизинг, — деди Мак-Лендон.

Ҳаммалари негр устига ёпирилдилар. У қаршилик қилмай қўйди, машинага кирдию жим бўлиб қолди, бошқалар ҳам атрофга жойлашдилар. Негр солдат билан сартарошнинг ўртасида уларга оёқ-қўлларини тек-кизмасликка ҳаракат қилиб ўтиради, тинмасдан у ба-шарадан бу башарага алангларди. Чўян эшик тагига ўрнашди. Машина йўлга тушди. Сартарош бурнини рўмолчаси билан тўсди.

— Сенга нима бўлди, Пинк? — деди солдат.

— Ҳеч нима, — деди сартарош. Яна катта йўлга чиқиб олдилар ва шаҳар ташқарасига қараб кетдилар. Чанг-

тўзон ичидан иккинчи автомобиль ҳам чиқиб келди. Машиналар тезликни тобора ошира бошладилар, шаҳарнинг сўнгги вайроналари орқада қолди.

— Ҳай, уфф-эй, жуда саситиб юборди-ку! — деди солдат.

— Бунинг эпини қиласиз, — деди гумашта олдинги ўриндиқда Мак-Лендоннинг ёнида ўтирганча. Эшик тубида ўтирган Чўян қайноқ шамолни ютиб бўралаб сўкинди. Кутимаганда сартарош олдинги ўриндиқ суюнчига энгашди-да, Мак-Лендоннинг елкасидан тутди.

— Мени тушириб кет, Жон, — деди у.

— Шуми ҳали ҳолинг, сакра. Сен қораялоқларни жонингдан ҳам яхши кўрасан-ку, — деди Мак-Лендон бозини ўтирумасдан. У машинани катта тезлиқда ҳайдаб борарди. Орқаларидан чанг-тўзон ичидаги автомобилнинг чироқлари пориллаганча сузига келмоқда эди. Мак-Лендон тор дала йўлига бурилди, анчадан бери фойдаланилмаганидан йўл ўйдим-чуқур эди. У ташландиқ фишт хумдонга, тепа-тепа бўлиб уюлиб ётган қўнғир тош чандиқларга, атрофини ўт-ўлан, хас-хашиб босган тубсиз хумдонларга олиб борарди. Бир пайтлар бу ерда мол боқишаради, кейин чўпоннинг хачири йўқолди. У ҳар бир хумдон ичига таёқ солиб кўрди, лекин биронтасида таёқнинг уни ерга теккани йўқ.

— Жон, — деди сартарош.

— Э, сакрамайсанми! — деди Мак-Лендон машинани ўйдим-чуқурлардан олиб ўтаркан.

Сартарошнинг ёнидаги негр тилга кирди:

— Мистер Генри!

Сартарош ташқарига интилди. Тор йўл юқорилаб бориб фойиб бўларди. Машина олға босар, ҳаво худди ўти сўнган хумдондаги каби салқин, лекин буткул ўлик эди. Машина чуқурма-чуқур ҳакилларди.

— Мистер Генри!

Сартарош жон-жаҳди билан эшикни торта бошлади.

— Ҳей, эҳтиёт бўлинглар! — деди солдат, лекин сартарош эшикни тепиб очиб, пастга қараб осилди. Солдат

негринг устидан оша уни ушлайман деб энкайди, лекин сартарош сакрашга улгурди. Машина тезликни пасайтирмасдан йўлдан ўрлаб борарди.

Ҳаракатнинг тезлигидан у чеккадаги чанг-тупроқ босган шўразорга отилиб кетди ва чуқурликка қулади. Тўзон кўтарилиди, тагида қуриган ўт-ўланларнинг ожиз қисирлагани эшишиларди, ҳаво ололмай томони бўғилар, дам-бадам ўқчиқ келарди, иккинчи автомобиль ўтиб кетиб, овози узокда ўчмагунча у шундай аҳволда ётди. Кейин сартарош чўлоқланиб қадам босди, катта йўлга чиқиб олди, шаҳарча йўлига тушди. Энгил-бошига ёпишган чанг-чунгларни қоқди. Осмонга ой чиқди, у энди кўк тоқига баландлаб кетган, тўзондан фориғ бўлган эди, бир оздан сўнг тўзон пардаси ортидан шаҳарчанинг чироқлари кўринди. Сартарош ҳамон чўлоқланганча кетиб борарди. Шунда бирдан қулоқларига автомобилларнинг шовқини чалинди, кейин орқа томонида уларнинг чироқлари борган сари яқинлашиб келаётганилигини кўрди, шунда у то машиналар ариллаб ўтиб кетмагунларича йўлдан чеккага ўтиб, тупроқ босган шўразорда беркиниб турди. Энди Мак-Лендоннинг машинаси орқада келарди. Унда тўрт киши ўтиришар, Чўян ҳам ичкарида эди.

Машиналар ўтиб кетишли. Чанг тупроқ уларни ютиб юборди, чироқларнинг шуълалари, вариллаган овозлар олисларда сўнди. Улар кўтарган чанг бир қанча вақт ҳавода осилиб турди, лекин тез орада улар ҳам асрий тўзонларга қўшилиб кетдилар. Сартарош катта йўлга амаллаб чиқиб олди-да, лант қадамлар билан шаҳарча томон юрди.

#### IV

Ўша шанба у кечки тановул учун кийинаркан, аъзойи бадани алангаи оташ бўлиб ёнарди. Илгаклар устида бармоқлари титрар, кўзлари қонталашиб асабий чақнار, тароқ урса соchlари чирсиллар эди. У ҳали кийи-

ниб улгургани ҳам йўқ, эдик, дутоналари кириб келишди, нафис ички кийими, пайпоклари ва янги ҳарир кўйлагини то кийиб бўлгунча унга қараб ўтиришди.

— Сен bemалол кўчага чиқаверасанми, мадоринг келадими? — деб сўрашарди улар, шунда уларнинг кўзлари йилтираб кетар, фитнага ғаш аралаш эди, — Сал ўзингга келганингдан кейин бизга албатта ҳаммасини бир бошдан сўйлаб берасан. У нима деди, нима қилди: ҳамма-ҳаммасини.

Майдон томон борар эканлар, дарахтларнинг қоронгу кўланкасида у худди дengизга шўнғиши олдидан чукур нафас олгандай титроғини босиш учун чукур-чукур сўлиш олди, тўрт дугонаси эса иссиқдан ва унга юралари ачиғанидан сал орқароқда аста қадам ташлаб келар эдилар. Майдонга чиққанда уни яна қалтироқ босди, у муштларини икки биқинига тираганча, бошини баланд кўтарди. Дугоналари тинмай чулдирашар, уларнинг ҳам нигоҳларида аллақандай жазава зухур қила бошлади.

Майдонга кириб келдилар, қизлар уни ўртага олишган, нозиккина баданга кийилган ҳарир кўйлаги ҳилпиради. Титроқ зўрайди. У борган сари имиллаб қадам босар, болалар музқаймоқни еб бўлаётганларида шундай имиллайдилар, бошини орқага ташлаган, чехраси худди осилган байроқдай эди, кўзлари йилтиради; у меҳмонхона ёнидан ўтди, йўлак бўйлаб қўйилган стулларда пиджаксиз яланг кўйлақда ўтирган гумашталар унинг орқасидан қараб қолишарди:

— Аnavi, кўряпсанми? Ўртадагиси, пушти кўйлак кийгани.

— Шуми? Қорани нима қилишди? Уни...

— Шундай. Тинчтишди.

— Тинчтишди?

— Шундай. Жойлаб келишди.

Кейин дорихона олдидан ўтдилар, эшикка елкаларини тираб турган ёш йигитлар бошларидан шляпаларини олиб, унинг бели ва болдиrlарига узоқ тикилиб қолишди.

Улар аста күтариб қўйилган шляпалар, тўсатдан жим бўлиб қолган меҳрибон, маҳрамона овозларни оралаб ўтиб борардилар.

— Ана кўрдингми? — дейишарди дугоналари. Уларнинг товушлари вошиллиб турган тантананинг оғир ва беҳад узун сўлишлари каби эшитиларди. — Майдонда биттаям негр йўқ. Биттаям!

Кинотеатрга кирдилар. Бу ер кичкина мўъжиза ўлкага ўхшарди — фойе чароғон, ҳаётнинг энг мудхиш ва лаззатли эврилишларида тутиб қолинган рангдор суратлари. Унинг лаблари уча бошлиди. Қоронғи чўкиб, фильм бошланганда бари жойида бўлади; у кулиб юборишдан ўзини тўхтатади, кулгини тез ва бекордан бекорга исроф қилиб юбормаслик керак. Унга ўтирилиб қараётган башаралар издиҳоми ичидан, ҳайрат ва таажжубнинг босиқ шивир-шивирлари оралаб у жадал ўтиб кетди ва улар одатдагидай жойларига ўрнашиб олдилар, бу ердан нуқра экранга борадиган йўлка ҳам, ўз жойларига ўтаётган қўша-қўша ёшлар ҳам кўриниб турди.

Чироқ ўчди; экран жилваланди, гўзал, ҳароратли ва маъюс ҳаёт бошланди, ним қоронғи залга ифор таратиб, ҳамон жуфт-жуфт бўлиб кириб келишар, бир-бирларининг бағирларига сингиб кетган баданлар хушбичим ва ҳавои, нозик, инжа, йилдиримдай вужудлари бир оз қовушиқсиз, лекин беҳад навқирон эди, уларнинг бошлари узра оппоқ кумушдай хаёлот бурканар, жозиб сузар эди. Уни кулги хуружи тутди. Кулмайман деса, яна баттар кулгиси авжга чиқарди, ҳамма яна унга аланглаб қарай бошлиди. Дугоналари уни ўрнидан туризib залдан олиб чиқдилар, у ҳамон кулгисини тўхтатолмас, то такси етиб келиб унга ўтқизмагунларича у шайтонлаб, чинқириб кулишдан тўхтамасди.

Яrim ҳарир пушти кўйлагини, ипак ички кийимларини ва пайпоқларини ёчдилар, каравотга ётқиздилар, муз синдириб келтирдилар ва унинг чаккаларига босдилар, доктор чақиртирдилар. Докторни қидириб то-

пишолмади, шунинг учун хотинлар унга ўзлари қарай бошладилар, ивир-шивир гаплашиб, унга муз қўйишар, юзларини елпир здилар. Муз янги экан; у индамас, тек ётар, оҳиста инграр эди. Лекин кўп ўтмай яна кулгиси тута бошлади, сўнг у қичқириқса айланди.

—Тсcccccccc! Тсcccccccc! — дейишарди дугоналари яна янтидан муз қўйиб, унинг соchlарини силашаркан, оқ тушганми-йўқми деб қараб ҳам қўйишарди. — Шўрлик!

Кейин бир-бирларига:

— Сен биласанми, ростдан ҳам бирон тап бўлганми-йўқми? — дейишар, кўзлари эса маҳфуз жазава ичидагитнали ёнарди. — Ҳей, секинроқ! Оҳ, шўрлик! Бечора Минни!

## V

Мак-Лендон ўзининг янгигина, озодагина уйига келгандя ярим кеча бўлганди. Ҳудди қуш сақланадиган уячадай безатилган, тоза ва пором, мўъжазгина бу уй кўк ва оқ рангларда батартиб бўялган эди. Мак-Лендон машинани ёпди, айвонга чиқди ва ичкарига ўтди. Стол устидаги чироқ оддида турган креслодан хотини турди. Мак-Лендон хонанинг ўртасида то хотини ерга қарамагунча тикилиб турди.

— Қара-чи, соат неча бўлди экан? — деди у қўлини кўтариб хотинига соатни кўрсатаркан. Хотини унинг қошида — қўлида журнал — бошини қўйи эгиб турарди. Юзи оқарган, хавотирли, ҳорғин. — Сенга неча марта айтиш керак, бундай ўтирма, мени кутма, қачон келишимни пойлама, деб?

— Жон, — деди у. Журнални қўлидан қўйди. Эри товонида турганча тебраниб, ундан жазавали кўзларини узмас, терлаб кетган юзини четта бурмас эди.

— Неча марта айтишим керак?

У хотинига яқин келди. Щунда хотини бошини кўтарди. У хотинининг елкасидан қаттиқ ушлади. Хотин бўшашибгина унга кўзларини тикиб турарди.

— Керакмас, Жон. Уйқум қочиб кетди. Иссиқданми, бошқами, билмайман. Ўтинаман сендан, Жон. Оғри-тиб юбординг.

— Сенга қанча айтишим керак?

У хотинини бўшатди, урдими ё креслога итқитиб юбордими, билиб бўлмади, хотини креслода индамайгина унинг хонадан чиқиб кетаётганига қараб ётарди.

У уйнинг барча хоналаридан ўтиб борди, йўл-йўлакай эгнидан кўйлагини суфуриб ечди, орқа томондаги қоронги ойнаванд айвонда тўхтади, боши ва елкаларини кўйлаги билан артди-да, сўнг кўйлакни улоқтириб юборди. Чўнтағидан тўппончани чиқариб столча устига қўйди ва каравотга ўтирди, ботинкаларини ечди, ўрнидан турди ва шимини ечди. У яна терлай бошлади, шунинг учун энгашиб боя отиб юборган кўйлагини асабий қидирди. Охири, уни топди, яна баданларини артди, тик турганча ойнага ёпишиб, ҳарс-ҳарс нафас оларди. Теварак жимжит, тиқ этган товуш йўқ, ҳатто чивин учмайди. Совук ой ва мудрамас юлдузлар тагида қоронги дунё тўнкарилиб ётарди.

## УОШ

*Иброҳим Faфуров таржимаси*

Сатпен кўзи ёриган она чақалори билан ётган катта ёғоч каравотнинг олдида турагди. Деворнинг қуриган тахталари тирқишлидан субҳидамнинг бўз нурлари тушиб тураг, улар Сатпеннинг керилган оёқлари ва пастга солланиб турган қамчисининг сопига тегиб синар, усти яхшилаб ўраб қўйилган она ва унинг ёнида ётган топ-тоза ювилган латталарга йўргакланган чақалоқнинг устига ёйилар, она Сатпенга чимирилиб қарап, ундан хўмрайган, синоатли кўзларини узмасди. Сатпеннинг орқа томонида қўри сўнай деб қолган ўчок олдида чўнқайганча негр кампир ўтиради.

— Аттанг, Милли, — деди Сатпен, — бия эмассан-да. Сени отхонамнинг энг яхши ерига жойлаб қўярдим.

Ёғоч каравотда ётган хотин қимир этмади. У ҳамон ҳеч қандай ифодасиз чимирилган кўзларини унга тикиб ётар, унинг навқирон, тумтайган, ҳеч нимани англаб бўлмас юзи яқиндагина тутаган тўлғоқ азобларидан оқариб кетганди. Сатпен юзини бурди, олтмишга кирган эркакнинг чехрасига тонгнинг тирқираган зиёси отилди. Чўнқайиб ўтирган негр хотинга паст товуш билан деди:

- Гризельда бугун аzonда қулунлади.
- Тойми, байталми? — сўради негр хотин.
- Той. Кетворган той... Бу ерда-чи? — у қамчи дастасининг уни билан ёғоч каравотни кўрсатди.
- Бу ерда бия.
- Тоймисан той. Худди Роб Ройнинг қуийиб қўйган ўзи бўлади. Эсингдами, уни олтмиш биринчи йилда Шимолга миниб кетган эдим?
- Эсимда, хўжайин.
- Э-ҳа. — У ёғоч каравотга ўтирилиб қаради. Хотин унга қааяптими-йўқми, энди билиб бўлмасди. У қамчисининг сопи билан яна бир карра у томонга нуқиб

кўйди. — Бизникини қараб кўр, нима керак бўлса, ҳам-  
масини қилиб бер.

Шундай деб, у лиқиллаб турган пилапоядан одам  
баробар бўлиб қалин ўсган бургандор ичига тушди (бу  
ерда Уош бургандорни ўриб ташлайман деб, уч ой ил-  
гари ундан сўраб олган чалғи деворга суюб қўйилган  
кўйи занглаб ётарди), бунда унинг оти жиловини қўлла-  
рида тутганча Уош кутиб туради.

Полковник Сатпен шимолликлар билан урушга жўнаб  
кетганда, Уош у билан бирга бормади.

— Полковник йўрида бу ерда унинг хўжалиги ва негр-  
ларига қараб юраман, — деб тушунтиради у сўраган-  
ларга ҳам, сўрамаганларга ҳам. Уош новчадан келган,  
ориқ, безгақдан силламадори қуриган, кўзлари шиша-  
дай тиник ва ажабсиниб боқадиган, кўринишдан ўттиз  
бешларга борган, шунга қарамасдан, катта қизи ҳамда  
саккиз яшар набираси бўлган бир киши эди. Унинг  
гаплари бошдан-оёқ уйдирма эди ва уйда қолган ўн  
саккиздан эллик ёшгача бўлган ёшу қари эркаклар унинг  
барча баҳоналари уйдирма эканлигини яхши билишар,  
шунда ҳам баъзилар у ўз гапига ўзи чиппа-чин ишонса  
керак, деб ҳисоблашар ва шунга қарамасдан, улар мис-  
сис Сатпен ва Сатпеннинг қулларига ўзини ҳомий қилиб  
кўрсатмасликка ҳар қалай Уошнинг ақли етар, деб ишо-  
нишарди. Ё ақли етар ва ё жонбозлик кўрсатишга қурби  
етмас, дейишарди одамлар, э, барака топсин, унга йўл  
бўлсин, ахир Сатпеннинг мулкига унинг ҳеч бир дахли  
йўқ, фақат полковник Сатпен бир пайтлар ҳали бўйдоқ  
чорларида дарё бўйидаги балчиқда балиқ тутиб юрар-  
ман деб, тиккайтирган ҳужрасини Уошга берган, ўшан-  
дан бери бу кулба ҳам ташлаб қўйилганидан бутунлай  
путурдан кетган, худди тўйиб сув ичаману сўнг ўламан  
деб, дарё лабига базўр судралиб етиб келган ночор маҳ-  
лукقا ўхшаб қолганди.

Бироқ Сатпеннинг қуллари Уошнинг катта гапириб  
кариллаб юрганилигини тешик қулоқ эмасми, эшитиб  
қолибдилар. Улар қотиб-қотиб кулишди. Авваллари ҳам

унинг устидан кулиб юришар ва орқасидан оқ ялан-гоёқ деб чақиришарди. Собиқ балиқчи қўналғасидан келаёттандан улар Уошни ўт бостган сўқмоқда учратиб қолиб, сўрашарди: «Хой, оқ киши, нега сен урушга бормадинг?» Уош тўхтарди-да, мийирида заҳарханда қилгани қора башаралар, оқарган кўз ва тишларнинг гардигшига бир-бир разм солиб чиқарди. «Мен хонадонни боқишим керак, ана шўнга, — деб жавоб берарди у. — Йўлдан қочинглар-эй, қораялоқлар».

— Қораялоқлар? — деб такрорлашарди улар. — Қораялоқлар? — энди улар очиқдан очиқ унинг башарасига қараб кулишарди. — У киши бизларни қораялоқлар дейтиларми?

— Тўғри-да, — дерди у, — менинг қораялоқларим йўқ, мен кеттандан бола-чақамии боқиб ўтирадиган.

— Э, сенинг дарё бетида қийшайган ҳужрангдан бошка ниманг ҳам бор, ҳатто бизнинг биронтамизнинг уерда туришимизга полковникнинг кўнгли бўлмаганди.

Шунда у сўкина бошлар, гоҳида эса ерда ётган таёқни олиб, уларга ташланиб қолар, улар тирақайлаб қочиб кетишар, у оғир ҳансираганча аламидан шақ-шақ титраб сўқмоқда ёлғиз ўзи қоларди, лекин таҳқирловчи, бераҳм, қочириқларнинг қора кулгилари барibir уни ўз гардидан сира чиқариб юбормасди. Бир сафар худди шундай воқеа хўжайин уйининг нақ орқа ҳовлисида рўй берди. Виксберг остоналарида Теннеси тоғларидан аламли хабарлар олингандан кейин бўлган эди бу. Шерман ҳам мулк далаларидан бостириб ўтиб кетган, қолган биринкитасини демаса, барча негрлар ҳам у билан бирга жўнаб қолишган эди. Федерал қўшинлар билан бирга кейин қолган-қутганлари ҳам кетиб қолишибди, шунда миссис Сатпен «Уошга бориб айтинглар, келиб уй орқасидаги шийпонда пишган узумни узиб кетсин», деди. Ўщаңда плантацияда қолган икки-уч негрнинг бири — хизматкор қиз унинг бошига таъна ёғдирган эди; у ҳатто қочиб ҳам кетмади, фақат орқа эшикнинг пиллапояларидан кўтарилида, сўнг орқасига ўтирилиб ўша ерда турганча деди:

— Тұхта, оқ киши. Турған жойингдан қимирлама. Полковник борида бу останадан үтмаган әдінг, энді ҳам үтмайсан.

Тұғриси ҳам шу әди. Лекин унинг орияты учун мұхым бир нозик томони бор әди: у үзіча Сатпен мени үйига қўйган бўларди деб ишонса ҳам, лекин ҳеч қачон бу уйга қадам босишга уриниб ҳам кўрмаганди. «Бошимни бу ерга суқиб зарил келибдими менга, яна қора-ялоқлардан биронтаси, қани туёғингни шиқиллат, деб қолмасин, — деб юрарди у ўз-ўзига. — Тағин полковник мени деб, уларни ўқитиб юрмасин». Лекин шунга қарамасдан, улар камдан-кам ҳоллардагина меҳмонлар келмай қоладиган якшанба кунларини одатда бирга ўтка-зишарди. У Сатпенга шу яхши бўлса керак, деб чин дилдан ишонар, бинобарин, полковник ўзи билан ўзи ёлғиз қолса нима қилишни билмайдиган зотлардан әди. Ҳар қалай, қандай бўлмасин, баъзи кунлари улар уззукун шийпонда бирга бўлишар, Сатпен арқон ҳалинчакда ётар, Уш эса устунга суюнганча чўнқайиб ўти-рар ва ўртада ёмғир суви тўлдирилган челак, че لاқда эса шиша ва улар то шом қоронғиси тушгунча галма-галдан шишани кўтариб ичардилар. Қолган пайтлар, бегим кунлари у полковник (улар Сатпен билан тенг-қур әдилар, лекин на униси ва на буниси — афтидан, Уш неваралик бува бўлгани, Сатпеннинг ўғли эса ҳали мактабда ўқиётгани учун бўлса керак — ўзларининг тенгдош эканликларини яхши ҳис қиласдилар) наслдор отда далаларда бир маромда елиб юрганилигини кўрарди. Ана ўшанда унинг дили бир зум ифтихори жўшиб тўхтаб қолгандаи бўларди. Шунда унинг назарида худди Инжилда ўқигани каби худо томонидан ҳар қандай оқ танли кишиларга хизмат ва қуллуқ учун маҳкум қилинган негрлар ундан ва унинг оиласидан кўра яхшироқ, тўқроқ яшаётган, ҳатто тозароқ ва тузукроқ кийинаётган бу дунё унинг теварагида муттасил ва дамбадам қора кулгининг акс садоси янграб турадиган мана шу дунё дардисар рўёдан ўзга нарса эмас, чинакам дунё

бу – унинг валинеъмати асл ҳоназот қора отда шоншавкатта чулғаниб ёлғиз учиб бораётган дунё, ахир барча одамлар, бу ҳам Инжил шарифда айтилган худоиймнинг шакли-шамойили каби яратилганлар, шунинг учун ҳамма одам болалари жиллақурса, худо назаргоҳида бир хил сиймо қаби кўринадилар; шунинг учун у худди ўзи ҳақида ўзи айтгандай шундай дейиши мумкин: «Одам! Ҳусн ва шараф! Агар худованди каримимиз кўк тоқидан она еримизга қадам ранжида қилганда эди, у ўзига аён худди мана шу сиймони танлаган бўларди!»

Олтмиш бешинчи йилда Сатпен қора тўриқда уйга қайтди. У ўн ёшга қариган эди. Хотини ўлган ўша куз кунлари ўели ҳам жангда ҳалок бўлди. У генерал Лининг шахсан ўзи қўл қўйган ташаккурномани олиб, ҳароб бўлган далаларига қайтиб келди. Бундан ўн беш йил муқаддам дарё бўйидаги эсидан ҳам чиқиб кеттан вайронга балиқчи кулбасига ўзи раҳм-шафқат килиб жойлаштирган бечора одам унинг қизини ҳам қарамоғига олиб боқиб ўтиради. Уни кутиб олган Уш ҳеч ўзгармабди – ҳамон ўша-ўша – ориқ ва найнов, ҳамон ўша-ўша – унинг ёши нечага кирганлигини билиб бўлмас, хира кўзларида ҳамон ўша саволомуз иштибо учқунланиб турди. «Қани, хўш, полковник, – дерди у уялинқираб, андаккина ялтоқланган ва айни чоқда маҳрамона товуш билан, – бизни уришди, лекин белимизни синдиришолмади, мен тўғри айтяпманми?»

Кейинги беш йил ичида уларнинг ҳамма гаплари мана шунга келиб тақалди. Улар сопол кўзадан галма-галдан ичадиган виски ҳам энди жуда bemаза, ўтирадиган жойлари ҳам энлиқда ток сўрилари чирмашган шийпон эмас, ночоргина дўконнинг орқаси бўларди. Сатпен йўл бўйида деворлари таҳтадан, ичига қатор токчалар ясалган дўкон очган эди. Уш бу ерда гумашта ва қоровуллик қиларди, улар керосин, кундалик озиқ-овқатлар, бирбирига ёпишиб кеттан шириналлар, арzon тақинчоқлар, ленталар сотишар, мижозлари Ушга ўхшаган кам-

бағал оқ танлилар ва негрлар бўлиб, улар пиёда ёхуд қоқсуяк хачирларга миниб келишар, муборизларни жасорат билан жангларга бошлиб кирган, бир маҳаллар ўн чақиримгача ўз ҳосилдор ерларида отини гижинглатиб чоптириб юрадиган (қора тўриқ ҳали ҳам тирик эди; унинг ерга урса кўкка салчийдиган насллари хўжайиннинг ўзи турадиган уйдан кўра ҳам яхшироқ сақланадиган отхоналарда боқиларди) одам билан ҳар бир чақа устида эзмаланиб савдолашгани келар эдилар. Тортишувлар шу билан тугардики, Сатпен дарғазаб бўлиб уларни дўкондан ҳайдаб чиқарар, эшикни жаҳл билан қулфлар, сўнг Уош билан сопол кўзачани олиб, дўконнинг орқасига ўтиб кетар эдилар. Бир йиллари Сатпен арқон ҳалинчакда ётиб кибру ҳаво билан узоқ вайсар, Уош эса устунга суюниб чўнқайиб ўтирганча унинг гапларини маъқуллар, лекин мана энди уларнинг сұхбатлари ўшанда бўлгандај текис, бир маромда кечмас эди. Энди улар ўтириб олишар, тўғри. Сатпен бирдан-бир курсига, Уош эса тўғри келган яшикми ё тунука идишними тўнкариб ўтиришар, лекин бу узоққа чўзилмас, чунки Сатпен бирпаснинг ичида оғзидан кўпик сочган қаҳҳор жангарига айланар, у чайқалиб гандираклаганча ўрнидан турар, илгари ташланмоқчи бўлар, ҳозир қора тўриғимни минаману тўппончаларимни олиб Вашингтонга йўл оламан, Линкольн билан Шерманини отиб ташлайман, деб дағдага соларди, ваҳоланки, Линкольн бу пайтга келиб ўлиб бўлган, Шерман эса аллақачонлар генераллик лиbosларини оддий кишилик кийимларига алмаштирган эди. «Сол уларни! — деб қичқираради у. — Қутурган ит каби ҳаммасини отиб ташланглар!»

— Бўлмаса-чи, полковник, бўлмаса-чи, — дерди нуқул Уош, йиқилиб бораётган Сатпенини қучоқлаб оларкан. Шундан кейин у йўлдан ўтиб бораётган дуч келган аравани тўхтатар, агар арава ҳадеганда ўтавермаса, бир чақирим келадиган фермагача яёв йўл олар, у ердан от-арава олиб Сатпенини уйга етказиб келарди. Анчадан бери у Сатпенини олиб келган чоғларида уйга ҳам кира-

верар, кейин худди отни, асов отни аврагандай Сатпенни алдаб-сулдаб, керак бўлса судраб йўлакдан уйга киритарди. Сатпеннинг қизи уларни эшикни лант очиб ва уни қўллари билан тутиб турганча кутиб оларди. Шунда у ортмоқлаган юкини тепаси ярим айланга, рангдор ойналари ўз вақтида Европадан бигитама-битта авайлаб ташиб келтирилган равон ўрнатилган, ҳозир эса тахта қоқиб қўйилган бир маҳаллар оппоқ ва баланд катта эшиқдан өлиб ўтар, жунлари тўзғиб ётган пат гиламдан судраб ўтиб, тахталари едирилиб кетган, фактат чеккалари дагина жигарранг бўёғи билиниб турган улуғ пиллапоядан кўтариб чиқариб, алоҳа хобхонага етиб келарди. У полковникни чалқанчасига каравотга ётқизар, кийимларини бирма-бир ечиб олар ва сўнг жимгина шу ердаги курсида ўтиради. Бир оз вақт ўттач, эшиқдан унинг қизи кўриниш берарди. «Биздан хавотир олманг, — дерди унга Уош. — Сиз ҳеч нарсадан ташвишланманг, мисс Жудит».

Кейин бутунлай қоронфилик тушар, бир оз вақт ўттач, у шундоқцина каравот олдида ерга чўзиларди, лекин мириқиб ухлагани имкон бўлмас, чунки кўп ҳам ўтмай, баъзан ҳали тун ярим бўлмай туриб, чўзилиб ётган Сатпен қимиirlай бошлар, инграб, уни хаста товуш билан чақиради: «Уош!»

— Шу ердаман, полковник. Тинчгина ухлайверинг. Улар бизни енгиб бўлипти. Кўрсатиб қўямиз ҳали уларга.

Ҳолбуки, у ўша кезлариёқ набираси белига лента тақиб юрганлигини кўрганди. Қизча ўн олтига қадам кўйган, худди шу ёшга кирган навраста қизлар каби бўй етиб, кўзга ташланиб қолганди. Бу лента қайси ёқдан пайдо бўлганлигини у яхши билар (уч йилдирки, худонинг берган куни дўконда шу ленталарни кўрарди), невараси мабодо ёлғон сўзлаганда ҳам, барибир, у биларди, лекин қизча ёлғонлагани уриниб ҳам кўрмас, фақат унга тап тортмай тик, қовоқ уйиб ҳуркиганча қараб туради.

— Нима ҳам қилдик, — деёлди у фақат. — Полковник сенга лента ҳадя қилган бўлса, сен раҳмат деб қўйиши эсингдан чиқармагандирсан, ахир?

Унинг устида янги кўйлак кўрганида ва қизча унга маҳфуз, тўнг ва қўрқа-писа нигоҳ ташлаганида, кўйлакни тикишга мисс Жудит қарашганлигини эшитганда ҳам унинг дили хотиржам эди. Аммо ўша оқшом дўконни ёпиб, орқа эшиқдан Сатпен билан изма-из чиқаркан, унга ўгирилиб қаради, унинг чехраси жиддий эди.

— Кўзани келтир, — буюрди Сатпен.

— Ҳозир, — деди Уош. — Шошманг.

Сатпен ҳам кўйлак хусусида бош товлаб ўтирмади.

— Хўп, нима бўлти? — деб сўради, холос.

Лекин Уош унинг такаббур ва тошдек қаттиқ қарашидан кўзини олиб қочмади, у оҳиста жавоб берди:

— Мен сизни қариб йигирма йилдан бери биламан. Сиз нима деб буюрманг, барини тўхтовсиз адо этдим. Мен ҳам олтмишга кириб қолдим ва мен эр кишиман. У эса ҳали навраста қизча, бор-йўғи ўн бешга чиқди.

— Нима, сенингча, мен қиз болани хафа қиласиган одамманми? Мен кексайган бир одам, сенинг тенгтўшинг бўлатуриб-а?

— Сиз мабодо бошқача бўлмаганингизда, мен ҳам сизни қари — ўзим тенги одам, дердим. Қарими-ёшли, барibir, сизнинг қўлингиздан бу кўйлак тутул бошқа ҳеч нарсани олишга йўл қўймаган бўлардим. Аммо сиз бошқачасиз.

— Нима бошқача? — Бу саволга жавобан Уош унга хира торган иштиболи қўзларини тикиб турарди, холос. — Сен мана шунинг учун ҳам мендан қўрқар экансан-да?

Уошнинг кўзларидаги саволомуз ифода сўнди. Унинг нигоҳи осуда ва тиниқ эди.

— Мен қўрқмайман. Сиз қаҳрамонсиз, лекин ҳаётда бир кунлик ёки бир дақиқалик қаҳрамон эмассиз, генерал Лининг қўлидан фақат шунинг ўзи учунгина шаҳодатнома олган эмассиз. Йўқ, сиз қаҳрамонсиз, бу

қаҳрамонлик худди тириклик нафаси каби сиз билан бирга. Мана шунинг учун сиз бошқачасиз. Мен буни ҳеч қандай қоғоз-поғозсиз ҳам биламан. Яна шуни ҳам биламанки, сизнинг шарпангиз кимга ва ё нимага тегмасин, нимани ўз инон-ихтиёргизда тутманг, бу хоҳ бир полк солдат ва хоҳ тентак бир қиз ва хоҳ дайди ит бўладими, сиз барибир ҳаммасини жойига қўясиз.

Сатпен кўзини олиб қочди, у шаҳд билан юзини бурди-да, тўнғиллади:

— Кўзани келтир.

— Бош устига, полковник, — жавоб қилди Уош.

Орадан икки йил ўтди, якшанба куни тонг қороннисида бу ердан уч чақирим наридаги қишлоқдан негр доя кампирни олиб келди, эски майриқ эшик кампир ортидан ёпилиб, набирасининг чинқириқларини бир оз бўлса-да тўсганда ҳам, унинг дили ташвишли, лекин хотиржам эди, У атроф-теваракдаги кулбаларда яшайдиган негрлар ҳам, уззу кун дўкон атрофида хира пашшадай айланиб юрадиган оқ танли кишилар ҳам ўзи ҳақида нималар деб вадирашаётганларини ҳаммасини биларди. Улар Сатпен, унинг ўзи, бўйида эканлиги кундан-кунга билиниб ва билинган сари тобора сурбет ва ҳуркак бўлиб бораётган набирасига — учовларига худди саҳнада томоша кўрсатаётган актёрларга қарагандай қарадилар. «Улар бир-бирларига нималар дейтганларини биламан, — деб ўйларди у. — Овозлари шундоқ қулогимга чалиниб туради. Уош амал-тақал қилиб қари Сатпенини қўлга туширди. Умрининг йигирма йилини бой бериб бўлса ҳам, барибир, алоҳа уни қўлга киритди».

Тонг оқарай деб қолган, лекин ҳали субҳи козибнинг қорониси кетмаган. Тирқишидан чироқнинг хира шуълалари тўкилиб турган эшик ортидан бир маромда ва дам-бадам неварасининг қичқириғи эшитилиб турар, унинг хаёли эса худди тимирскилангандай оҳиста ва таҳдидли, нима учундир от тақаларининг дупурларига ҳамоҳанг ҳаракат килар, шунда бирдан қорони-

ликлар қўйнидан кўз илғамас кенгликларга мағрур тулпор минган бўз чавандоз отилиб чикардию унинг ўсмоқчиланган, порлоқ даражада тиниқ ва содда хаёллари ҳам кенгликларга учиб чиқардилар — ва бу на барот ва на изҳор эди, бу бамисоли якка ва тушунарли, инсон боласи тегиниб асло кир қиломайдиган худовандо каби эди: «Ўғли ва хотинини ўлдирган ва негрларини тортиб олган ва ерларини хонавайрон қиласан ўша янкиларнинг барчасидан кўра у мумтозроқ; у ўз ерим деб, қонини тўқди, она юрти уни тақдирлаш ўрнига кичкинагина дўкончага тиқиб қўйди, у мана шу юртдан кўра мумтозроқ; худди Инжилда айтилгандек, уни талх тўла косани ичишга мажбур қилдилар, у мана шу нонкўрликдан кўра мумтозроқдир. Ахир, мен йигирма йил у билан ёнма-ён яшаб, буларнинг барини кўриб, билиб, танамда ҳис қилиб турибман, яна ҳам ўзгармайинми? Майли, мен ундан кўра тубанроқдирман ва чоптириб юрадиган учар отим ҳам йўқдир. Лекин ҳар калай, доим унга қараб интилдим. Иккимиз бош қўшсак, қўлимиздан ҳар иш келади! Бир оғиз гапи, бир оғиз гапи».

Сўнг кун оқара бошлади. У бирдан уйга ва уй бўсағасида турган негр кампирга қараб турганлигини пайқади. Уй ичидан ҳам энди набирасининг додлаганлари эшитилмасди. «Киз, — деди кампир. — Бориб унга айтиб қўйсангиз ҳам бўларди». У яна ичкарига кириб кетди.

— Киз, — дея такрорлади у, — қиз.

Шунда тагин қулогига отнинг янгроқ дупурлари чалинди, яна кўз ўнгида бўз от минган мағрур чавандоз унинг тасаввурида йиллар оша ва эврилишлар оша мумтоз вақт сари — боши узра қиличини яланғочлаб, тўп ўқидан далва-далва бўлиб кетган байроқ тагидан ваҳимали ва гунгурт уфқлар сари от қўйиб ўтаётгани жонланиб кетди; шунда бирдан унинг хаёлидан, ахир, Сатпен мен билан тенг мўйсафида-ку деган фикр ўтди. «Қиз туғибди, а? — деди у ўзига ўзи яна ҳайрати ошиб. Кейин болаларча қувониб ўйлади: — Буни қара-я, шу кун-

ларга ҳам етдикми. Вой сен-эй! Эварали бобо бўлибсан-да!»

У уйга кирди. Худди бу ерда бошқа турмайдигандай бесўнақай, оёқ учида қадам ташларди, бошланаётган янги куннинг биринчи шуълалари ичидан ҳозиргина кўксидан садо отилиб чиқсан чақалоқ гарчи унга жондош ва қондош бўлса-да, гўё уни бу ердан сиқиб чиқараётгандай эди. Лекин у ёғоч каравот томонда набирасининг фира-шира сўник оқариб турган юзидан бошқа ҳеч нимани кўрмади. Ўчоқ олдида чўнқайиб ўтирган кампир паст товуш билан деди: «Бориб унга айтсангиз бўларди. Тонг отди».

Лекин хабар беришга ҳожат қолмади. У бундан уч ой илгари ҳовлида ўсиб ётган бурганзорни ўриб ташлайман деб, сўраб олиб кетган, ўшандан бери ташқари эшик олдида деворга суяб қўйилганча турган чалгини айланиб ўттан эди ҳамки, Сатленнинг ўзи қари тўриқни миниб келиб қолди. Сатпен қаердан била қолибди, деб ажабланиб ўтиrmади. Якшанба куни тонг қоронғисида Сатпени шундан бошқа нима ҳам ўрнидан қўзратиши мумкин, деб ўйлади, кейин Сатпен отдан тушгунча қараб турди, сўнг унинг қўлидан жиловни олди, шу тобда Уошнинг чеҳраси баногоҳий ҳорғин севинчдан телбаловчи бир тусга кирган эди.

— Қиз, полковник! — гўлдиради у. — Одамнинг ҳар нарса бўлгани яхши, ахир, сиз мен билан бараварсизку... — бироқ Сатпен унинг ёнидан индамай ўтиб уйга кириб кетди. У турган жойида турганча қолди. Қулоғига Сатленнинг эски пол оғочларини қисирлатиб каравот томонга ўтгани кирди. У Сатленнинг сўзларини эшилди, шунда бирдан ичидан нимадир музлаб кетди, тўхтади, сўнг ўша тўхтаган нарса жуда аста-секинлик билан харакатга келди.

Жанубий кенгликларнинг шитоб билан кўтарила-диган офтоби чиқди, шунда назарида ёт осмон тагида ёт бир ерларда тургандай, худди ҳеч қачон баландга чиқмаган одам тушда пастга қулагандай ва атрофдаги

жамики нарсалар ҳам худди түшдагидай бўлиб туюлди. «Ё менга шундай эшитилдимикин, — деб фикрларди у хотиржам, — қулогимга янгиш чалингандир-эй». Бироқ ҳамон ўша таниш овоз доя кампирга шу тонг қоронғи-сида туғилган той ҳақида сўзлаб бермоқда эди. «Э-ҳа, мана шунинг учун каллайи саҳарлаб ўрнидан турган экан-да, — ўйлади Уош. — Тўғри, шунга. Мени деб, ё менинг томиримни деб эмас. Ўз томири деб ҳам эмас. Тўшақдан мана шунинг учун турган экан-да».

Сатпен чиқди. У пиллапоядан тушиб, ёшлик шаҳд-шиддати кетиб, ўрнига қолган вазмин мақсад ва ҳара-катчанлик билан бурганзордан ўтиб бора бошлади. Уошнинг кўзларига шу тобгача бир маротаба ҳам қарамади. Йўл-йўлакай у деди: «Дайси унга қараб туради. Нима лозим бўлса, барини қиласи. Сен эса яхши... — у ҳар қалай олдида турган Уошни ниҳоят пайқади ва таққа тўхтади. — Нима гап?»

— Сиз айтдингизки... — Уошнинг овози назарида худди карникидай рағиллаб чиққандай бўлди. — Сиз унга бия бўлганингда отхонадаги энг яхши жойга ўрнаштирган бўлардим, дедингиз.

— Хўш, нима бўпти? — Сатпеннинг кўзлари аввал чақчайди, сўнг худди ўқталган муштдай дарҳол қисилди. Уош тиззалири букилиб, икки елкаси чиққанча унга томон иддао билан юра бошлади. Сатпен бир зум ҳайратланиб қолди — йигирма йил бу одам то ундан амру фармон бўлмагунча синчалоғини ҳам қимирлатган эмас, у худди қора тўриқ каби доим унинг ҳукми иродасига тобе эди. Сатпеннинг кўзлари яна қисилиб, сўнг яна чақчайди. У турган еридан қимирламади, фақат шу турган жойида кўкка сапчигандай бўлди. «Кет, — шиддат билан буюрди у. — Яқинлашма!»

— Мен эса бораверман, полковник, — жавоб қиласи Уош ўша сокин, палағда, ҳатто эркаловчи оҳангда ва бир қадам олға ташлади.

Сатпен қамчи ушлаб турган қўлини кўтарди; қийшайиб қолган эшикни қия очиб доя кампир худди қари

хазинабонникідай қора юзини суқиб қаради. «Қайт орқага, Уош», дона-дона қилиб деди Сатпен. Сүнг у қамчи урди. Доя кампир ўзини бурганзорга уриб, худи эчкічадай ғойиб бўлди. Сатпен яна бир карра Уошнинг қоқ башарасига урди. Уош тиззалаб ўтириб қолди. У ўрнидан туриб яна Сатпенга қараб бораётганда қўлида чалғи бор эди. Чалғини уч ой аввал Сатпендан сўраб олган эди, мана энди у ҳеч қачон Сатпенга керак бўлмайди.

Уй ичида унинг қадам товушларини эшитиб, набираси кароватда қимирлади, уни бўғиқ, хира овози билан чақирди.

— Нима бўлди? — деб сўради у.

— Нима дейсан, қумрим?

— Эшиқда шовқин бўлгандай туюлди.

— Ҳечқиси йўқ, арзимаган гап, — маҳрибонлик билан деди у. Сүнг тиз чўқди-да, ўнғайсиз кафти билан ёнаётган манглайнин силади. — Бирон нарса олиб берайми?

— Бир қултум сув беринг, — деди қиз йигламсираб. — Боятдан бери ётаман, ичим ёниб кетаяпти, мен билан ҳеч кимнинг иши йўқ.

— Ҳозир ҳозир, мен дарров, — деди Уош муросасоз овоз билан, сўнг оғир қимирлаб ўрнидан турди, ёлогига сув тўлдириб олди-да, унинг бошини кўтариб туриб ичирди. Кейин яна уни жойига ётқизди, қиз тошдай қотган юзини чақалоқча бурганлигини кўрди. Шунда зум ўтмай унинг ун чиқармай йиглаётгани билинди. «Э-э, қўй, қўй, — деди чол. — Сенга нима бўлди? Дайси кампир чақалоқ яхши дейди. Ҳаммаси ўтиб кетди. Энди йиглаш ҳам керак эмас».

Қиз йигидан тўхтамасди, овозини чиқармай ўксиб йигларди, шунда чол қиз тепасида ўзини йўқотганча туриб қолди, бир замонлар у шалайим бўлиб ётган хотини, кейин қизи тепасида худди шундай турган эди: «Хотинлар. Тушуниб бўлмайди хотинларни. Бола турсам деб, ўлиб бўладилар, туққанларидан кейин кўзёш

қиладилар. Уларни тушунмайман. Бирорта эркак уларни тушунмайди». У секин юриб нари кетди, дераза олдига курсини суриб ўтири.

Қүёш чарақлаб ётган, имиллаб узоқ чўзилган шу кун эрталабдан то пешингача у дераза олдида ўтириб узоқ кутди. Онда-сонда ўрнидан туриб, оёқ учиде ёғоч қаравот олдига борарди. Лекин набираси ҳорғин қотган чехрасида хафачиликнинг хўмрайган ифодаси билан уйқуга толган, чақалоқ эса унинг эгилиб турган қўлида ором оларди. У яна дераза олдига қайтиб борар, нега улар пайсалга соляптилар, деб ҳайрон бўлганча кутиб ўтирад, сўнг ниҳоят бутун якшанба эканлигини эслади. Кун оғди, у эса ҳамон ўша алфозда ўтирад, шунда бир пайт уй бурчидан оқ танли ўсмир бола чиқиб келди, у оёғи остида ётган ўликни кўриб нафаси ичига тушиб қичқириб юборди, кейин бир он деразада ўтирган Уошга анграйиб тикилди, сўнг орқа-олдига қарамай тирақайлаб қочди. Шунда Уош ўрнидан туриб яна оёқ учиде каравот олдига келди.

Набираси, чамаси, ўзи билмаган ҳолда бола қичқириғидан уйғониб кетганди. «Милли,— деди у,— очқаб ҳам кетгандирсан?» Қиз жавоб бермади, фақат юзини деворга ўгириб олди. У ўчоққа олов ёқиб, тузланган гўшт ва зовора нон пиширди; уларни у куни кечагина олиб келганди; ичи чайқаб қўйилмаган чойнакка сув солди-да, оловга қўйди. Лекин набираси туз тотмади, шунда у шошилмасдан ўзи тановул қилди, стол устини ҳам йиғиштирмай, яна дераза олдига бориб ўтири.

Энди унинг назарида от минган, миљиқ кўтарган, ит эргаштирган одамлар йигилиб келаётгандай бўла бошлиди — нима гап бўлганини билишга қизиқсан, ўч олиш мақсадида ёнган одамлар; ҳали Уош шийпондан хўжайин қўрасигача бўлган масофани босиб ўтиш керак бўлган маҳалларда Сатпен билан бир стол атрофида ўтирган, у билан бир черикка мансуб одамлар; улар ҳам жангларда шу кичкина одамларга намуна бўладиган жасоратлар кўрсатганлар, уларнинг қўлларида ҳам

мардлик ва жонбозликлари эвазига генераллардан олингандан ёзма гувоҳномалар бор, улар ҳам авваллари асл хотиназот отларда ўзларининг бепоён плантациялари бўйлаб учиб юришар, ўшандай мағрур ва димоғдор ва ўшандай умид рамзи ҳамда саждагоҳ эдилар; ўшандай чорасизлик ва кулфат қуроли эдилар.

Мана шундай одамлардан, уларнинг назарича, мен қочиб қутилармиди. Йўқ, мен ҳеч кимдан ва ҳеч қаёқса қочмоқчи эмасман. Мабодо, қочган тақдирда ҳам, у ёвуз ва мақтанчоқ одамларнинг бир тўдасидан қутулиб, яна худди шундай бошқа бир тўдаси чангалига тушган, бинобарин, у билган ушбу дунёда ҳамма ерда уларнинг ҳаммаси бир хилда, ҳолбуки, у магар истаган чорда ҳам, узоқса қочиб боролмас, бунинг учун қариб қолганди. Тўхтовсиз ва қанча олис чопма, барибир, улардан кутулиб бўлмайди, одамнинг ёши олтмишга чиқиб қолганди эса умуман ҳеч ёқса қочиб қутулолмайсан. Ўзларининг расм-русларни, тартиб-қоидаларини ўрнатиб, ҳаётнинг ҳокими бўлиб олган мана шундай одамлар яшайдиган дунёдан буткул бош олиб чиқиб кетиб бўлармиди. Кейинги беш йил ичида биринчи маротаба уларни тушуниб етгандай эди, бу дунёда янқилар ва ёки умуман, бошқа бирон махлуклар мана шу тап тортмас, мағрур қаҳрамонларни, мардлик, фуур, шан-шукуҳ, эгалари, сара зотларни қандай қилиб енга олганларини тушунгандай эди. Агарда улар билан бирга урушга борганди эди, эҳтимол, буни аввалроқ англаб етган бўлармиди. Лекин ўшанда буни олдиндан билса, кейин шунча йиллар қандоқ яшай оларди ахир? Ўтган беш йил давомида илгариги ҳаётнинг хотирасини қандоқ кўтариб юрган бўларди ахир?

Қуёш бота бошлади. Чақалоқ уйғониб йиглади; Уош ёғоч каравотга яқинлашганда, набираси болани эмизар, лекин унинг чехраси ҳамон ўша-ўшандай ўйга ботган, хўмрайган ва тош қоттан эди.

— Очқамадингми? — сўради Уош.

— Менга ҳеч нарса керакмас.

— Тотинсанг бўларди.

У жавоб бермади, бошини чақалоқ узра эгди. Уош ўтирган ерига қайтиб борди ва қуёш ботиб кетганини кўрди. «Энди оз қолди», хаёлидан ўтди унинг. Қасос олиш ўтида ёнган, ошиқкан одамлар назарида энди жуда ҳам яқинлашиб келгандай эдилар. Уларнинг бир-бирлари билан кўпириб-тошиб, ҳатто орасида Уошни тушуниб тортишашётганлари чолнинг қулоғига чалинаётгандай эди: «Қари Уош Жонс ёмон бой берди. Сатпени кўлга туширдим деб юрганди, Сатпен уни тоза аданни берди. Полковник энди жуда бўлмаганда ё уйланади ё бадал тўлайди, деб ишонган эди, полковник эса чув туширди». «Лекин мен бундай гапни ҳатто хаёлимга келтирган эмасман, полковник!» — қичқириб юборди Уош ва ўз овозини ўзи эшитиб, шу заҳоти жим бўлди, дарҳол набираси томонга ўгирилиб, қаради ва кўзи унинг саволомуз кўзига тўқнашди.

— Кимга айтяпсиз? — сўради у.

— Э, ўзим шундай. Хаёл олиб қочиб, ўзимдан ўзим гапириб юборибман.

Набирасининг чеҳраси қандайлигини энди англаб бўлмас — қоронри говгум тушаётган уй ичида унинг юзи ғализ тумтайган доғ каби кўринарди.

— Қайдам, — деди, — қайдам, уни эшитсин десангиз, балки қаттиқроқ қичқириш керак бўлармикин. Э, қичқирдинг нима, қичқирмадинг нима, барибир, у эшитмайди.

— Э, йўқ, бўлди, бўлди, — деди бобоси. — Ҳеч нарсани ўйлама.

Лекин ўзи энди чарх ураётган ўйларини сира тўхтата олмасди: «Ҳечам ундей эмас. Сиз биласиз-ку, ўзингиздан ўзга ҳеч кимдан ҳеч нарса кутган эмасман. Ва ҳеч қачон сўраб борган эмасман. Ҳожати йўқ, деб ўйлардим. Менга ўхшаган бир одам генерал Ли қаҳрамон деб атаган кишидан шубҳаланиб ўтиrsa, яхшимиди? Қаҳрамон, — деб ўйларди у. — Олтмиш бешинчи йилда бу қаҳрамонларнинг биронтаси уйга қайтмаганда яхший-

## ҚОРА МУСИҚА

*Иброҳим Рафуров таржимаси*

### I

Бу қисматнинг арзандаси, Худо сийлаган банда Уилфред Мижлстоннинг бошдан кечирганлари. Бир парчагина эту сұяқдан іборат бўлган бу шўринг қургур доим соатлар ва қўнғироқларнинг қисталанг забтида яшар, эллик олти йилдан бери кўримсиз тош кўчалардан қатнагани қатнаган, увоқ ва бечораҳол, дилдираган бу одамчанинг турқи-таровати кўча магазинларининг хира ойналарида акс этгани этган ва лекин на бирон эркак ва на бирон хотин унинг орқасидан қайрилиб қараган эмасди. Кейин нима бўлдию бир зум унинг юлдузи балқиб кўтарилиди — бир зумлик бу балқиши Мижлстоннинг ўзига бир умрга татиди — кўтарилиди-ю, бир замонлар ҳазрати Илёснинг бошидан ўтгандай, уни ҳам ўзи йўқотиб қўйган ернинг англаб бўлмас шафақгун кўкларига кўтариб кетди.

Мен уни «Универсал» нефть компаниясининг пўлатдан қурилган докларида, чайқалиб турган танкердан катта бўлмаган Ринкон деган шаҳарчада учратганман. Бу ерда бир қатор уйлар тушган ва бир қатор пальмалар ўсган биттагина кўча бор. Кўча тупроғи яланг оёқларнинг қийшиқ изларига тўла, унинг бетида кундузлари кўланкалар кўлкаланиб ётади, тунлари эса йирик ярқироқ юлдузлар шуълалар сочади.

— У Штатлардан келган, — деб айтишарди менга. — Бу ерда йигирма беш йилдан бери яшайди. Шунча вақт ўтса ҳам зирирча ўзгаргани йўқ. Испанчасига лоақал ўнтагина сўзни билмайди. Рост, фақат кийимлари тўзиб кетди, холос.

Кўринишдан уни жуда қари деб ҳам бўлмасди, вақт уни шафқатсиз пийпалаб ўтмагандай эди. Шу ерлик халқнинг ичида йигирма беш йилдан бери ҳаёт кечи-

риб, унинг тилида бир оғиз ҳам гапиролмас, эндилиқда шу ҳасратда ўтиб кетадиганга ўхшарди, чамаси! У ҳеч ерда ишламасди: жуда маъсум, ҳаддан ташқари маъсум одамча эди. Жорж Эйд масалларидағи 1890 йилги пресвитер маскарадига дайди либосида чиқсан ҳисобчига ўхшаш, афтидан, жуда ғариб, паррихта ва баҳтиёр зот.

Ҳа, ғоят баҳтиёр ва ғоят қашшоқ.

— Балки ҳақиқатан ҳам камбағалдир, эҳтимол, ўзини фақат камбағал қилиб кўрсатаётгандир. Лекин энди ахир, уни ҳеч нарса қилолмайдилар. Унга буни янги келган пайтларидаёқ айтганимиз. «Бу қандай юриш, — деганимиз унга, — ишлат пулларингни, маза қилиб, роҳат-фароғатда кун кечир. Сувлар оқиб, излар босилиб кетгандир аллақачон». Агар мен таваккалига олиб ўғирлик қилсаму кейин то ўла-ўлгунимча шу лаҳад оғзида қийналиб ўтадиган бўлсам, уларни нима қилишни ўзим билардим!

— «Уларни» деганингиз нима?

— Пуллар. У пул ўғирлаган, кейин жуфтакни ростлаб қолган. Бўлмаса бу ерга келиб, нима қилиб, йигирма беш йилдан бери яшаб юрибди! Куннинг ботишини томоша қилиб юрмагандир, ахир?

— Бой-бадавлат одамга турқи ўхшамайди, — дедим.

— Рост айтасиз. Унда давлат нима қилсин! Лекин афт-башарасини бир қаранг! Бунақа одам ўғирликни ҳам эплаб қилолмайди. Ўғирлаганда ҳам кейин нима қилишини билмайди. Гапингиз тўғрига ўхшайди. Оёғини қўлига олиб қочган-да, бўйнига тавқи лаънатдан ўзга нарсани осиб келган эмас. У қочиб келган ерда эса бирор маза қилиб, пулларни совуриб ётибди, тағин ҳафтада икки маротаба черков хорида овозини баланд қўйиб ашула ҳам айтади, дэнг.

— Нима, қўпинча шундай бўладими? — деб сўрадим.

— Ҳа, худди мана шундай, тусини ел есин буларнинг. Жуда ҳам битиб кетган разил махлук ўзини қуруққа олиб қочади, бошқаси — аҳмоқларнинг энг аҳмоғи эса, гарчи умрида қўлига икки ярим минг уш-

ламаган бўлса ҳам, анов разилга чўғ устидан писта олиб бериб туради. Икки ярим минг-а! Анов аллакимнинг чўнтаига кирса, бу озмунча пулми! Лекин барини йиғишириб, минг чақирим нарига оёқ жуфтлашга тўғри келса ва бунинг йўлкираларини ҳам ўз ёнидан тўласа, қанчага ҳам етади дейсиз шунча пул?

— Қанча вақтга етади? — деб сўрадим.

— Кўпмас, икки йилга. Уф-ф! Ундан кейин мен... — Утилини тишлаб қолди ва менга олайиб тикилди. Ҳолбуки, ўртамизда турган кофе ва ноннинг пулини мен тўлаган эдим.

— Сиз ўзингизни ким деб ўйляпсиз жуда? Пинкертонмисиз?

— Э, йўғ-э, сизни хафа қилмоқчи эмасдим. Икки ярим минг долларга қанча вақт яшайди, щуни билмоқчидим.

— Ким айтди сизга, унинг икки ярим минг доллари бор деб? Мен шунчаки омади гап деб айтдим, холос. Унинг ҳатто икки юз эллик доллари ҳам ҳеч қачон бўлган эмас. Агар бўлганда ҳам, яхшилаб беркитиб қўйган, ҳали бирон жойда чириб ётган чиқар. Бу ерга тилини осилтириб келди-ю, оғирлиги бўйнимизга тушди, бизнинг меъдамизга теккач, мексикаликлар ҳузурига юкиниб борди. Одам ҳам шундай бўладими, ўғирлик пул устида шунчалар титраб-қақшаб ўтиrsa-я, яна анов исқирт мексикаликларга сифинди бўлиб юрса-я! Ваҳоланки, оқ одамларга ўхшаб яшаса бўлади-ку.

— Э, балки, ҳеч қандай пул-мул ўғирламагандир? — дедим.

— Унда бу ерда нима қилиб юрибди?

— Мисол учун, мен ҳам юрибман-ку бу ерда.

— Сиз ҳам балки қочиб келгандирсиз, мен қаердан билай?

— Ҳамма гап шунда, билмайсиз, — дедим.

— Билишни ҳам истамайман. Менинг нима ишим бор. Ҳар кимнинг ташвиши ўзига етарли. Бошқаларни билмайман-у, лекин мен уларнинг ишларига бурним-

ни тиқмоқчи эмасман. Лекин ишончим комилки, одам, айниңса, оқ танли одамнинг Худо билади, нима баҳонаси бўлиши мумкин... у... Ҳозир энди ҳеч қандай баҳонанинг ўзи ҳам қолмаган бўлса керак. Лекин оқ танли одам умрининг қолган-қутган кунларини ўтказиш учун бу ерга келган деб мени ишонтиrmай қўя қолинг.

— Нима, сиз ўғирлик — бирдан бир сабаб деб ўйлайсизми?

У менга нафратомуз ва ҳатто ижираниб қаради.

— Мабодо, энага керак эмасми ўзларига? Одамларни яхшилаб билиб олмагунингизча энагасиз юришингиз мумкин эмас. Ким бўлишидан қатъи назар, ҳар бир кимса, ҳатто черковда ҳаммадан кўра баландроқ овозда ашула айтса ҳам, агар қўлга тушмаслигига ишонса, албатта, қўймайди, ўмаришга ҳаракат қиласди. Сиз шуни ҳам тушунмасангиз, яхшиси, тезроқ уйингизга жўнаб қолинг, ойижонингизнинг этагига беркиниб ётинг.

Мен кўчанинг нариги бетидаги Мижластонни кузатиб ўтирадим. У дараҳтлар тагида чанг-тўзонда ўйнаётган бир тўда қип-яланроқ болакайлар олдида турар, ўзи жуда афтодаҳол, кийимлари тўзиган, устига тик газламасидан худди қопдек осилиб турган яғир шим илган эди.

— Нима бўлганда ҳам, — дедим мен, — бу нарсаларнинг бари уни сира ташвишга солмайди чори.

— Уними? Э, бирон нимадан ташвишланиш ҳатто етти ухлаб тушига ҳам кирмайди. Ақли етмайди бунга.

Фоят қашшоқ ва ғоят баҳтиёр. Ниҳоят, вақти-соати етиб у билан бирга нон ва кофе баҳам кўриб, яқиндан танишишга мұяссар бўлдим. Йўқ, ундоқ эмас! Мен ҳалиги биринчи ҳамсуҳбатимга ўхшаган унинг шўрпешона ватаандошлари — ҳаётда кўп эзилган, тўзган, доим сочсоқоллари ўсиб юрадиган, қачон қараманг, кафе ва барларни тўлдириб ўтириб, тишлари инжудай оппоқ қорамағиз, назокатли, ўйчан, ерли кишилар орасида шовқин-сурон кўтариб, оқ танлиларнинг афзаллиги, бошларига тушган турли ноҳақлик ва хафагарчиликлардан

вағирлашиб сўзлашадиган кимсалардан андак ҳоли-шими билан ўзим уни биргалиқда нонушта қилишга тақлиф қилдим. Бунга уни бир амаллаб кўндиридим. Мижлстон белгиланган вақтда келди. Устида ўша кир-чиршим, лекин бус-бутун дазмолланган оқ кўйлак кийган эди. Ва ҳатто соқоллари ҳам қиртишлаб олинганди. Меҳмоним қадрини ерга урмай, ялтоқланмай ўтириди. Финжонни қўлига олганда эса унинг бармоқлари қалтираёттанига кўзим тушди, — уни жуда қийналиб орзига олиб борди. Менинг назаримни пайқаб, биринчи марта менга бошини кўтариб қаради. Шунда унинг кўзлари нақадар қартайиб қолганлитини сездим.

— Икки кун бўлди туз тотмаганимга, — деди узр сўраган каби.

— Икки кун дейсизми?

— Иқдим бу ерда иссиқ. Кун иссиқ бўлса, одамга кўп нарса керакмас. Оч бўлсанг, қушдай енгил юрасан. Бу ерга дастлаб келган пайтларим овқат важидан анча қийналганман. Лекин уйда денг, овқат ейишни жонимдан ҳам яхши кўрардим.

— Тушунарли, — дедим.

Унинг шунча йўқ дейишига қарамай, гўшт келтиришларини сўрадим. Этни охиригача — қолдирмай еди.

— Буни қарангки, — деди у. — Йигирма беш йилдан бери бунчалик маза қилиб овқатланмаган эдим. Одамнинг ёши ўтиб қолгандан кейин эски одатлардан қутулиши қийин бўларкан. Ҳа, сэр. Уйдан чиқиб кетганимдан бери бир марта ҳам тузукроқ овқатланмаган.

— Энди уйга қайтиб бормайсизми? — сўрадим мен.

— Э, йўқ. Менга шу ер маъқул. Бу ерда яшаш осон. Ҳеч қандай ташвиш йўқ. Эрталабдан кечгача нима қилсанг, ихтиёринг ўзингда (мен оддин архитектор қўлида чизмакашлик қилганман). Йўқ, орқага қайтиб нима ҳам қилдим.

У юзимга қаради. Чехраси сергак ва ўйчан бўлиб қолди, болалар бирор сирни айтиб бермоқчи ёки ҳикоя қилмоқчи бўлсалар, шундай қиёфага кирадилар.

— Менинг қаерда ётиб юришим хаёлингизга ҳам келмайди.

— Рост айтасиз. Ўзингиз айтиб бера қолинг.

— Чордоқда ётаман. Ҳов анави барнинг орқасида. Компанияга қарашли уй. Бошқарувчи мистер Уидрингтоннинг хотини миссис Уидрингтон ўша ерда ётиб юришимга ижозат берган. Баланд, тинч жой, фақат каламушлар юргилаб юришади. Лекин бироннинг уйи бўлгандан кейин нима ҳам дердинг. Асли уй ҳам деб бўлмайди. Уни каламушхона деяверинг... Аммо қизиги бунда ҳам эмас. — У мендан кўзларини узмай туради.

— Буни ҳеч қачон тополмайсиз.

— Ҳатто уриниб ҳам кўрмайман, — дедим мен. У ҳамон мендан кўзини узмасди.

— Сизга ҳозир ётадиган тўшагимни гапириб бермоқчидим.

— Тўшак дейсизми? — қайталаб сўрадим мен.

— Боя айтдим-ку, тополмайсиз деб.

— Нима ҳам қиласардик, — дедим мен. — Сиз ютдингиз.

— Мен бир ўрам толнинг устида ётаман.

— Нима?

— Тол дейман.

Унинг чеҳраси очиқ, осуда, овозида қувонч билан бамайлихотир сўйлар эди.

— Кечаси бўлганда, толни ёзиб ётаман, эрталаб яна ўраб бурчакка қўяман. Уй ҳам саранжом денг. Яхши-а, тўғрими? На чойшаб керак ва на кир ювиш. Бу ердан бошқа жойга кўчмоқчи бўлсанг, ўринни тахтайсану соябондай қўлтифингга қистириб жўнаб қоласан, вассалом.

— Оилангиз борми? — сўрадим мен.

— Йўқ.

— У ёқда, уйингизда-чи?

Мижлстон жуда хотиржам қўринарди. Ўзини стол устида бир нарсаларни кўраётгандай қилиб ҳам кўрсатмасди. У бир зум ўйланиб қолган бўлса-да, лекин кўзларини хаёл тумани қоплагани йўқ.

— У ёқда, уйда хотиним бор. Унга бу ернинг обҳавоси унчалар тўғри келмаса ҳам керак. Бу жойни у ёқтирган бўларди. Лекин у яхши яшайди. Мен сугурта пулини доим ўз вақтида тўлаб турганман. Анча пул ўтказганман — ҳафтасига етмиш беш доллар оладиган чизмакаш шунча кўп пул сугуртага тўлаши мумкинлигига ишонмаган бўлардингиз. Сугуртанинг қандайлигини билганингизда тоза ҳайрон қолардингиз-да. Хотиним эса пулни тежаб қолишга ёрдам берарди; у жуда яхши хотин. Энди пулларнинг ҳаммаси унга қолди. Қандини урсин, у шунга арзийди. Ундан кейин менга пулнинг нима кераги бор дейсиз?

— Уйга қайтиш ниятингиз йўқ экан-да?

— Йўқ, — деди у.

У мендан кўзларини узмас, кўзларида яна бир нарсани бўйнига олишга тайёр турган болаларда бўладиган ғалати ифода филтиллаб кўринди.

— Мен бир иш қилиб қўйганман. Тушундингизми?

— Тушундим.

— Йўқ! Сиз ўйлагандан кўра бутунлай бошқа нарса. Ановилар ўйлаб юрганидан кўра ҳам бошқа. — У ўз ватандошлари томонга имо қилди. — Умрим бино бўлиб мен пул ўғирлаган эмасман. Мартага ҳам доим шундай дердим, — Марта — менинг хотиним, миссис Мижлстон, — пулни шундоғам ишлаб топиш қийин эмас, шундай бўлгач, бошингни хавф остига қўйишининг нима ҳожати бор? Ишла, вассалом! Биз ахир қийналиб яшаётганимиз йўқ-ку, дердим унга. Албатта, биздан анча яхши тураётган одамлар ҳам бор. Лекин ҳар кимники ўзига. Жўжа бўлиб турилган экансан, барибир ҳеч қаҷон бургут бўлиб қолмайсан, охири товук бўласан холос. Ана шундай дердим унга. Хотиним менга кўмаклашарди, биз яхши яшардик. Суфуртамиз қандайлигини сизга айтсам, сиз ишонмаган бўлардингиз. Йўқ, хотиним ҳеч нарсага муҳтож бўлгани йўқ. Нима деб ўйласангиз ўйланг-у, лекин бу ёғига сира шак-шубҳа қилманг.

— Мен ҳам ҳеч нарсадан шубҳаланаётганим йўқ, — дедим.

— Кейин мен бир иш қилиб қўйдим. Шундай, сэр.

— Нима қилиб қўйган эдингиз? Менга айтиб беролмайсизми?

— Бир иш қилиб қўйдим. Шундай ишки, бундайи оддий одамларнинг бошларига аҳён-аҳёндагина тушиши мумкин.

— Ҳар ҳолда нима бўлган эди?

У башарамга қаради.

— Айтиб беришдан қўрқмайман. Ҳеч қачон қўрқсан эмасман. Фақат ановлар, — у яна бошини қимирлатиб нарирокда ўтирган юртдошларига имо қилди, — барibir ҳеч нимани тушунмаган бўлардилар. Улар гап нима устида бораётганини билмайдилар. Сиз эса бошқача одамсиз. Сиз тушунасиз.

У мендан кўзларини узмасди.

— Мен умримда бир марта фан бўлганман.

— Ким?

— Фан. Эсингиздами, эски китобларда ҳикоя қилинади, улар қизил май ичишни яхши кўрадилар. Румо ёки Юноннинг бой сенаторлари эса кўнгил ҳуши учун қадимги узумзорни ва ёхуд эскидан қолган чангалзорни бузиб, ўрнига чорбоғ қурмоқчи бўлишади, чангалзор ва эски токзорлар эса Худонинг суйган жойи бўлади, бойваччалар эса полициянинг кўзидан узоқроқда бўлишни ёқтирадилар, аммо эри бор хотинлар у ерларда қип-яланғоч бўлиб, диркиллаб ўйноқлаб юришлари Худога унчалик хуш келмайди, ана шунда ўрмон Худоси... ҳаҳ, оти нимайди?

— Пан, — дедим мен.

— Худди ўзи. Пан. У ҳалигиндақа одамларни қўрқитиш учун ғалати маҳлукларни юборган... ярим така...

— Э-э, фавнлар, — дедим мен.

— Худди ўзи. Фанлар. Мен бир марта ана шундай фан бўлганман. Мени болалиқдан Художўй қилиб тарбиялашган, оғзимга бир томчи ҳам олмаганман, чекма-

ганман, умидим борки, дўзахга ҳам тушмайман. Лекин, ана Инжилда айтиладики, бундай махлуқларни тўқиб чиқаришган, ўзи йўқ. Ким нима деб ўйлашини билмайман-у, лекин ўзимга келганда, гапнинг очиги, буни тўқима, бўлмагур гап, деёлмайман. Мен бошимдан шундай бир нарсани кечирдимки, бунақаси оддий одамнинг пешонасига ҳар куни ҳам тушавермайди. Ҳаётимда бир маротаба мен фан бўлганман.

## II

Мижлстон чизмакаш бўлиб ишлайдиган устахонада миссис Ван Дайминг чорбогининг гаройиб лойиҳаларини мухокама қилишар, турли чизмалар ва нусхаларини тайёрлашарди. Чорбог тушадиган ерда ўтлоқ ва ўрмон, жанубий ёнбағрида эса токзорлар бор эди. «Жуда яхши жойлар, — дейишарди устахонада, — лекин у ерда туриш уларга барибир буюрмайди».

— Нега энди? — деб сўрадим Мижлстондан.

— У ерда гаройиб ишлар бўлиб тураркан. Мисол учун, анча илгари Янги Англиядан бир одам келиб бу ерларда ўрнашганлиги, токзорларга яхшилаб қараганлиги ҳақида ҳикоя қилиб беришган эди, чамаси, узум сотаман, деб ўйлаган бўлса керак. Балки мураббо ва шинни пишрмоқчи бўлгандир, ким билади. У яхши ҳосил етиштирган, лекин дент, ҳосилни йириб ололмаган.

— Нима учун?

— Оёғи синган. Унинг ерларида эчкilar билан битта қари така ўтлаб юраркан. Ана шу такани токзордан сира ҳайдаб чиқаролмас экан. Нималар қилиб кўрмаган дейсиз, лекин ҳеч иложини тополмаган. Кейин у узум узгани кирганда, така уни сузиб йиқитиби, ўшандада унинг оёғи синган экан. Кўклам чиқиши билан кўчиб кетиб қолибди.

Тағин бир италиялик ҳақида айтиб беришган эди, у ўрмоннинг нариги ёғида турган экан. У ҳам май соламан деб узум етиштиаркан. Аввал ишлари роса юри-

шибди. Омади чопиб, майи талаш бўлиб кетибди. Шунда у майга сув билан спирт қўшадиган одат чиқарибди, тоза бойибди. Оддин майни от-аравада элтиб сотиб юрибди. Ўрмон ичидан ўзи йўл ҳам солган экан. Лекин пули қўпайгандан кейин юқ машина сотиб олибди. Кейин майга янаям кўпроқ сув ва спирт қўшаверибди, пули олдингисидан ҳам қўпайиб кетибди. Шундан сўнг аввалгисидан ҳам каттароқ машина сотиб олибди. Бир куни кечқурун узум ортиб келаётса, қаттиқ шамол турибди-да, шундан кейин у қайтиб келмабди. Хотини уни тонг отганда топибди. Машина йўлдан ағдарилиб кетиб, тагида қолиб ўлган экан.

— Бунга ернинг нима дахли бор? — сўрадим.

— Э, мен эшитган гапларимни айтиб беряпман-да. Ўша ернинг одамлари, ҳамма бало жойнинг ўзида, деб ўйлашаркан. Тўғри, улар ҳаммаси қишлоқнинг жоҳил ва оми одамлари, балки бунинг учун ҳам, ажабмаски, шундай деб ўйлаб юрган бўлсалар. Лекин ўша жойда уларнинг биронтаси ҳам туришни истамас экан, шунинг учун ҳам мистер Ван Дайминг ери арzonгинага сотиб олган. Рафиқаси учун олган. Эрмакка. Ҳали чизмалар ҳам тайёр бўлмасдан хотини бир поезд одамни ерини кўрсатгани олиб борибди. У ерда эса ҳали ҳатто қоровулхона ҳам йўқ эди, йўл ҳам тушмаган эди, ҳеч нарса йўқ, фақат ўтлоқда одам бўйи баравар майсанланлар ўсиб ётар, адир ён-бағрида эса токзорлар чакалак бўлиб кетганди. Парк-авенюда турадиган бойваччаларга хотин тушунтира кетибди: мана бу ерда меҳмонлар тураладиган худди Колизейга ўхшаган қўра бўлади, бу ерда эса худди Акрополга ўхшаган гараж қурилади: токзорларни бошдан-оёқ қўпориб ташлайман, ёнбагирликда тепадан пастта қараб ўриндиклар тушиб келади — очиқ театр шу ерда бўлади, театрда биз ўз пъесаларимизни ўйнаймиз. Ўтлоқ ўрнида кўл бўлади, кўлда моторли рим кемачаси сузади, унда ёстиғу кўрпачалару ҳаммаси бўлади, бемалол ётиб айш қиласиз.

— Мистер Ван Дайминг нима деди?

— Индамай турган бўлса керак. Номигагина эр. Бир сафар у хотинига шундай деб қолди: «Шошма-чи, Мэтти...» Хотини эса устахонада тўппа-тўғри ҳаммамизнинг оддимизда шартта эрига ўгирилиб қаради-да, бо биллаб берди: «Мен сенга Мэтти эмасман!»

Мижлston индамай қолди. Кейин яна тилга кирди.

Хотини Парк-авенюда туғилган аслзодалардан эмасди. Ҳатто уэст-честерлик ҳам эмас. У Покипсида туғилган. Қизлик чоғида унинг исми шарифи Лампкин эди. Ана энди ўзингиз топиб олинг! У Ван Дайминглар хонадонига мансуб олмосу жавоҳирларни тақиб газетага суратта тушганида, сурат тагига миссис Ван Дайминг бир пайлар Покипсида яшаган мисс Матильда Лампкиннинг худди ўзи деб ёзилмаган эди. Йўқ, сэр. Ҳатто газеталар ҳам буни эслашга журъат қилмаган эдилар. Афтидан, мистер Ван Даймингни ҳам бунга юраги бетламасди, мабодо, устахонада бўлганидек, унда-мунда тилдан адашиб қолмаса. Ўшанда ҳам хотини шартта бетгачопарлик қилганди: «Мен сенга Мэтти эмасман!» Шўрлик эри турган жойида қотиб қолди, тили танглайига ёпишди, ўзи кичкинагина увоқ одам денг, — менга сизга ўхшайди деб айтишарди. Аъло навли сигарасини қўлқолига аста-аста урганича, юзида юз қолмаган, кулмоқчи бўлган, лекин кулишини ҳам билмаган бир алфозда турибди денг.

Улар олдин уйни қуриб битказиши. Қулинг ўргилсин уй бўлди ўзиям — Ван Даймингнинг ўзи лойиҳасини чизган эди-да! Бу сафар у боплаб адабини берган шекилли, хотини миқ этолмади. Мэтти-пэтти деб ўтирамаган бўлса керак. Хотини ҳам, «Мени ундей деб чақирма, тиалингни тий!» деб айтишга юрак бетламаган шекилли. Балки у уй қуришдан бошқа ишларга аралашмасликка хотинига сўз бергандир. Уй чиндан ҳам жуда чиройли чиқди. У адирнинг тепасида ўрмон четида жойлашган эди. Уйнинг бир қисми оғочдан қурилганди. Уй бу ерга шунчалар мос тушган эдики, худди бир асрдан бери ана шу жойда турганга ўхшарди. Йи-

рик хари оғочлар бўлиши керак бўлган жойлари йирик харилардан, ғишт билан териладиган ерлари ташиб келтирилган ғиштдан, баъзи жойлари эса тахта қопламалик қилиб қурилган эди. Уй ўз жойига тушганди. Кўзга ташланиб турмасди. Менинг нима демоқчи бўлганимни тушуняпсизми?

— Тушуняпман. Афтидан, тушуняпман.

— Лекин Ван Дайминг бошқа ҳеч нарсага мутлақо аралашмади, на хотини айтган йўлларга ва на Акрополларга.

У менга қаттиқ тикилди.

— Баъзан мен ўйлаб қолардимки...

— Нимани?

— Боя айтдим-ку, биз у билан жуда ўхшаш эдик, бўйимиз ҳам бир...

У мендан кўзларини узмасди.

— Шундан дент, назаримда, биз у билан юракдан очиқчасига сұхбатлашсак бўлаверадигандек туюларди, гарчи у аъло костюмлари, акциялари, темир йўллари бўлган Ван Дайминг, мен эса ҳафтасига етмиш беш доллар оладиган бруклиник оддий чизмакаш, ёши ҳам ўтиб қолган бир одам эдим. Шу дент, мен истаган пайтда унга юрагимдаги бор гапларимни тўкиб солишим, у эса ўз дард-ҳасратларини мен билан ўртоқлашиши мумкиндай туюларди. Шунинг учун ҳам мен баъзан ўйлаб қолардимки...

У менга синовчан, қаттиқ разм солиб қаради.

— Эркаклар хотинларга қараганда фаросатлироқ бўладилар. Улар нимага бурун суқмаслик кераклигини яхшироқ билишади. Улар Худога ишонадиларми йўқми, бундан қатъи назар. Майли, гарчи умуман ҳеч нарсага ишонмасалар ҳам.

У менга жуда синчиклаб қараб ўтиради. Кейин худди бирваракай қатъий бир қарорга келган кишидай деди:

— Сизга буларнинг ҳаммаси аҳмоқлик бўлиб қўринади.

— Э, нималар деяпсиз. Асло ундей эмас!

У менга синчковланиб қараб турарди. Кейин күзларини четта бурди.

— Шундай күринади. Фақат сизнинг вақтингизни оляпман, холос.

— Ундаи эмас деяпман-ку. Чин сўзим! Ростдан ҳам, бу воқеани жуда эщитгим келяпти. Дунёда одамлар ҳамма нарсани билиб бўлдилар, деган гапга ишонмайман.

У кўзларини мендан узмасди.

— Дунё ҳозиргидай бўлиши учун миллион йил керак бўлди, дейишади, — деб давом этдим мен. — Одам боласи эса етмиш йил ичида дунёга келиб, қариб-чириб, омонатини ҳам топшириб улгуради. У ҳаммасига жиндай шубҳа билан қарайдиган даражада. Ахир қачон шунча нарсани билиб улгуради дейсиз?

— Рост, — деди у, — тўғри нарсани тўғри дейиш керак.

— Хўп, сиз баъзан нималарни ўйлар эдингиз?

— Ўйлардимки, агар мен бўлмаганимда, ановлар уни танлаган бўлишарди. Хўш, ўша Ван Даймингни менинг ўрнимга танлаган бўлишарди.

— Улар дейсизми?

Биз бир-биrimизга жуда жиddий ва жуда хотиржам қараб турардик.

— Мен Янги Англиялик йигитга такани ва италияликка қарши бўрон юборганларни айтяпман.

— Э, шундай демайсизми. Бундан чиқди, уларнинг қўлларига сиз тушиб қолмаганингизда, улар мистер Ван Даймингни танлар эканлар-да. Сиз уларга нега керак бўлиб қолдингиз?

— Ана шуни сизга ҳикоя қилиб бермоқчиман-да. Бу ишга қандай дучор бўлганимни. Лекин мени танлаганларидан мутлақо хабарим йўқ эди. Бунинг устига мени оддий одамлар қисматига камдан-кам тушадиган ишга танлашган экан. Ҳаммаси мистер Картер (архитектор, менинг бошлиғим) Ван Дайминг хонимдан ишни тезлатиш ҳақида буйруқ олгандан кейин бошланди. Мен

боя айтиб бердим шекилли, уйни қуришгани ва турлитуман меҳмонлар келиб, энди ҳар турли Колизейлару Акрополларни қандай қураёттнларини томоша қилишганларини. Ана шунда биз ҳам буйруқ олдик. Хоним тепа ён-бағрида узумзор ўрнида қуриладиган очиқ театрнинг эскизларини тезроқ тайёрлаб беришни талаб қиласади. Меҳмонлар Акрополлар ва Колизейларни қандай қуришаёттанини bemalol ўтириб томоша қилишин, деб ўйлаган шекилли. Хоним шу мақсадда токларни ҳам қўпортира бошлаганди. Шундан кейин мистер Картер чизмаларнинг нусхаларини папкага солди-да, икки кунга чиқиб келинг деб, мени жўнатиб юборди.

— Ўша жой қаердайди ўзи?

— Билмайман. Узоқда, тоғлар ичида. Ўша тоғларда одамлар жуда сийрак яшашади. У ерда ҳаво кўм-кўк мовий, салқин шамол эсиб туради. Қарағайлар шамолда гувиллайди, худди арганун чалган каби, лекин, албатта, арганун сасларида созланган эмас. Созланмаган кўйи гувиллашарди ўша қарағайлар. Лекин ана шу ернинг аниқ қаердалигини рости, билмайман. Мистер Картернинг ўзи чипта олдирган ва бекатда сизни одам кутиб олади деганди.

Албатта, мен дарров Мартага қўнироқ қилдим, уйга тайёргарлик кўргани жўнадим. Келсам, кўчалик костюмларим яхшилаб дазмолланган, туфлиларим ярақлайди денг. Лекин буларнинг унча ҳожати ҳам йўқ эди, қиладиган ишим нусхаларни беришу қайтиш. Лекин Марта, у ерда қандай одамлар йифилишини ўзинг айтган эдинг-ку, деди. «Шундай борсанг, улардан сира ҳам қолишмайсан, — деди у менга. — Майли, улар бой-бадавлат бўлсинлар, уларни газеталарда ёзишсин. Лекин сенинг улардан кам жойинг йўқ». Кўркам костюмда, папкани қўлтиғимга қистириб поездга ўтираётганимда унинг менга айтган охирги сўzlари шулар эди: «Уларни газеталарда ёзишса ҳам, барибир, сенинг улардан қолишадиган жойинг йўқ». Ана шундан ҳаммаси бошланди.

— Нима бошланди? Саёҳатингизми?

— Йўғ-эй. Анов поезд анча йўл босиб қўйди. Атроф кета кетгунча далалар. Мен ўшанда танлаб олинганимни етти ухлаб хаёлимга ҳам келтирмагандим. Вагонда шундоқ ўтирибман дeng, папка эзилмасин деб, тиззамга қўйиб олганман. Ҳатто муз солинган сув ичиб келайин деб, ўрнимдан турганимда ҳам, мен танлаб қўйилганигимни билмасдим. Папкани ҳам қўлимдан қўймай, муздай сувни қофоз стаканчадан ичиб турибман дeng. Ойнага қарайман, томоша қиласман. Йўл ёқалаб оплоқ девор узундан-узоқ чўзилиб кетган, уларнинг нарига ёғида моллар ўтламоқда. Поезд шитоб билан елиб боради, буларнинг қандай моллар эканлигини ҳам билолмай қолдим.

Мен яна бир стакан қўйиб ҳўпляяпман, йўл ёқасига тикиласман, сигирларга қарайман, бирдан оёқ остим қаттиқ силкиниб кетди. Йўл ёқаси, деворлар чархпалак бўлиб суза бошлади. Ана шунда мен уни кўрдим. Кўриш им билан гўё бошимда бир нарса портлагандай бўлди. Биласизми, нимани кўрдим?

У мендан кўзларини узмасди.

— Башара! Девор оша ҳавода муаллақ осилиб турибди-ю, менга тикилади. Одамзод башарасига ўхшамайди, нега десангиз, шохи бор, лекин така шохи эмас, аммо соқоли ҳам бор дeng. У менга тикилиб қарайди, оғзи катта очилган, худди ҳозир менга бир нима дейдигандай. Ана шунда калламда бир нарса портлаб кетгандай бўлди.

— Кейин-чи? Кейин нима бўлди?

— Менинг гапларимни эшитяпсиз-у, ичингиизда ўйлаётган бўлсангиз керак: «Деворнинг орқасида такани кўрибди» деб. Биласман. Мен ҳам сиздан ишонинг деб сўраганим йўқ. Бирор ишонадими бунга, ишонмайдими, йигирма беш йилдан бери бу мени сира қизиқтирамайди. Садқаи сар. Ана шуниси мухим.

— Албатта, — дедим мен. — Ҳар ҳолда ундан кейин нима бўлди?

— Кейин кўзимни очсан, ерда ётибман, юзим жиқقا ҳўл, оғзим, томоғимга худди ўт тушгандек. Аллақандай бир кимса оғзимга шиша тутиб турибди (кузатувчилардан ташқари улар яна икки киши эди). Мен десангиз, ўрнимдан туриб ўтиromoқчи бўламан. «Бу шишадаги виски экан», дейман. «Қўйинг-э, оғайни, нима дејпсиз, — дейди анави кимса, — сизга ўхшаган одамга виски бериб бўладими! Башарангизга бир қараща онадан туғилиб оғзингизга бир томчи олмаганлигинизни аниқ айтиб бериш мумкин. Тўғрими?» Мен унинг гапини тасдиқладим. «Албатта, ҳеч ичмагансиз. Ҳаа, — дейди у, — кўринишдан унча бақувватга ҳам ўхшамайсиз: бурилишда бир силкинган эди, дарров ағанаб тушдингиз. Бошингизни қаттиқ уриб олган кўринасиз. Ҳозир қандай, сал тузук бўлиб қолдими? Қани-чи, яна бир ҳўплаб юборинг, бир оз тетик тортасиз». — «Менимча, бу вискига ўхшайди», дейман яна мен...

— Ростданам вискимиди?

— Билмайман. Эсимдан чиққан. Ўшанда билган бўлсам керак, яна бир маротаба ҳўплаганимдан кейин. Лекин бунинг ҳеч аҳамияти йўқ. Анов бусиз ҳам ўзишини бошлаб юборган эди.

— Вискими?

— Йўқ. Анови. Вискидан ҳам кучлироқ бўлган анови. Мен эмас, худди ўша анови шиша оғзидан ароқ тортаётгандай эди. Бояги киши ҳам шишани ёруқса солиб кўрди-да: «Ҳақиқатан ҳам, виски эмас, сувдай тортасиз-а, — деди. — Ҳечқиси йўқ, нималигини кейин билб оласиз».

Кейин охири поезд мен тушадиган бекатта келиб тўхтади, бу ерда ҳамма нарса мовий экан — осмон ҳам, тоғлар ҳам кўм-кўк. Мени арава кутиб турган экан: бояги икки киши вагондан тушишимга кўмаклашиб юборишиди, папкамни қўлимга тутқазишиди, мен бўлсам, қаққайиб турганча: «Қани ҳайдада!» дейман. Қаранг-а, «Қани ҳайдада!» дебман, ҳалиги икки киши менга худди сизга ўхшаб қараб қолишиди.

— Анграйиб қолищдими?

— Ҳа. Ишонмасангиз, ишонманг. Мен фақат улардан илтимос қылдым, түхтаб туриңглар, мен сибизға сотиб олай...

— Сибизға?

— Ўша ерда дүконча бор экан. Дүкончаю станция-ю ва яна тоғлар дeng, араванинг тагида хира туссиз тупроқ ва тарин күкимтири совуқ, лекин қуёш йўқ эди. Кейин биз...

— Сибизра нима бўлди? — сўрадим мен.

— Сотиб олдим, дүкончадан олдим... тунукадан ишланган, тешикчалари ҳам бор. Қандай чалишга ҳеч ақлим етмаса бўладими дeng. Шунда дeng, папкани арава ичиға қараб улоқтиридим-у: «Қани ҳайдай!» дедим. Ҳа-ҳа, худди шундай дедим. Бояги икки кишининг биттаси папкани аравадан олиб, қўлимга тутқазди дeng. «Ҳей, оғайни, бунинг ичида қимматли ҳеч нарса йўқми?» Мен папкани олиб яна арава ичиға итқитаман-да: «Ҳайдай!» деб қичқираман.

Биз ҳаммамиз араванинг ўриндиғида ўтирибмиз, мен ўртадаман. Ашулани баланд қўйиб кетяпмиз. Совуқ эди, биз эса дарё бўйлаб кетяпмизу ашула айтамиз дeng, кейин тегирмон олдига келиб түхтадик. Бояги кишиларнинг бири у ерга кириб кетди, мен бўлсанм ечина бошладим...

— Ечина бошладингиз?

— Ҳа-да, устимдаги пўрим костюмни ечдим. Ечиб индамай-синдамай тўғри чанг кўчага қараб отдим.

— Совуқ эмасмиди?

— Совуқ. Совуқ ҳам гапми. Ечинганимдан кейин дарров билинди. Кейин бояги бири кўза кўтариб келди, кейин ҳаммамиз ичдик...

— Кўзадаги нима эди?

— Билмасам. Эсимда бўлсайкан. Лекин, афтидан, виски эмасди, йўқ. Худди сувга ўхшаган туссиз нарса эди.

— Ҳидидан билиб бўлмасмиди?

— Мен ҳид билмайман. Шифокорлар ҳид билмайдигаларни нима деб аташларини ҳам билмайман. Баъзи

бир ҳидларни болалигимданоқ ажрата олмасдим. Айтишларича, мен йигирма беш йил шунинг учун ҳам бу ерда чидағ яшаб юрган эмишман.

Шундай қилиб дeng, ичиб олганимиздан кейин мен күпrik панжараси олдига бордим. Сакрашдан олдин сувда ўз аксимни күрдим. Ўшанды билдим — ҳамма нарса рўй бериб бўлганлигини. Танам одамларнинг таналарига ўхшарди. Башарам эса худди поездда кетаётганимда бошим портлаганда қандай бўлса, худди ўшандай — шоҳ ўсиб чиқсан, соқолим осилган эди.

Мен аравага қайтиб келдим, биз яна кўзачадан тортидик ва ашулани ванг қилиб қўйдик, улар кўйлак, шимларингизни кийиб олинг деб илтимос қилишди. Сўнг биз йўлга тушдик. Ашулани баланд қўйиб кетяпмиз.

Рўпарамда уй кўринди, мен аравадан тушдим. «Яхшиси, бу ерда тушма, — дейиши ҳалиги иккови. — Бу ер қўра, улар ҳўкиз боқишиади занжирда. Лекин мен барибир тушдим, қўлимда дeng, костюм, нимча, папка, тунука сибизга дeng.

### III

Мижлстон индамай қолди. Кейин менга жуда жиҳдий ва жуда хотиржам кўз ташлади.

— Хўш, — дедим мен. — Ундан кейин нима бўлди?

— Мен сизга ишонмасангиз ишонманг дедим-ку. Тўғрими? — У қўлини қўлтиғига тиқди. — Шунаقا гапга ишониб бўладими. Лекин сиз жон-жон деб қулоқ солдингиз, шунинг учун сизга ҳозир бир нарсани кўрсатаман.

У қўйнидан дағал ҳамён чиқарди. Ҳамён ҳаддан ташқари беўхшов қилиб тикилган, эскириб кеттанидан чирк бойлаганди. У ҳамённи очди. Лекин ичидағини олмасдан олдин яна менга қаради.

— Сиз ҳеч риоя қила оласизми?

— Риоя дейсизми?

— Худди шундай. Одамлар буни ўз кўзим билан кўрганман деб сўйлай бошлаганларида. Ахир иккита

одам битта нарсани бутунлай бошқача-бошқача кўришлари мумкин. Ҳатто битта одамнинг ўзи турлича кўриши мумкин — ҳаммаси қаердан қандай қарашга боғлиқ.

— Тушунарли, — дедим мен. — Риоя. Ҳа, албатта.

У ҳамёндан букланган газета қийтигини чиқарди. Газета парчаси аллақачонлар сарғайиб кетган, букланниб сийқаланган, чётлари кир мато билан елимлаб қўйилганди. Мижлston эҳтиёткорлик билан шошилмасдан қийқимни очди-да, менинг оддимга ёзиг қўиди.

— Фақат қўлингизга олманг, — деди. — У жуда эскириб кетган, — менда эса бошқа нусхаси йўқ.

Мен газета парчасига кўз ташладим — ҳарфларнинг ранги ўтган, қозози ейилиб кетган, йигирма беш йил бурун чиқкан...

### **ВИРГИНИЯ ТОҒЛАРИДАГИ САВДОЙИ КИБОРХОНИМГА УНИНГ ЎЗ БОҒИДА БЎЛГАН ҲУЖУМ**

Нью-Йорклик миссис Карлтон Ван Дайминг ўз чорбогида яrim яланғоч телба ва қутурган буқа ҳужумига учради. Жинни ройиб бўлди. Миссис Ван Дайминг оғир аҳволда. Шундан кейин суратлар, ўша жойнинг харитаси берилган, миссис Ван Дайминг Нью-Йоркдаги меъмори одидан вакил келишини кутаётгани ва тушлик чорида шу одамнинг қўлидан чизмаларни олиш учун чиққани ҳикоя қилинган эди. Ҳикоя миссис Ван Дайминг тилидан ёзилган эди:

«Мен кутубхонага бордим, шаҳардан келган вакилини шу ерга олиб киринглар деб айтиб қўйгандим, лекин кутубхонада ҳеч зор йўқ эди. Мен хизматкорни чақираймикин дедим-да, яна балки вакил дарвоза одида тургандир, ўзим чиқиб қарай қолай дедим, бу ернинг одамлари то уй эгаларининг бири чиқмагунча, остона ҳатлаб ичкари кирмайди. Мен дарвозага қараб юрдим. Лекин у ерда ҳам ҳеч ким йўқ эди.

Ташқарига чиқиб қарадим. Эшик оди ёруғ бўлса ҳам, мен аввал ҳеч нарсани кўрмадим. Мен уйга қай-

тиб кириб кетмоқчи бўлдим, лекин хизматкор арава станциядан келди деб аниқ айтгани учун вакил эски токзорлар қўпорилиб, театр учун жой очилаётган ерга ўттандир деб ўйладим. Тор ён-бағрига яқинлашиб қолганимда нимагадир орқамга ўгирилиб қарашга мажбур бўлдим. Мен билан ёп-ёруг дарвоза ўртасида аллақандай бир одам бир оёғида ҳаккалаб шимини ечишга уринарди. Юрагим орқамга тортиб кетди.

Мен эримни ёрдамга чақира бошладим. Қичқирганимни биламан, ҳалиги одам шимини шартта ечиб, менга ташланди, унинг бир қўлида қандайдир япасқи нарса, иккинчи қўлида пичоқ бор эди (дарвоза олдидаги чироқнинг шуъласида пичоқнинг узун учи ваҳимали ялтираб кетди). Мен ўрмонга қараб қочдим.

Қаерга қочиб бораётганимни ўзим ҳам билмасдим. Кучим борича чопаётганимни биламан, холос. Кейин мен эски токзордан чиқиб қолдим, буни қарангки, мен уйдан тамомила тескари томонга қараб қочган эканман. Ҳалиги одам орқамдан қувиб келарди, бирдан кутимагандা, у ғалати товушлар чиқара бошлади — худди ёш бола сибизга чалаётгандек эди. Лекин мен тезда бу товуш оғзига тишлаб олган пичоқ орасидан чиқаётганинги фаҳмладим.

Бирдан мени алланима қувлаб етди ва буталарни даҳшатли равишда патирлатиб ёнимдан фувиллаб ўтиб кетди. У шундоқ ёнгинамдан ўтганлиги учун ваҳимали маҳлукнинг чўғ бўлиб ёнган кўзлари ва шохларига кўзим тушди. Шунда ие, бу Карлтон — Ван Даймингнинг наслдор бўрдоки буқаси-ку, деб танидим, буқа шунчалар даҳшатли эдики, Ван Дайминг уни занжирда сақларди. Буқа ечилиб кеттан эди. У ёнимдан учиб ўтиб, нарига шаталоқлаб кетди, мен энди у томонга қочолмасдим, орқага қайтай десам, йўлимни ҳалиги жинни пичоғи билан тўсиб олган. Мен нима қилишимни билмай қолдим, қўрққанимдан дарахтта суюниб олганча ёрдамга чақира бошладим...»

— Ҳўқиз қандай қилиб ечилиб кетган экан? — сўрадим мен.

Мен ўқирканман, у худди мактаб муаллими унинг ишсосини текшираётгандай мендан кўзларини узмасди.

— Мен болалигимдан полиция газетасини сотардим, шунинг эвазига ҳар турли мукофотлар беришарди. Менга ажойиб бир асбоб тегди, у билан истаган қулфингизни очиш мумкин эди. Мен уни чўнтағимда худди тумордек олиб юраман, лекин сира ишлатмайман. Ўша кеча шу асбоб ҳам ёнимда эди.

У стол ва газетага қаради.

— Ахир одамлар ўзлари кўрган нарсаларни ҳикоя қиласидилар, бўлган бўлмаганлиги — бу бошқа гап. Улар қандоқ ишонган бўлсалар, сиз ҳам шундай ишонаверинг. Лекин бу газетада у чопиш осон бўлсин деб, туфлисини ечиб ташлагани, мен туфлига қоқилиб йиқилиб тушай деганим, у чопиб бораркан, ичида бир нарса худди юк ташувчи отдай фўрт-фўрт қилгани ва у қадамини секинлата бошлагандা, мен сибизғага зўр берганим ва у яна тирақайлаб қочгани ҳақида ёзилмаган.

Мен орқада қолиб кета бошладим. Қўлимда папка, бир қўлимда сибизға, ҳеч унга етиб ололмасдим. Машқим пастилиги ва бунинг устига кўп юргурганлигим билинди. Кейин мен папкани итқитиб юбордим-у у турган жойга чопиб келдим, ҳалиги буқа унга тегмайди-ю, атрофида гир айланиб чопгани-чопган денг — даҳшатли шовқин-тўполон денг яна. У бўлса орқаси билан дарахтга тираниб олганча, худди бирорни уйғотиб юборишдан чўчигандай: «Карлтон, Карлтон», деб пичирлагани-пичирлаган.

Газетада бу ёфи шундай ҳикоя қилинарди:

«...Мен дарахтта ёпишганча турибман, буқа ана-мана дегунча мени кўриб қолиши мумкин. Шунинг учун мен овозимни чиқармай қўйдим. Аммо шунда анови одам ёнимга келди, биринчи марта уни яқиндан кўрдим. Олдимга келгач, қандайдир бир зум ичида мен ҳам даҳшатга тушиб, ҳам қувониб, ўйладим: мистер Ван Дайминг! «Карлтон!» деб чақирдим.

Жавоб йўқ. У энгашган эди яна унинг пичорини кўрдим. «Карлтон!» деб қичқирдим мен. У эса ғўлдирайди: «Оҳ, қуриб кетсин ҳеч бўлмаяпти», — у шундай деб ёмон пичорини нимадир қилмоқчи бўлаверади.

«Карлтон! — қичқирдим мен. — Жинни бўлибсан!»

У бошини кўтарди. Мен у эрим эмаслигини кўрдим, ҳам телба, савдои, ҳам буқа таъқибига дучор бўлганлигимни тушундим. Шунда у яна пичорини оғзига олиб борди ва унга қараб пуфлай бошлади, қўрқинчли, чинқироқ овоз эшитилди. Мен ҳушимдан кетдим».

#### IV

Ана шу холос. Газетада бундан ташқари телбанинг беиз ғойиб бўлгани, миссис Ван Дайминг шифокор назоратида даволанаётгани, уни барча меҳмонлар ҳамда мол-мулк билан биргаликда Нью-Йоркка қайтариб олиб келиш учун маҳсус поезд буорилгани хабар қилинган эди: мистер Ван Дайминг эса муҳбирларга қисқагина айтган сўзида чорбоғни қуришдан воз кечгани, уни сошиб юборажагини билдирган эди.

Мен газета парчасини худди Мижлстоннинг ўзидағ фоятда эҳтиёткорлик билан буклаб қўйдим.

— Демак, бор гап шуми? — дедим.

— Ҳа, шу. Эртасига эрталаб кун ёришганда ўрмонда уйгониб кетдим. Қаердалигимни ҳам, қандай қилиб ухлаб қолганлигимни ҳам дарров эслолмадим. Нима қилиб қўйганлигимни ҳам билмасдим. Бунинг нимасига ҳайрон қоласиз! Лекин, ҳар қалай, одамнинг умридан бир куни йўқоладиу буни билмаслиги мумкинми? Нима деб ўйлайсиз?

— Ҳа, — дедим мен, — гапингиз тўғри бўлса керак.

— Мени кўплар гуноҳга ботган банда деб билишади, лекин Худонинг назарида ундаи эмаслигимга ақдим етади. Баъзи одамлар Худонинг ишларини Худонинг ўзидан кўпроқ биламан деб ўйлашади, лекин улар нималар дейишмасин, ҳатто ҳар қандай инсу жинслар ва ҳатто

иблиснинг ўзи ҳам Худонинг кўз ўнгида улар айтганчалик гуноҳкор эмаслар. Нима дейсиз?

Ҳамён столда очик ҳолда ётарди. Лекин Мижлстон газетани ҳануз олиб қўйгани йўқ.

Ниҳоят у кўзларини бир четга олиб қочди ва чехрасида яна болаларча тортинчоқ бир ифода пайдо бўлди. У ҳамёнга қўлини солди-да, худди олдингидек, дарров ола қолмади.

— Ҳолбуки, бу ҳали ҳаммаси эмас, — деди у қўлини ҳануз ҳамёндан олмасдан, кўзларини ерга тикканича: мўйлари сийрак кўримсиз юзи маъсум ва осуда эди.

— Болалигимда жуда кўп ўқирдим. Сиз-чи? Сиз кўп ўқийсизми?

— Ҳа, оз эмас.

Лекин у менинг ғапимни эшитмасди.

— Мен қароқчилар, ковбойлар ҳақида китоблар ўқир ва ўзимни уларнинг энг зўр бошлиги деб тасаввур қиласдим, ваҳоланки, мен-ку ўзим океанини ҳам фақат Кони-Айлендда, дараҳтларни эса Вашингтон-скверда кўрганман. Лекин мен худди ҳар бир ёш бола каби ўқир ва ишонардимки, ҳамон мен ёруғ дунёга келган эканман, ҳаёт мени камситиб қўймайди ва ўшандада... Ўшанда эрталаб кийингани уйга борсам, Марта менга айтади денг: «Ван Даймингларни газеталарда ёзишса ҳам, сенинг улардан ҳеч қолишадиган жойинг йўқ. Газеталарда ёзишга арзийдиган одамларнинг ҳамма-ҳаммасини на Парк-авеню ва на бутун Бруклинга сиғдириб бўлади». Ана шундай деди.

У қўлини ҳамёндан олди. Қўлида кичкинагина, ранги ўчиб сарғайиб кетган газета қийқими бор эди: қийқимни у менга берди.

## СИРЛИ ЙЎҚОЛИШ ЖИНОЯТ БЎЛИШИ ҲАМ МУМКИН

Нью-Йорклик меъмор Уилфред Миглстон миллионернинг чорбоғида ғойиб бўлди.

**ПОЛИЦИЯ ВА КҮНГИЛЛИЛАР ВИРГИНИЯ  
ТОҒЛАРИДА ЖИННИ ТОМОНИДАН ҮЛДИРИЛГАН  
ДЕБ ТАХМИН ҚИЛИНАЁТТАН МЕЬМОРНИНГ  
ЖАСАДИНИ ҚИДИРМОҚДАЛАР**

Миссис Ван Даймингга бўлган ғалати хужум билан боғлиқ бўлса керак.

**ЕРЛИ КИШИЛАР ТАҲЛИКАДА**

...Виргиния штати, 8 апрель...

6 апрель куни мистер Карлтон Ван Дайминг чорбонига олиб борадиган йўлда Нью-Йорклик меъмор Уилфред Миглстон сирли равишда ғойиб бўлди. Ёши 56 да. Унинг қўлида ноёб чизмалар бор эди, чизмалар бутун эрталаб Ван Дайминг ерларидан топилди, шундай қилиб биринчи ашёвий далил қўлга киритилди. Полиция бошлиғи Элмер Харрис ўзи бу иш билан шуғулланмоқда: ҳозир у Нью-Йорқдан келадиган бир қанча изқуварларни кутмоқда. Криминалистлар ёрдамида у жиноятни тезликда тафтиш қилишни ваъда қилмоқда.

**УНИНГ ҲАЁТИДАГИ ЭНГ МУШКУЛ ИШ**

«Одам йўқолишининг сабабларини очсан, — деб айтди Харрис, — миссис Ван Даймингга ўша куни юз берган хужум ҳам маълум бўлади.

Мижлstonнинг хотини қолди, миссис Марта Миглстон, унинг яшаш жойи — Бруклин, кўча...

У менинг юзимга тикилиб туради.

— Лекин мана шу ишларнинг ҳаммасида битта хатолик ҳам рўй берган, — деди у.

— Ҳа, — деб жавоб бердим мен, — сизнинг исми-шиарифингизни нотўғри ёзишибди.

— Мен буни кўрмасангиз керак деб ўйловдим. Лекиши гап бундамас.

У қўлида яна бир газета парчасини ушлаб турди-да, сўнг менга узатди. Бу ҳам олдинги парчаларга ўхшар, улардай сарғайиб ўчган зди. Сиёҳи қуриган қатор бир текис ҳарфларга тикиларканман, одамларнинг аввалги

қилемиш-қидирмешлари, ҳирсу харослари рангсиз бўз тупроқ каби лоақал бир из ҳам қолдирмасдан худди эски элақдан ўтиб кетгандай ғойиб бўлганлигини ўйлардим.

— Мана, ўқиб кўринг. Фақат мен бошқа хатолик ҳақида ўйлар эдим. Лекин у пайтлар ким билибди дейсиз?..

Мен ўқир, унинг сўзлари қулогимга элас-элас чалинарди. Бу қидириш ҳақида эълонлар бериладиган жойда босилган хат эди.

*Янги Орлеан, Луизиана, 10 апрель...  
«Нью-Йорк таймс» газетасининг  
бош муҳарририга,*

*Ҳурматли сэр!*

Газетангизнинг 8 апрель сонида бир одамнинг исм-шарифи нотўғри ёзилган. Унинг исм-шарифи Миглстон эмас, Мижлстон. Ҳар бир америкалик оила учун матбуот яхшилик ва ёки кулфат келтириши мумкин, магарким, сиз газетанинг жойларда ва пойтахтда чиқадиган сонларига тузатиш берсангиз, бошим осмонга етган бўлурди. Матбуот — жуда зўр куч ва сиз ҳар куни газеталарда чиқиб юрмайдиган одамларнинг ҳам исм-шарифларини нотўғри ёзишга сира ҳаққингиз йўқ, ўша одамлар бошқалардан сира қолишмайдилар.

Олдиндан миннатдорчилигимни билдираман.

*Салом билан Ошна.*

— Тушунарли, — дедим мен. — Сиз уни тузатгансиз.

— Ҳа. Лекин хато бутунлай бошқа нарсада. «Нью-Йорк таймс»га хатни мен хотинимни деб юбордим. Не қилсада, аёл киши, биласиз-ку. Унга номи бузиб ёзилганидан кўра умуман газетада исми-шарифини кўрмаслик афзал.

— Унга-я?

— Менинг хотинимга дейман, Мартага. Фақат билмадим, у мен юборганларимни олдими-йўқми. Мана, худди мана шунида хато бўлди.

— Мен унчалик тушунолмаяпман. Балки ўзингиз тушунтириб берарсиз?

— Тушунтираяпман-ку, ахир. Ҳалиги йўқолиш ҳақидаги хабар чиқсан газетадан иккита бор эди менда, лекин мен хатимни босиб чиқаришларини кутдим. Кейин уларни битта қилиб ўрадим-да, конвертга солиб, унинг номига жўнатдим. «Ошина» деб ёзиб қўйдим. Аммо у конвертни олдими-йўқми, билолмадим. Ана сизга хато.

— Хато?

— Худди ўзи. Хотиним бошқа жойга кўчган эди. Унга сугурта шулини тўлашлари биланоқ у Парк-авенюга кўчиб ўтган. Мен бу ерга келганимдан сўнг буни газетадан ўқиб билдим. Газетада миссис Марта Мижлстон Бешинчи авенюдаги «Мейсон Пейот» фирмасида ишлайдиган ёш бир йигитга турмушга чиқсанлиги ҳақида хабар берилган эди. Бироқ қачон кўчиб ўтганлиги у ерда айтилмаган. Шунинг учун олганми, олмаганми, билолмадим.

— Тушунарли, — дедим мен.

У газета қийқимларини дағал матодан тикилган ҳамёнига яхшилаб жойлаштириди.

— Шундай, сэр. Хотинлар ўз номи билан хотинлар. Айрим ҳолларда уларни эркалаб қўйиш керак. Улар шунга арзийдилар, ахир уларнинг турмушлари жуда ҳам ширин эмас. Газетага хатни ўзим учун юборганим йўқ. Менга барибир эмасми исм-шарифимни қандай ёзишгани? Оддий одамнинг чекига камдан-кам тушадиган нарсани кўриш насиб эттан кишининг исм билан нима иши бор дейсиз?

Уильям Фолкнер (1897–1962) – америкалик романнавис, новеллалар ижодкори. «Шовқин ва разаб» (1929) романы модерн (фикрлар оқими) усулида ёзилган. Танқидчилар бир овоздан «улуғ роман» дейишди, бирок асар оғдай ўқувчини ўзига жалб қололмади, уни ўқиши жуда қийин; муаллиф ҳам ўзининг кўнгли таскин топмаганидан, битта асарни уч вариантда (уч персонаж нуктаи назаридан) ёзган. «Ибодатхона» (1991) романы бестселлер бўлиб кетди, «Айиқ» ҳикояси дунё адабиётида энг яхши асарлардан бири ҳисобланади. 1950 йили Фолкнерга 1949 йил ҳисобидан «Ҳозирги замон Америка романчилигига қўшган, бадиий нуктаи назардан ноёб ва улкан ҳиссаси учун» Нобель мукофоти берилди.

## УИЛЬЯМ ФОЛКНЕРНИНГ НОБЕЛЬ МУКОФОТИ БИЛАН ТАҚДИРЛАШ МАРОСИМИДА СЎЗЛАГАН НУТҚИ

Тушуниб турибман: мукофот менга эмас, асарларимга – шу пайтгача мавжуд бўлмаган, инсон қалбига таяниб, пешана тери ва қалб тўлғоқлари билан яратилган, шон-шуҳратни ҳам, манфаатни ҳам кўзламаган ишларимга берилаяпти. Шунинг учун мукофотни ишончли вакил сифатида қабул қиласман. Унинг пул қисмини бу мўътабар мукофот мақсадлари ва ўтмишига муносиб равишда сарфлаш мен учун қийин эмас.

Менга берилган эътибордан муносиб фойдаланган ҳолда, ўзини оғир ва азобли ёзувчилик меҳнатига бағишилаган ёшларга мурожаат қилишни истардим ва ишонманки, вақти келиб, гапларимни мен ҳозир эгаллаб турган минбарга чиқадиганлар ҳам эшитишади.

Давримизнинг фожиаси шундаки, биз, ҳаммамиз ёппасига ҳайвоний қўрқув билан яшаб келяпмиз. Бу – узоқ, вақтдан бери давом этиб келаётганидан қўрқувга ўрганиб ҳам қолдик. Инсон руҳиятига тегишли ҳамма масалалардан фақат биттаси қолди: қачон бизни қириб ташлашаркин? Шунинг учун ҳам ҳозирги ёш қаламкашлар ҳақиқий адабий асарни бунёд эта оладиган, ёзишга, меҳнат қилиш ва азоб чекишга арзийдиган мавзу

— одам ўзи билан ўзи курашиши муаммосини унугиб қўйдилар. Ёзувчи булар ҳақида ўйлаб кўриши, қўрқув энг пасткаш ҳиссиёт эканини тушуниб етиши ва ниҳоят, ўз «устахонасидан» юрак ҳақиқатини, асарни агадийликка дохил қиласиган мұхаббат, орномус, муруват, фуур, раҳм-шафқат, фидойилик каби азалий ва агадий қадриятлардан бошқа барчасини чиқариб ташламори керак. Агарда ёзувчи шундай қилмас экан, унинг асари устида лаънат тошлари ўйнаб туради. У мұхаббат ҳақида эмас, шаҳвоният, безиён мағлубиятлар, умидсиз ғалабалар ҳақида ва энг ёмони — ачинмасдан, ҳамдард бўлолмасдан ёзади. Унинг дардини ҳеч ким тушунмайди, бу дардлар ҳеч қайси қалбда из қолдирмайди. У инсоний қалб ҳақида эмас, балки жисмоний фаолият ҳақида ёзган бўлади. Ёзувчи шуларни тушуниб етмагунча, четдан туриб кузатаётган одамдек, инсониятнинг ҳалокатта юз тутиши ҳақида ёзади. Мен инсониятнинг ҳалокати ҳақидаги фикрни рад этаман. Одам боласи ҳамма нарсага чидайвергани учун инсониятни мангу дейиш осон. Зулматнинг бир чеккасидағи қонли шафак узра илиниб турган қоядан энг сўнгги қўнғироқ ноласи узилгандა ҳам битта сўнмас овоз — ОДАМ овози қолади, деган гапларни тан олмайман. Одамзод нафақат тирик қолишига, балки тантана қилишига ишонман. Унинг мангулиги овозининг сўнмаслигида эмас, балки ўз хусусияти ва руҳиятига кўра раҳм-шафқатга, фидойиликка, матонатта мойиллигидадир. Ёзувчи ва шоирнинг бурчи — шулар ҳақида ёзиш, мардлик, орномус, умид, раҳм-шафқат, муруват, фидойилик каби инсонга хос азалий ифтихорни мустаҳкамлаш йўли билан одамлар қалбига мадад беришдан иборат. Уларнинг овози, шунчаки акс-садо бўлмасдан, одам ҳаёт синовларига бардош бериши ва тантана қилиши учун замин, таянч бўлмори лозим.

1950 йил

Қудрат Дўст мұхаммад  
таржимаси

## **МУНДАРИЖА**

- Уильям Фолкнер — инсонпарвар ёзувчи .....  
АЙИҚ .....  
*Э.Эрназаров таржимаси*
- ЭМИЛИ УЧУН АТИРГУЛЛАР .....  
*И.Фафуров таржимаси*
- ТҮЗОНЛИ СЕНТЯБРЬ .....  
*И.Фафуров таржимаси*
- УОШ .....  
*И.Фафуров таржимаси*
- ҚОРА МУСИҚА .....  
*И.Фафуров таржимаси*
- Уильям Фолкнернинг Нобель муроффоти билан  
тақдирлаш маросимида сўзлаган нутқи .....  
*Қ.Дўстмуҳаммад таржимаси*

*Адабий-бадиий нашр*

УИЛЬЯМ ФОЛКНЕР

**ҚИССА ВА  
ҲИКОЯЛАР**

Муҳаррир  
Гавҳар МИРЗАЕВА

Бадиий муҳаррир  
Уйгун СОЛИХОВ

Мусаҳҳих  
Нилуфар ЖАББОРОВА

Компьютерда саҳифаловчи  
Феруза БОТИРОВА

Техник муҳаррир  
Сурайё АҲМЕДОВА

**Босишга 1.05.2013 й.да рухсат этилди.**

**Бичими 84x108 1\32.**

**Босма тобоги 5,625. Шартли босма тобоги 9,45.**

**Гарнитура «Baltica Сут+Uzb». Офсет қозоз.**

**Адади 2000 нусха. Буюртма № 147.**

**Баҳоси келишилган нархда.**

**«Янги аср авлоди» НММда тайёрланди.**

**Лицензия рақами: АI № 198, 2011 йил 28.08 да берилган.**

**«Ёшлар матбуоти» босмахонасида мұқоваланди.**

**100113. Тошкент, Чилонзор-8, Қатортол күчаси, 60.**

***Мурожаат учун төлефонлар:***

**Нашр бўлими – 278-36-89; Маркетинг бўлими – 128-78-43**

**факс – 273-00-14; web-сайтимиз: [www.yangiasr.uz](http://www.yangiasr.uz)**

**интернет-дўкон: [www.yangidavr.uz](http://www.yangidavr.uz)**

**e-mail: [yangiasravlod@mail.ru](mailto:yangiasravlod@mail.ru)**

5000-00

Уильям  
**ФОЛКНЕР**

84(7)  
Ф 458



АНГИ ДСР АВЛОДИ

ISBN 978-9943-08-974-7



9 789943 089747